

萬有文庫

第一集一千種

王雲五主編



唐詩別裁

(二)

沈德潛選註



商務印書館發行



唐詩別裁

(二)

沈德潛選註

國學基本叢書

萬有文庫

第一集一千種

總編纂者

王雲五

商務印書館發行

唐詩別裁

卷四

五言古詩

韓愈

字退之昌黎人三歲而孤兄嫂鄭鞠之長擢進士第歷官監察御史上疏極論宮市德宗怒貶陽山令元和中歷官太子右庶子裴度宣慰淮西奏愈行軍司馬淮西平遷刑部

侍郎憲宗迎佛骨入禁內上表力諫帝怒將抵以死大臣皆為愈言乃貶潮州刺史尋改袁州

召拜國子祭酒轉兵部侍郎王廷湊亂召愈宣諭極論順逆利害廷湊畏服之歸轉吏部侍郎

卒年五十七贈禮部尚書諡曰文○善使才者當留其不盡昌黎詩不免好盡要之意歸於正規模宏潤骨格整頓原本雅頌而不規規於風人也品為大家雖曰不宜○昌黎四言唐人中

無與儔者平淮西碑尤為立極因碑以文為主系之以詩恐體例不合故祇錄元和聖德詩

元和聖德詩并序○唐人四言絕少佳者不能另立一體故附五言體中

臣愈頓首再拜言臣伏見皇帝陛下即位以來誅流姦臣朝廷清明無有欺蔽外斬楊惠琳劉闢以收夏蜀東定青徐積年之叛海內怖駭不敢違越郊天告廟神靈歡喜風雨晦明無不從順太平之期適當今日臣蒙被恩澤日與羣臣序立紫宸殿下親望穆穆之光而其職業又在以經籍教導國子誠宜率先作歌詩以稱道盛德不可以詞語淺薄不足以自效為解輒依古作四言元和聖德詩一篇凡千有二十四字指事實錄具載明天子文武神聖以警動百姓耳目傳示無極其詩曰

皇帝卽阡物無違拒曰嗚而嗚曰雨而雨維是元年有盜在夏揭嘉琳據城叛欲覆其州以踵近武皇帝

曰嘻豈不在我負鄙爲姦縱則不可出師征之其衆十旅軍其城下告以福禍腹收枝披不敢保聚擲首

陣外夏州兵馬使張承全斬降幡夜豎疆外之險莫過蜀土章臯去鎮劉關守後血入于牙不肯吐口開

庫啗士誘啗士卒之詞白隨所取汝張汝弓汝伐汝鼓汝爲表書求我帥汝事始上聞在列威怒皇帝曰然嗟遠

士女苟附而安則且付與憲宗欲以恩撫之命讀命於庭出節少府朝發京師夕至其部關喜謂黨汝振

而伍蜀可全有此不當受萬牛鬻後萬甕行酒以錦纏股以紅帕首有恆其兇有餌其誘其出穰穰隊以

萬數遂劫東川遂據城阻皇帝曰嗟其又可許爰命崇文此豈可許命分卒禁籟有安其驅無暴我野日

行三十徐壁其右關黨聚謀鹿頭是守崇文奉詔進退規矩戰不貪殺擒不濫數四方節度整兵頓馬上

章乞討俟命起坐皇帝曰嘻無汝煩苦荆并泊梁在國門戶出師三千各選爾醜四軍齊作殷其如阜謂

必四方之兵惟荆南節度使裴均河東節度使嚴綬山南節度使嚴礪足以誅之也或拔其角或脫其距長驅洋洋無有齟齬八月壬午關棄城走

載妻與妾包裹稚乳是日崇文入處其宇分散逐捕搜原剔藪關窮見窘無他自處俯視大江不見洲渚

遂自顛倒若杵投曰取之江中枷脰械手婦女纍纍啼哭拜叩來獻闕下以告廟社周示城市咸使觀覩

解脫繫索夾以砧斧婉婉弱子亦立偃僂牽頭曳足先斷腰膂次及其徒一段危言其詞借體骸撐拄未

乃取關駭汗如瀉揮刀紛紜爭刳膾脯優賞將吏枿珪綴組帛堆其家粟塞其庾哀憐陣沒廩給孤寡贈

官封墓。周匝宏溥。經戰伐地。寬免租簿。施令酬功。急疾如火。天地中間。莫不順序。幽恆青魏。東盡海浦。南至徐蔡。區外雜虜。怛威赧德。此言一時藩鎮無不畏威懷德。踞踏蹈舞。掉棄兵革。私習籛籥。來請來覲。十百其耦。皇帝曰。吁。伯父叔舅。各安爾位。訓厥眈晦。正月元日。初見宗祖。一段祭告天地祖宗。躬執百禮。登降拜俯。薦于新宮。祠宗之言。視瞻梁栢。戚見容色。淚落入俎。侍祠之臣。助我惻楚。乃以上辛於郊。用牲除於國南。鱗笱毛簾。廬幕周施。開揭磊砢。獸盾騰擎。圓壇帖妥。天兵四羅。旂常婀娜。駕龍十二。魚魚雅雅。宵昇于邱。邱圓。奠璧獻粢。衆樂驚作。轟逐融冶。紫焰嘘呵。高靈下墮。羣星從坐。錯落侈侈。日君月妃。煥赫嫫媼。瀆鬼濛鴻。嶽祇藥莪。飲沃羶薌。產祥降嘏。鳳皇應奏。舒翼自拊。赤鱗黃龍。透陀結糾。卿士庶人。黃童白叟。踴躍歡呀。失喜噎歐。乾清坤夷。境落襄舉。帝車迴來。日正當午。幸丹鳳門。大赦天下。一段大赦施惠。滌濯剗礫。磨滅瑕垢。續功臣嗣。拔賢任耆。孩養無告。仁滂施厚。皇帝神聖。以下頌揚聖德。通達今古。聽聰視明。一似堯禹。生知法式。動得理所。天錫皇帝。爲天下主。并包蓄養。無異細鉅。億載萬年。敢有違者。皇帝儉勤。鹽濯陶瓦。斥遣浮華。好此綈紵。敕戒四方。侈則有咎。天錫皇帝。多麥與黍。無召水旱。耗于雀鼠。億載萬年。有富無窶。皇帝正直。別曰善否。擅命而狂。旣翦旣去。盡逐羣姦。靡有遺侶。天錫皇帝。龐臣碩輔。博問遐觀。以置左右。億載萬年。無敢予侮。皇帝大孝。慈祥悌友。怡怡愉愉。奉太皇后。浹于族親。濡及九有。天錫皇帝。與天齊壽。登茲太平。無怠永久。頌繼規。億載萬年。爲父爲母。博士臣愈。職是訓詁。作爲歌詩。以配吉甫。典重增輿體則二雅三頌辭則古賦秦碑盛唐中呂黎獨擅

秋懷詩二首

離離挂空悲。感感抱虛警。露泫秋樹高。蟲弔寒夜永。斂退就新懦。趨營悼前猛。歸愚識夷塗。汲古得修綆。

名浮猶有恥。味薄真自幸。庶幾遺悔尤。卽此是幽屏。此卽今是昨非之意。連下章頗近謝公。

今晨不成起。端坐盡日景。蟲鳴室幽幽。月吐窗回回。喪懷若迷方。念浮劇含梗。塵埃慵伺候。文字浪馳騁。

尙須勉其頑。王事有朝請。前漢書吳王濞使人爲秋請。春日朝。秋曰請。

齷齪

齷齪當世士。所憂在飢寒。但見賤者悲。不聞貴者歎。大賢事業異。遠抱非俗觀。報國心皎潔。念時涕洟瀾。妖姬坐左右。柔指發哀彈。酒肴雖日陳。感激寧爲歡。秋陰欺白日。泥潦不少乾。河堤決東郡。老弱隨驚湍。天意固有屬。誰能詰其端。願辱太守薦。得充諫諍官。排雲叫闔闔。披腹呈琅玕。致君豈無術。自進誠獨難。

時張建封居公於符離沮上。及秋將辭去。建封奏爲節度推官。此猶未薦時詩。故有望于太守之薦也。

縣齋讀書

出宰山水縣。讀書松桂林。蕭條捐末事。邂逅得初心。哀狷醒俗耳。清泉深塵襟。詩成有共賦。酒熟無孤斟。青竹時默釣。白雲日幽尋。南方本多毒。北客恆懼侵。謫譴甘自守。滯留媿難任。投書類縞帶。佇答逾兼金。

應是令陽山時作。末二句似答贈詩之客。

送石處士赴河陽幕

處士呂洪

長把種樹書。人云避世事。忽騎將軍馬。自號報恩子。風雲入壯懷。泉石別幽耳。鉅鹿師欲老。時寇聚於恆常山險猶恃。王承宗豈惟彼相憂。固是吾徒恥。去去事方急。酒行可以起。即序中所云不告于妻子友也。中帶諷意合看寄處同詩愈見

送河南李正字歸

正字名礎

長沙入楚深。洞庭值秋晚。人隨鴻鴈少。江共蒹葭遠。歷歷余所經。悠悠子當返。孤遊懷耿介。旅宿夢婉婉。風土稍殊音。魚蝦日異飯。親交俱在此。誰與同息偃。

瀧吏

南行逾六旬。始下樂昌瀧。險惡不可狀。船石相舂撞。往問瀧頭吏。潮州尚幾里。行當何時至。土風復何似。瀧吏垂手笑。官何問之愚。譬官居京邑。何由知東吳。東吳游宦鄉。官知自有由。潮州底處所。有罪乃竄流。儂幸無負犯。何由到而知。官今行自到。那遽妄問爲。不虞卒見困。汗出媿且駭。吏曰聊戲官。儂嘗使往罷。嶺南大抵同。官去道苦遼。下此三千里。有州始名潮。惡溪瘴毒聚。雷電常洶洶。鱸魚大于船。牙眼怖殺儂。州南數十里。有海無天地。颶風有時作。掀簸眞差詭。同事聖人子天下。于物無不容。比聞此州囚。亦有生還儂。官無嫌此州。固罪人所徙。官當明時來。事不待說委。官不自謹慎。宜即引分往。胡爲此水邊。神色久懔慌。茲大瓶甕小。所任自有宜。官胡不自量。滿溢以取斯。工農雖小人。事業各有守。不知官在朝。有益國家

不得無虱其間。商君二十六篇以仁義禮樂爲虱官曰六虱成俗兵必大敗不武亦不文。仁義飾其躬。巧姦敗羣倫。叩頭謝吏言。始慚今更羞。歷官二十餘。國恩並未酬。凡吏之所訶。嗟實頗有之。不卽金木誅。敢不識恩私。潮州雖云遠。雖惡不可過。于身實已多。敢不持自賀。借吏言以規調。自嘲亦自寬解也。從古樂府得來韓詩中之別調。

岳陽樓別竇司直。原注竇庠時以武昌幕攝岳州。

洞庭九州間。厥大誰與讓。南匯羣崖水。北注河奔放。瀦爲七百里。吞吐各殊狀。自古澄不清。環混無歸向。炎風日搜攬。幽恠多冗長。軒然大波起。宇宙隘而妨。巍峨拔嵩華。騰蹕較健壯。聲音一何宏。轟轡車萬兩。猶疑帝軒轅。張樂就空曠。蛟螭露筍簾。縞練吹組帳。鬼神非人世。節奏頗跌踢。陽施見跨麗。二句分上下景狀。陰閉感悽愴。朝過宜春口。極北缺堤障。夜纜巴陵州。叢芮芮水纔可傍。星河盡涵泳。俯仰迷下上。餘纜怒不已。喧聒鳴甕盎。明登岳陽樓。輝煥朝日亮。飛廉戢其威。清晏息纖纒。泓澄湛凝綠。物影巧相况。江豚時出戲。驚波忽蕩漾。時常冬之孟。隙竅縮寒漲。前臨指近岸。側坐渺難望。滌濯神魂醒。幽懷舒以暢。主人孩童舊。握手乍忻悵。憐我竄逐歸。相見得無恙。開筵交履舄。爛漫倒家釀。杯行無留停。高柱送清唱。中盤進橙栗。投擲傾脯醬。歡窮悲心生。婉孌不能忘。念昔始讀書。志欲干霸王。屠龍本莊子破千金。爲藝亦云亢。愛才不擇行。觸事得纔謗。前年出官由。此禍最无妄。公卿採虛名。躍拜識天仗。姦猜畏彈射。斥逐恣欺誑。新恩移府庭。逼側廁諸將。吁嗟苦鶩緩。但懼失宜當。追思南渡時。魚腹甘所葬。嚴程迫風帆。劈箭入高浪。顛況

在須臾。忠鯁誰復諒。生還真可喜。克己自懲創。庶從今日後。羸識得與喪。事多改前好。趣有獲新尚。誓耕十畝田。不取萬乘相。細君知蠶織。稚子已能餉。行當挂其冠。生死君一訪。前兩段陽開陰闔入寶司直後見忠直被謗而以追思南渡數語挽轉前半筆力矯然。

薦士

周詩三百篇。雅麗理訓誥。曾經聖人手。議論安敢到。五言出漢時。蘇李首更號。東都漸瀰漫。派別百川導。建安能者七。卓犖變風操。逶迤抵晉宋。氣象日凋耗。中間數鮑謝。失卻陶公性所不近也。比近最清奧。齊梁及陳隋。衆作等蟬噪。搜春摘花卉。沿襲傷剽盜。國朝盛文章。卓見。子昂始高蹈。勃興得李杜。萬類困陵暴。後來相繼生。亦各臻闔奧。有窮者孟郊。受材實雄鷲。冥觀洞古今。象外逐幽好。橫空盤硬語。妥帖力排奡。二語昌黎自狀其詩。敷柔肆紆餘。奮猛卷海潦。榮華肖天秀。捷疾逾響報。行身踐規矩。甘辱恥媚竈。孟軻分邪正。眸子看瞭眊。杳然粹而清。可以鎮浮躁。酸寒溧陽尉。五十幾何耄。言去謔幾何。孜孜營甘旨。辛苦久所冒。俗流知者誰。指汪競嘲傲。聖皇索遺逸。耄士日登造。廟堂有賢相。謂鄭餘慶。愛遇均覆燾。况承歸與張。歸登張建封。二公迭嗟悼。青冥送吹噓。強箭射魯縞。胡爲久無成。知而不舉也。使以歸期告。霜風破佳菊。嘉節迫吹帽。念將決焉去。感物增戀。縲彼微水中。苕。以下皆用比例。尚煩左右老。魯侯國至小。廟鼎猶納郤。幸當擇珉玉。寧有棄珪瑁。悠悠我之思。擾擾風中蠹。上言愧無路。日夜惟心禱。鶴翎不天生。變化在啄菹。通波非難圖。尺地易可漕。水轉曰漕。善善不及

汲後時徒悔懊。救死具八珍。不如一簞糲。微詩公勿誚。愷悌神所勞。此藹孟東野于鄆餘慶也。盛稱東野而公愛才之心。較比于吐哺握髮矣。

駑驥

駑駘誠齷齪。市者何其稠。力小可易制。價微良易酬。渴飲一斗水。飢食一束芻。嘶鳴當大路。志氣若有餘。駑驥生絕域。自矜無匹儔。牽驅入市門。行者不為留。借問價幾何。黃金比嵩丘。借問行幾何。咫尺視九州。飢食玉山禾。渴飲醴泉流。問誰能為御。曠世不可求。惟昔穆天子。乘之極遐遊。王良執其轡。造父挾其軻。因言天外事。即借穆天子見西王母事。荒惚使人愁。駑駘謂駑驥。餓死余爾羞。有能必見用。有德必見收。猶淳于髡孟子意。孰云時與命。通塞皆自由。駑驥不敢言。低徊但垂頭。人皆劣駑驥。共以駑駘優。喟余獨興嘆。才命不同謀。寄詩同心子。為我商聲謳。唐本有贈歐陽詹字詹集有答韓十入駑驥吟。知此詩為歐陽作也。小才得志。傲視高賢。古今一人。豈獨歐陽詹耶。

調張籍

李杜文章在。光焰萬丈長。不知羣兒愚。那用故謗傷。蚍蜉撼大樹。可笑不自量。伊我生其後。舉頸遙相望。夜夢多見之。晝思反微茫。徒觀斧鑿痕。言未見其源。不矚治水航。想當施手時。巨刃磨天揚。垠崖劃崩豁。乾坤擺雷硠。惟此兩夫子。家居率荒涼。帝欲長吟哦。故遣起且僵。翦翎送籠中。使看百鳥翔。平生千萬篇。金薤垂琳琅。仙官勅六丁。雷電下取將。流落人間者。太山一毫芒。我願生兩翅。捕逐出八荒。精誠忽交通。百怪

入我腸。東坡所云出逐李杜者于此見之。刺手拔鯨牙。舉瓢酌天漿。騰身跨汗漫。不著織女襄。顧語地上爰。經營無太忙。乞君飛霞珮。與我高頡頏。言生平欲學者惟在李杜。故夢寐見之。更冀生羽翼以追逐之。見籍有志于古。地至謂羣兒愚指微之。魏道輔之言未可援引。

柳宗元字子厚。河東人。貞元初中。博學宏詞。科官監察御史。襄行。順宗即位。王叔文。韋執誼。引入計事。擢禮部員外郎。叔文敗。貶永州司馬。放浪山水間。以詩文自娛。元和。中。授柳州刺史。時劉禹錫得播州。宗元謂播州非人所居。而夢得親在堂。無母子俱往。理如不往。便爲母子永訣。願請於朝。以柳易播。會大臣爲禹錫奏。改刺連州。宗元在柳州。有善政。年四十七卒。於官。柳人以神事之。○柳州詩長於哀怨。得騷之餘意。東坡謂在蘇州上。而王阮亭謂不及蘇州。各自成家。兩存其說可也。

初秋夜坐贈吳武陵

稍稍雨侵竹。翻翻鵲驚叢。美人隔湘浦。風神。一夕生秋風。積霧杳難極。滄波浩無窮。相思豈云遠。卽席莫與同。若人抱奇音。朱絲絙枯桐。清商激西顛。泛灩凌長空。干古文神境。自得本無作。天成諒非功。希聲闕大樸。曷俗何由聰。下半借琴以喻文才。董庭蘭一輩人未能知也。

晨詣超師院讀禪經

汲井漱寒齒。清心拂塵服。閒持貝葉書。步出東齋讀。真源了無取。妄跡世所逐。遺言冀可冥。繕性何由熟。逆人庭宇靜。苔色連深竹。日出霧露餘。青松如膏沐。澹然離言說。悟悅心自足。

贈江華長老

老僧道機熟。默語心皆寂。去歲別春陵。沿流此投跡。室空無侍者。巾屨唯挂壁。一飯不願餘。跣趺便終夕。風窗疎竹響。露井寒松滴。偶地卽安居。滿庭芳草積。

南磻中題

卽柳記
中石湖

秋氣集南磻。獨遊亭午時。迴風一蕭瑟。林影久參差。始至若有得。稍深遂忘疲。爲學仕宦亦如是觀。羈禽響幽谷。寒藻舞淪漪。去國魂已遠。懷人淚空垂。孤生易爲感。失路少所宜。索寞竟何事。徘徊祗自知。誰爲後來者。當與此心期。語語是獨遊。東坡謂柳儀曹南磻詩。憂中有樂。妙絕古今。得其旨矣。

與崔策登西山

鶴鳴楚山靜。露白秋江曉。連袂渡危橋。縈迴出林杪。西岑極遠目。毫末皆可了。重疊九疑高。微茫洞庭小。迴窮兩儀際。高出萬象表。馳景泛頽波。遙風遞寒篠。譎居安所習。稍厭從紛擾。生同胥靡遺。壽等彭鏗夭。蹇連困顛踣。愚蒙怯幽眇。非令親愛疎。誰使心神悄。偶茲遁山水。得以觀魚鳥。吾子幸淹留。緩我愁腸繞。莊子胥靡登而不遺言。被罪之人。輕生身也。次語卽齊物論意。

旦攜謝山人至愚池

新沐換輕幘。曉池風露清。自諧塵外意。况與幽人行。霞散衆山迴。天高數鴈鳴。機心付常路。聊適羲皇情。

獨覺

覺來牕牖空。寥落雨聲曉。良遊怨遲暮。末事驚紛擾。問爲經世心。古人誰盡了。

溪居

久爲簪組束。幸此南夷謫。閒依農圃鄰。偶似山林客。曉耕翻露草。夜傍響溪石。來往不逢人。長歌楚天碧。

愚溪諸詠。處連蹇困厄之境。發清夷淡泊之音。不怨而怨。怨而不怨。行問言外。時或遇之。

夏初雨後尋愚溪

悠悠雨初霽。獨繞清溪曲。引杖試荒泉。解帶圍新竹。沉吟亦何事。寂寞固所欲。幸此息營營。嘯歌靜炎燠。

首春逢耕者

南楚春候早。餘寒已滋榮。土膏釋原野。百蟄競所營。綴景未及郊。穡人先耦耕。園林幽鳥囀。渚澤新泉清。農事誠素務。羈囚阻平生。故池想蕪沒。遺畝當榛荆。慕隱既有繫。圖功遂無成。聊從田父言。款曲陳此情。

因逢耕者而念及田園之燕。羈人心事不勝黯然。

秋曉行南郭經荒村

杪秋霜露重。晨起行幽谷。黃葉覆溪橋。荒村惟古木。寒花久寂歷。幽泉微斷續。機心久已忘。何事驚麋鹿。

雨后曉行獨至愚溪北池

宿雲散洲渚。曉日明村塢。高樹臨春池。風驚夜來雨。予心適無事。偶此成賓主。

中夜起望西園值月上

覺來繁露墜。開戶臨西園。寒月上東嶺。泠泠疎竹根。石泉遠邇響。山鳥時一喧。倚檻遂至日。寂寞將何言。

湘岸移木芙蓉植龍興精舍

有美不自蔽。安能守孤根。選謫後有得言。盈盈湘西岸。秋至風露繁。麗影別寒水。穠芳委前軒。芰荷諒難雜。反此

生高原。

禪堂

發地結菁茆。團團抱虛白。山花落幽戶。中有忘機客。涉有本非取。照空不待析。萬籟俱緣生。窅然喧中寂。心境本同如。鳥飛無遺跡。

苦竹橋

危橋屬幽徑。繚繞穿疎林。迸籜分苦節。輕筠抱虛心。俯瞰涓涓流。仰聆蕭蕭吟。差池下煙日。嘲啻鳴山禽。諒無要津用。棲息有餘陰。

田家三首

麀食狗所務。驅牛向東阡。鷄鳴村巷白。夜色歸墓田。軋軋耒耜聲。飛飛來鳥鳶。竭茲筋力事。持用窮歲年。盡輸助徭役。聊就空自眠。子孫日已長。世世還復然。

聲落隔煙火。農談四鄰夕。庭際秋蟲鳴。疎麻方寂歷。蠶絲盡輸稅。機杼空倚壁。里胥夜經過。雞黍事筵席。各言官長峻。文字多督責。東鄰後租期。車車陷泥澤。公門少推恕。鞭朴恣狼籍。里胥恐嚇田家。努力慎經營。肌膚真可惜。迎新在此歲。唯恐踵前跡。

古道饒蒺藜。縈迴古城曲。蓼花被隄岸。陂木寒更淥。是時收穫竟。落日多樵牧。風入榆柳疎。霜重梨棗熟。行人迷去住。野鳥競棲宿。田翁笑相念。昏黑慎原陸。今年幸小豐。無厭饘與粥。

掩役夫張進骸

生死悠悠爾。一氣聚散之。偶來紛喜怒。奄忽已復辭。爲役孰賤辱。爲貴非神奇。一朝續息定。枯朽無妍媸。生時勤皂櫪。剝秣不告疲。既死給櫬槨。葬之東山基。奈何值崩湍。蕩析臨路垂。饒然暴百骸。散亂不復支。從者幸告予。睠之潛然悲。猫虎獲迎祭。犬馬有蓋帷。佇立唁爾魂。豈復識此爲。舂鍤載埋瘞。溝瀆護其危。我心得所安。仁人之言也。我心得所安二語。見。此達人之言也。我心得所安二語。見。求安側隱。非以示恩。此仁人之言也。

韋道安

道安本儒士。頗擅弓劍名。二十遊太行。暮聞號哭聲。疾驅前致問。有叟垂華纓。言我故刺史。失職還西京。偶爲羣盜得。毫縷無餘贏。貨財足非恪。二女皆娉婷。蒼黃見驅逐。誰識死與生。便當此殞命。休復事晨征。

一聞激高義。皆裂肝膽橫。挂弓問所往。趨捷超崢嶸。見盜寒礪陰。羅列方忿爭。一矢斃會帥。餘黨號且驚。磨令遞束縛。纏索相拄撐。彼姝久褫魄。兩下俟誅刑。卻立不親授。諭以從父行。摺收自齷肩。轉道趨前程。夜發敲石火。山林如晝明。父子更抱持。涕血紛交零。頓首願歸貨。納女稱舅甥。道安奮衣去。義重利固輕。師婚古所病。合姓非用兵。竭來事儒術。十載所能逞。慷慨張徐州。朱邸揚前旌。投驅獲所願。前馬出王城。韓門立奇士。淮水秋風生。君侯既卽世。麾下相欹傾。立孤抗王命。鐘鼓四野鳴。橫潰非所壅。逆節非所嬰。舉頭自引刃。顧義誰顧形。烈士不忘死。所死在忠貞。咄嗟狗權子。翕習猶趨榮。我歌非悼死。所悼時世情。
斃羣盜為勇士。辭師婚為義士。後傾義引刃。又為忠貞之士矣。非柳州表揚之道安幾于湮沒。

孟

郊卒。○東野武康人。年五十始成進士。為溧陽尉。韓昌黎極重之。薦于鄭餘慶。奏為參謀。未幾可與島並論也。而元遠山云。東野窮愁死不休。高天厚地一詩囚。毋乃太過乎。

列女操

梧桐相待老。鴛鴦會雙死。貞婦貴狗夫。捨生亦如此。波瀾誓不起。妾心古井水。
寫貞心下語斬絕。

遊子吟

慈母手中線。遊子身上衣。臨行密密縫。意恐遲遲歸。誰言寸草心。報得三春暉。
即欲報之德。昊天罔極意。

聖明同
有千古

靜女吟

豔女皆妒色。靜女獨檢蹤。任禮耻任粧。嫁德不嫁容。君子易求聘。小人難自從。此志與誰諒。琴絃幽韻重。

長安羈旅行

十日一理髮。每梳飛旅塵。三旬九過飲。每食唯舊貧。萬物皆及時。一人不覺春。失名誰肯訪。得意爭相親。直木有恬翼。靜流無躁鱗。始知喧競場。莫處君子身。野策藤竹輕。山蔬薇蕨新。潛歌歸去來。事外風景真。

直木一聯傳
出君子之品

古怨別

颯颯秋風生。愁人怨離別。含情兩相向。欲語氣先咽。心曲千萬端。悲來卻難說。別後唯所思。天涯共明月。

聞砧

杜鵑聲不哀。斷猿啼不切。月下誰家砧。一聲腸一絕。杵聲不爲客。客聞髮自白。杵聲不爲衣。欲令遊子歸。

竟是古
樂府

遊終南

南山塞天地。日月石上生。高峯夜留景。深谷晝未明。山中人自正。路險心亦平。長風驅松柏。聲拂萬壑清。卽此悔讀書。朝朝近浮名。盤空出險語。○出峽詩有上天下
天水出地入地舟句同一奇險

趙記室倅在職無事

卑靜身後老。高動物先摧。方圓水任器。剛勁木成灰。大道母羣物。達人腹衆才。似子書中名語時吟堯舜篇。心向無爲開。彼隱山萬曲。我隱酒一杯。公庭何所有。日日清風來。

上河陽李大夫

上將秉神略。至兵無猛威。三軍當嚴冬。一撫勝重衣。霜劍奪衆景。夜星失長輝。蒼鷹獨立時。惡鳥不敢飛。武牢鎖天關。河橋紐地機。大軍奚以安。守此稱者稀。言無人知大夫之功也。下接是詩意。貧士少顏色。貴門多輕肥。試登山岳高。方見草木微。山岳恩旣廣。草木心皆歸。

送豆盧策歸別墅

短松鶴不巢。高石雲始棲。君今瀟湘去。意與雲鶴齊。力買奇險地。手開清淺溪。身披薜荔衣。山陟莓苔梯。一卷冰雪文。避俗常自攜。

送蕭鍊師入四明山

聞於獨鶴心。大於高松年。迥出萬物表。高棲四明巔。千尋直裂峯。百尺倒瀉泉。絳雪爲我飯。白雲爲我田。靜言不語俗。靈蹤時步天。工于發端。與前一首同。

送李觀韓愈別兼獻張徐州卽張建封

富別愁在顏。貧別愁銷骨。懶磨舊銅鏡。畏見新白髮。古樹春無花。子規啼有血。離絃不堪聽。一聽三四絕。世途非一險。俗慮各千結。有客步大方。驅車獨迷轍。故人韓與李。逸翰雙皎潔。哀哉摧折歸。贈詞縱橫設。徐方國號在。元戎天下傑。禰生投刺遊。王粲吟詩謁。高情無遺照。朗抱開曉月。有土不埋冤。有讐皆爲雪。願爲直草木。永向君地列。願爲古琴瑟。永向君地發。欲識丈夫心。曾將孤劍說。真元元和以降詩家尊尙近體于古風漸薄五言古尤入淺率沿及宋元踈違正軌復古轉在明代也茲於椰子厚孟東野後所采寥寥惟恐歧途紛出學詩者靡所適從耳

寄遠

別腸長鬱紆。豈能肥肌膚。始知相結密。不及相結疎。疎別恨應少。密別恨難祛。門前南去水。中有北飛魚。魚飛向北海。可以寄遠書。不惜寄遠書。故人今在無。華山峩嶢形。遙望齊平蕪。況此數尺身。阻彼萬里途。自非日月光。難以知子軀。

李

益字君虞姑成人成進士官不達劉濟辟爲從事呈詩有不上望京樓句憲宗召選官集賢殿學士頁才凌衆諫官暴其在濟時詩既官散秩後仍屢遷以禮部尙書終○君虞邊塞詩最佳征人歌早行等篇好事者畫爲屏障

觀回軍

行行上隴頭。隴月暗悠悠。萬里將軍沒。回旂隴戍秋。誰令嗚咽水。重入故營流。

入南山至全師蘭若

木隕水歸壑，寂然無念心。枯禪語南行有真子，被褐息山陰。石路瑤草散，松門寒景深。吾師亦何授，自起定

中吟。

長干行 亦作太白詩

憶妾深閨裏，烟塵不曾識。嫁與長干人，沙頭候風色。五月南風興，思君下巴陵。八月西風起，想君發揚子。去來悲如何，見少離別多。湘潭幾日到，妾夢越風波。昨夜狂風度，吹折江頭樹。渺渺暗無邊，行人在何處。好乘浮雲聽，佳期蘭渚東。鴛鴦綠浦上，翡翠錦屏中。自憐十五餘，顏色桃花紅。那作商人婦，愁水又愁風。

設色綴詞宛然太白

權德輿 字載之，略陽人。第進士。德字朝歷，官禮部侍郎。三典貢舉。元和中以尚書同平章事卒。諡文。

月夜江行

扣舷不能寐，浩露清衣襟。彌傷孤舟夜，遠結萬里心。幽興惜瑤草，素懷寄鳴琴。三奏月初上，寂寥寒江深。

嚴子陵釣臺下作

絕頂聳蒼翠，清湍石磷磷。先生晦其中，天子不得臣。心靈棲顛元，纓冕猶緇塵。不樂禁中臥，却歸江上春。潛驅東漢風，日使薄者醇。焉用佐天子，持此報故人。則知大賢心，不獨私其身。弛張有深致，耕釣陶天真。

我行訪遺臺，仰古懷逸民。增繳鴻鵠遠，雪霜松桂新。江流去不窮，山色凌秋旻。人世自今古，清暉照無垠。

東漢節義嚴陵潛驅之，不止高其隱逸而已。議論正大，獨著此篇。

與沈十九拾遺同遊棲霞寺上方夜於亮上人院會宿

攝山標勝絕，暇日諧相矚。縈紆松路深，繚繞雲巖曲。重樓回樹杪，古像鑿山腹。人遠水木清，地深蘭桂馥。層臺聳金碧，絕頂摩淨綠。下界誠可悲，南朝紛在目。焚香入古殿，待月出深竹。稍覺天籟清，自傷人世促。宗雷此相遇，偃放隨所欲。清論月輪低，閒吟茗花熟。一生如土梗，萬慮相桎梏。永願事潛師，窮年此棲宿。

詩品高潔，在語言外領取。

張籍字文昌，和州人。貞元中第進士，爲太常太祝。昌黎薦之，官水部員外。以國子籍業終。○文昌長於新樂府，雖古意漸失，而婉麗可誦。五古亦不入卑靡。

西州詩

羌胡據西州，近甸無邊城。山東收稅租，養我防塞兵。胡騎來無時，居人常震驚。嗟我五陵間，農者罷耘耕。邊頭多殺傷，士卒難全形。郡縣發丁役，丈夫各征行。良馬不念秣，烈士不苟營。所願除國難，再逢天下平。

西州屬隴古道，天寶末陷于吐蕃。此願中朝恢復於烈士有厚望焉。

惜花

濛濛庭樹花，墜地無顏色。日暮東風起，飄揚玉階側。殘蘂在猶稀，青條聳復直。爲君結芳實，令君勿歎息。

翻出一意。淺人不能道。

離怨

切切重切切。秋風桂枝折。人當少年嫁。我當少年別。念君非征行。年年長遠途。妾身甘獨歿。高堂有舅姑。山川豈遙遠。行人自不返。實以高堂有老姑。怨之正也。與泛作閨房之言有別。

溫庭筠本名岐。字飛卿。并州人。工側詞。艷曲。累舉不第。大中末。以上書授方山尉。仍失意歸。與令狐綯不協。薄為有才無行。徐商知政事。用為國子助教。商罷尋廢。相傳庭筠入試時。押官韻。八又手而賦成。名溫八。又與李商隱齊名。不虛也。

俠客行

欲出鴻都門。陰雲蔽城闕。寶劍黯如水。微紅溼餘血。白馬夜頻驚。三更霸陵雪。溫詩風秀工整。俱在七言。此篇獨見警絕。

趙嘏字承祐。山陽人。會昌中進士。大政間授渭南尉。終。

汾上宴別

雲物如故鄉。山川知異路。年來未歸客。馬上春欲暮。一尊花下酒。殘日水西樹。不待管絃終。搖鞭背花去。

曹鄴字鄴之。桂州人。大中時登進士。官太常博士。以洋州刺史終。

四望樓

背山見樓影。應合與山齊。座上日已出。形樓之高。城中未鳴雞。無限燕趙女。吹笙上金梯。風起洛陽東。香過洛

陽西公子長夜醉，不聞子規啼。

李羣玉

字文山，澧州人。赴舉一上而止。宰相裴休薦之。乞授一文學官，因授弘文館校書郎，旋乞歸卒。

江樓獨酌懷從叔

水國發爽氣，川光靜高秋。酣歌金尊醪，送此青風愁。楚色忽滿目，灘聲落西樓。雲翻天邊葉，月弄波上鈎。芳意長搖落，蘅蘭謝汀洲。長吟碧雲合，悵望江之幽。

送進士苗縱歸紫邏山居

汝上多奇山，高懷愜清境。強來干名地，冠帶不能整。嘗言夢歸處，泉石寒更靜。鶴聲夜無人，空月隨松影。今朝別我去，春物傷明景。悵望相送還，微陽在東嶺。近王右丞

劉

駕字司南，江東人。大中六年進士。官國子博士，以古詩鳴於時。

早行

馬上續殘夢，馬嘶時復驚。心孤多所虞，僮僕近我行。棲禽未分散，落月照孤城。莫羨居者閒，谿邊人已耕。

棄婦

回車在門前，欲上心更悲。路傍見花發，似妾初嫁時。養蠶已成繭，織素猶在機。新人應笑此，何如畫蛾眉。
見婦之不當棄也，怨而不怨，高於顯况之作。

陸龜蒙

字魯望。蘇州人。舉進士不第。退居松江甫里。稱天隨子。亦稱江湖散人。以高士召不至。李蔚盧攜素當國。召拜左拾遺。詔下已卒。光化中。贈右補闕。○龜蒙與皮日休倡和。另開僻

能多探。遮一體不

美人

美人抱瑤瑟。哀怨彈別鶴。雌雄南北飛。一旦異棲託。諒非金石性。安得宛如昨。生為並蒂花。亦有先後落。

秋林對斜日光。景自相薄。猶欲悟君心。朝朝佩蘭若。結評溫厚。

聶夷中

字坦之。河東人。咸通中。中進士。官華陰尉。

田家

父耕原上田。子劬山下荒。六月禾未秀。官家已修倉。二月賣新絲。五月糶新穀。醫得眼前瘡。剜却心頭肉。

我願君王心。化作光明燭。不照綺羅筵。只照逃亡屋。唐時尙有采詩之役。故詩家每陳下民苦情。如柳州捕蛇者說。亦其一也。此詩言簡意足。可匹柳文。

卷五

七言古詩

王勃

字子安。絳州人。麟德初對策。授朝散郎。年未及冠也。沛王召署府修撰。作蘭池宮。高宗勃怒斥出府。客劍南。父福時坐勃左遷。交趾令勃往省。渡海溺死。年二十九。與楊炯。盧照鄰。

駱賓王齊名。號四傑。

滕王閣

滕王元嬰建閣於豫章郡城西章江門外。○閣都督宴客於閣先命其婿作序。出紙筆徧請客莫敢當勃不辭都督遣吏伺其文一再報語益奇公曰天才也。

滕王高閣臨江渚。珮玉鳴鸞罷歌舞。畫棟朝飛南浦雲。珠簾暮捲西山雨。閒雲潭影日悠悠。物換星移幾度秋。閣中帝子今何在。檻外長江空自流。

盧照鄰

字昇之。范陽人。授鄧王府典籤。後居太白山。餌方士藥。疾轉篤。徙具茨山。愈甚。投穎水卒。

長安古意

長安大道連狹斜。青牛白馬七香車。玉輦縱橫過主地。金鞭絡繹向侯家。龍銜寶蓋承朝日。鳳吐流蘇帶晚霞。百丈遊絲爭遶樹。一羣嬌鳥共啼花。遊蜂戲蝶千門側。碧樹銀臺萬種色。複道交窗作合歡。雙闕連臺垂鳳翼。梁家畫閣天中起。梁鷲窮極土木。漢帝武金莖雲外直。樓前相望不相知。陌上相逢詎相識。不相識甚形其多。

不見生憎帳額繡孤鸞。好取門簾帖雙燕。雙燕雙飛繞畫梁。羅幃翠被鬱金香。片片行雲著蟬鬢。纖纖初月上鴉黃。額裝也。鴉黃粉白車中出。含嬌含態情非一。妖童寶馬鐵連錢。娼婦盤龍金屈膝。御史府中烏夜啼。廷尉門前雀欲棲。隱隱朱城臨玉道。遙遙翠幃沒金隄。挾彈飛應杜陵壯。探丸借客渭橋西。俱邀挾客菜芙蓉。劍共宿娼家。桃李蹊。娼家日暮紫羅裙。清歌一轉口氛氳。北堂夜夜人如月。南陌朝朝騎似雲。南陌北堂連北里。五劇三條控三市。弱柳青槐拂地垂。佳氣紅塵暗天起。漢代金吾千騎來。翡翠屠蘇鸚鵡杯。

羅襪寶帶爲君解。燕歌趙舞爲君開。別有豪華稱將相。轉日回天不相讓。意氣由來排灌夫。專權判不容
蕭相。專權意氣本豪雄。青虬紫燕坐春風。自言歌舞長千載。自謂驕奢凌五公。節物風光不相待。桑田碧
海須臾改。昔時金階白玉堂。卽今惟見青松在。以墓田言寂寂寥寥揚子居。年年歲歲一牀書。獨有南山桂花
發。飛來飛去襲人裾。長安大道豪貴驕奢。挾邪鬪治。無所不有。自斐龍而俠客。而金吾而權臣。皆向娼家
遊宿。自謂可永保富貴矣。然轉瞬滄桑。徒存墟墓。不如讀書自守者之爲得也。借言

子雲卽以
自况云爾。

駱賓王

寶王義烏人。武后時授臨海丞。棄官去。徐敬業舉兵。署爲府屬。傳檄天下。后讀至一
坏之士未乾。六尺之孤安在。豐然曰。宰相安得失此人。及徐敗。賓王亡命。不知所終。

帝京篇

山河千里國。城闕九重門。不覩皇居壯。安知天子尊。皇居帝里崑函谷。鶉野龍山侯甸服。五緯連影集星
躔。八水分流橫地軸。秦塞重關一百二。結上形勢漢家離宮三十六。起下宮闕桂殿嶽峯對玉樓。椒房窈窕連金屋。
三條九陌麗城隈。萬戶千門平旦開。複道斜通馭鵲觀。交衢直指鳳凰臺。劍履南宮入。簪纓北關來。聲明
冠寰宇。文物象昭回。鈞陳肅蘭戺。璧沼浮槐市。銅羽應風迴。金莖承露起。校文天祿閣。習戰昆明水。朱邸
抗平臺。黃扉通戚里。平臺戚里帶崇墉。炊金饌玉待鳴鐘。小堂綺帳三千戶。大道青樓十二重。寶蓋雕鞍
金絡馬。蘭窗繡柱玉盤龍。繡柱璇題粉壁影。鏘金鳴玉王侯盛。王侯貴人多近臣。朝遊北里暮南鄰。陸賈
金將讌喜。陳遵投轄正留賓。趙李經過密。蕭朱交結親。丹鳳朱城白日暮。青牛紺轡紅塵度。俠客珠彈

垂楊道。倡婦銀鈎采桑路。倡家桃李自芳菲。京華遊俠盛輕肥。延年女弟雙飛入。羅敷使君千騎歸。同心結縷帶。連理織成衣。春朝桂樽樽百味。秋夜蘭燈燈九微。翠幌珠簾不獨映。清歌寶瑟自相依。且論三萬六千是。寧知四十九年非。古來榮利若浮雲。以下見倏忽變遷榮華消歇。人生倚伏信難分。始見田竇相傾奪。俄聞衛霍有功勳。未厭聲入金陵氣。先開石櫛文。莊子載衛靈公事朱門無復張公子。灞亭誰畏李將軍。相顧百齡皆有待。居然萬化咸應改。桂枝芳氣已銷亡。柏梁高宴今何在。春去春來苦自馳。爭名爭利徒爾爲。久留郎署終難過。空掃相門誰見知。當時一旦擅豪華。自言千載常驕奢。倏忽搏風生羽翼。賤者忽貴須臾失浪賤泥沙。貴者忽黃雀徒巢桂。青門遂種瓜。黃金銷鑠素絲變。一貴一賤交情見。紅顏夙昔白頭新。脫粟布衣輕故人。故人有湮淪。新知無意氣。灰死韓安國。羅傷翟廷尉。已矣哉。歸去來。馬卿辭蜀多文藻。揚雄仕漢乏良媒。以下俱指已。三冬自矜誠足用。十年不調幾遑迴。汲黯薪逾積。孫弘閣未開。誰惜長沙傅。獨負洛陽才。作帝京冠冕堂皇。數陳主德。此因己之不遇而言。故始盛而以衰。夙終也。首敘形勢之雄宮闕之壯。次述王侯貴戚游俠倡家之奢。僭無度。至古來以下。概世道之變遷。已矣哉。以下傷一己之湮滯。此非詩之正聲也。向來推重此篇。故采之以備一體。

劉希夷一名庭芝。汝州人。善爲從軍閨情之詩。爲時所重。○唐新語載宋之間爲此詩有佳句。因殺害希夷。而以此詩爲己作。此因之間品居下流。而以惡歸之。其實宋之詩高於劉。不用攘竊他人也。雜說不足慙。每如此。

代悲白頭翁

洛陽城東桃李花。飛來飛去落誰家。幽閨兒女惜顏色。坐見落花長嘆息。今年花落顏色改。明年花開復誰在。已見松柏摧爲薪。更聞桑田變成海。古人無復洛城東。今人還對落花風。年年歲歲花相似。歲歲年年人不同。寄言全盛紅顏子。須憐半死白頭翁。此翁白頭真可憐。伊昔紅顏美少年。公子王孫芳樹下。清歌妙舞落花前。光祿池臺文錦繡。將軍樓閣畫神仙。一朝臥病無相識。三春行樂在誰邊。宛轉娥眉能幾時。須臾鶴髮亂如絲。但看古來歌舞地。惟有黃昏鳥雀悲。

少年每輕視老翁。因言老翁當少年時亦嘗與能免衰老乎。末又宕開作結。

公子行

天津橋下陽春水。天津橋上繁華子。馬聲迴合青雲外。人影動搖綠波裏。綠波蕩漾玉爲砂。青雲離披錦作霞。可憐楊柳傷心樹。可憐桃李斷腸花。此日遨遊邀美女。此時歌舞入娼家。娼家美女鬱金香。飛去飛來公子旁的。的珠簾白日映。娥娥玉顏紅粉粧。花際徘徊雙蛟蝶。池邊顧步兩鴛鴦。傾國傾城漢武帝。爲雲爲雨楚襄王。古來容光人所羨。况復今日遙相見。願作輕羅著細腰。願爲明鏡分嬌面。與君相約轉相親。與君雙棲共一身。願作貞松千歲古。誰偷芳槿一朝新。百年同謝西山日。千秋萬古北邙塵。

家以駢語答之。猶所云同生同死也。絕不說破其駢。令人于言外思之。○隊仗工麗。上下蟬聯。此初唐七古體。少陵所云劣於漢魏近風騷也。明代何景明謂此得風人之正。而以少陵之沉雄頓挫爲變體。因作明月篇以擬之。王漁洋論詩絕句云。接跡風人明月篇。何耶妙悟本從天。王楊盧駱當時體。莫逐刀圭誤後賢。得此論而初盛之詩品乃定。

喬知之

綠珠篇

石家金谷重新聲。明珠十斛買娉婷。此日可憐君自許。此時可喜得人情。君家閨閣不曾難。常將歌舞借人看。意氣雄豪非分理。驕矜勢力橫相干。辭君去君終不忍。徒勞掩袂傷鉛粉。百年離別在高樓。一代紅顏爲君盡。知之有婢窈窕美麗善歌舞爲武承嗣奪去知之作綠珠篇以寄窈窕娘縫詩衣帶中投井死承嗣見詩大恨諷酷吏羅織死之。

李

嶠

字巨川贊皇人弱冠舉進士官鳳閣舍人聖歷初遷駕臺侍郎神龍中拜吏部尚書封趙國公景龍中以兵部尚書同中書門下三品睿宗時致仕卒○已事云嶠於武后時賦金

汾陰行

君不見昔日西京全盛時。汾陰后土親祭祠。齋宮宿寢設廚供。撞鐘鳴鼓樹羽旂。漢家四葉才且雄。賓筵萬靈服九戎。柏梁賦詩高宴罷。詔書法駕幸河東。河東太守親埽除。奉運至尊導鸞輿。五營將校列容衛。三河縱觀空里閭。回旌駐蹕降靈場。焚香奠醑邀百祥。金鼎發食正焜煌。靈祇煒燁攄景光。埋玉陳牲禮神畢。舉麾上馬乘輿出。彼汾之曲嘉可遊。杏蘭爲楫桂爲舟。掉歌微吟綵鷁浮。簫鼓哀鳴白雲秋。歡娛宴洽賜羣后。家家復除戶。牛酒聲名動天樂。無有千秋萬歲南山壽。自從天子向秦關。玉輦金輿不復還。帝崩於五珠簾羽帳長寂寞。鼎湖龍髯安可攀。千齡人事一朝空。四海爲家此路窮。雄豪意氣今自在。壇場宮

館盡蒿蓬。路逢故老長嘆息。世事迴還不可測。昔時青樓對歌舞。今日黃埃聚荆棘。山川滿目淚沾衣。富貴榮華能幾時。不見只今汾水上。惟有年年秋鴈飛。明皇封禪泰山。後亦祀后土於汾陰。宜乎聞此辭於遷播之餘。幾乎泣下也。○爾時風格乍開。故句調未合。能全。

沈佺期 字雲卿。內黃人。第進士。長安中預修三教珠英。轉考功員外郎。坐事配流嶺表。神龍中授起居郎。後歷太子詹事。○佺期與宋之間作詩音韻相和。約句準篇。號沈宋體。

古歌

落葉流風向玉臺。夜寒秋思洞房開。水晶簾外金波下。雲母窗前銀漢回。玉塔陰陰苔蘚色。君王履綦難再得。璇閨窈窕秋夜長。繡戶裏徊秋月光。燕姬綵帳芙蓉色。秦女金鑪蘭麝香。北斗七星橫夜半。清歌一曲斷君腸。

入少密谿

雲峯苔壁遶谿斜。江路春風夾岸花。樹密不嫌通鳥道。鷄鳴始覺有人家。人家更在深巖口。澗水週流宅前後。遊魚瞥瞥雙釣童。伐木丁丁一樵叟。自言避喧非避秦。薜衣耕鑿帝堯人。相留且待鷄黍熟。夕臥深山蘿月春。

宋之問

龍門應制

宿雨霽氛埃。流雲度城闕。河隄都新翠。苑樹花先發。洛陽花柳此時濃。山水樓臺映幾重。羣公拂霧朝翔鳳。天子乘奏幸鑿龍。鑿龍近出王城外。羽從琳瑯擁軒蓋。雲蹕纔臨御水橋。天衣已入香山會。山壁巖巖斷復連。清流澄澈俯伊川。鴈塔遙遙綠波上。星龜奕奕翠微邊。層巒舊長千尋木。遠壑初飛萬丈泉。綵仗紅旌遶香閣。下輦登高望河洛。東城宮闕擬昭回。南陌溝塍殊綺錯。林下天香七寶臺。山中春酒萬年杯。微風一起祥花落。仙樂初鳴瑞鳥來。鳥來花落紛無已。稱觴獻壽香霞裏。歌舞淹留景欲斜。石關猶駐五雲車。鳥旗翼翼留芳草。龍騎駸駸映晚花。千乘萬騎變輿出。水靜山空嚴警蹕。郊外喧喧引看人。傾都南望屬車塵。囂聲引颺聞黃道。王氣周迴入紫宸。先王定鼎山河固。寶命乘周萬物新。吾君不事瑤池樂。時雨來觀農扈春。武后遊龍門。命羣臣賦詩。先成者賜以錦袍。東方虬詩成。拜賜坐未安。之。問詩成。文理兼美。左右稱善。后乃奪錦袍衣之。○歸重觀農。立言得體。

寒食陸渾別業

洛陽城裏花如雪。陸渾山中今始發。旦別河橋楊柳風。夕臥伊川桃李月。伊川桃李正芳新。寒食山中酒復春。野老不知堯舜力。酣歌一曲太平人。

寒食江州滿塘驛

去年上巳洛橋邊。今年寒食廬山曲。遙憐鞏樹花應滿。復見吳洲草新綠。吳洲春草蘭杜芳。感物思歸懷故鄉。驛騎明朝發何處。猿聲今夜斷君腸。

至端州驛見杜五審言沈三佺期閣五朝隱王二無競題壁慨然成詠

題中諸人皆與張易之往來者張敗諸人貶竄

方南

逐臣北地承嚴譴。謂到南中每相見。豈意南中岐路多。千山萬水分鄉縣。雲搖雨散各翻飛。海闊天長音信稀。處處山川同瘴癘。自言能得幾人歸。

明河篇

八月涼風天氣清。萬里無雲河漢明。昏見南樓清且淺。曉落西山縱復橫。洛陽城闕天中起。長河夜夜千門裏。複道連臺共蔽虧。畫堂瓊戶特相宜。雲母帳前初汎濫。水晶簾外轉逶迤。倬欲昭回如練白。復出東城接南陌。南陌征人去不歸。誰家今夜搗寒衣。鴛鴦機上踈螢度。烏鵲橋邊一鴈飛。鴈飛螢度愁難歇。坐見明河漸微沒。已能舒卷任浮雲。不惜光輝讓流月。明河可望不可親。願得乘槎一問津。更將織女支機石。還訪城都賣卜人。

郭振

古劍篇

君不見昆吾鐵冶飛炎煙。紅光紫氣俱赫然。良工鍛鍊凡幾年。鑄得寶劍名龍泉。龍泉顏色如霜雪。良工咨嗟嘆奇絕。琉璃玉匣吐蓮花。錯鏤金環映明月。正逢天下無風塵。幸得周防君子身。精光黯黯青蛇色。

文章片片綠龜鱗。非直結交遊俠子。亦曾親近英雄人。何言中道遭棄捐。零落飄淪古嶽邊。雖復沈埋無

所用。猶能夜夜氣衝天。杜詩云。高詠寶劍篇。神交付冥漠。謂此詩也。

張

字道濟。洛陽人。垂拱中。對賢良方正第一。歷中宗。睿宗。至玄宗朝。爲中書令。封燕國公。卒。諡文貞。

鄴都引

君不見魏武草創爭天祿。羣雄睚眦相馳逐。晝攜壯士破飄陣。夜接詞人賦華屋。都邑繚繞西山陽。桑榆漫滂漳河曲。城郭爲墟人代改。但見西園明月在。鄴傍高塚多貴臣。蛾眉曼睩共灰塵。試上銅臺歌舞處。惟有秋風愁殺人。聲調漸響。去王楊盧駱體遠矣。○草創二字。居然史筆。○晝攜壯士二句。敘得簡老。

陳子昂

登幽州臺歌

不另列雜言一體。因附七言古內。

前不見古人。後不見來者。念天地之悠悠。獨愴然而涕下。予于登高時。每有今古茫茫之感。古人先已言之。

張若虛

若虛開元初人。與賀知章。張旭齊名。

春江花夜月

春江潮水連海平。海上明月共潮生。滄滄隨波千萬里。何處春江無月明。江流宛轉遶芳甸。月照花林皆似霰。空裏流霜不覺飛。汀上白沙看不見。江天一色無纖塵。皎皎空中孤月輪。江畔何人初見月。江月何

年初照人。人生代代無窮已。江月年年祇相似。不知江月待何人。但見長江送流水。白雲一片去悠悠。青楓浦上不勝愁。誰家今夜扁舟子。何處相思明月樓。可憐樓上月徘徊。應照離人妝鏡臺。玉戶簾中不
去。擣衣砧上拂還來。此時相望不相聞。願逐月華流照君。鴻鴈長飛光不度。魚龍潛躍水成文。昨夜閨
夢落花。可憐春半不還家。江水流春去欲盡。江潭落月復西斜。斜月沉沉藏海霧。碣石瀟湘無限路。不知
乘月幾人歸。落月搖情滿江樹。前半見人有變易。月明常在。江月不必待人。惟江流與月同無盡也。後半

孫

逖 博州人。開元十年舉賢良。方正。官至中書舍人。典詔詰。

春日留別

春路透迤花柳前。孤舟晚泊就人煙。東山白雲不可見。西陵江月夜娟娟。春江夜盡潮聲度。征帆遙從此
中去。越國山川看漸無。可憐愁思江南樹。以上諸篇。誌初唐入盛之漸。

高

適 李杜外。高岑王李七。言古中最矯健者。

邯鄲少年行

邯鄲城南遊俠子。自矜生長邯鄲裏。千場縱博家仍富。幾處報讐身不死。宅中歌笑日紛紛。門外車馬如
雲屯。未知肝膽向誰是。家語。令人卻憶平原君。君不見今日交態薄。黃金用盡還踈索。以茲感嘆辭舊遊。更
於時事無所求。且與少年飲美酒。往來射獵西山頭。不憶信陵而憶平原。以邯鄲爲趙地之故。

古大梁行

古城莽蒼饒荆榛。驅馬荒城愁殺人。魏王宮觀盡禾黍。信陵賓客隨灰塵。憶昨雄都舊朝市。軒車照耀歌鐘起。軍容帶甲三十萬。國步連營五千里。全盛須臾那可論。高臺曲池無復存。遺墟但見狐狸迹。古地空餘草木根。暮天搖落傷懷抱。撫劍悲歌對秋草。俠客猶傳朱亥名。行人尙識夷門道。白壁黃金萬戶侯。寶刀駿馬填山丘。年代淒涼不可問。往來惟見水東流。

燕歌行

開元二十六年。客有從元戎出塞而還者。作燕歌行以示。適感征戍之事。因而和焉。

漢家煙塵在東北。漢將辭家破殘賊。男兒本自重橫行。天子非常賜顏色。攢金伐鼓下榆關。旌旆逶迤碣石間。校尉羽書飛瀚海。單于獵火照狼山。山川蕭條極邊土。胡騎憑陵雜風雨。戰士軍前半死生。美人帳下猶歌舞。大漠窮秋塞草腓。孤城落日鬪兵稀。身當恩遇常輕敵。力盡關山來解圍。鐵衣遠戍辛勤久。玉筋應啼別離後。淚也。少婦城南欲斷腸。征人薊北空回首。邊庭飄飄那可度。絕域蒼茫無所有。殺氣三時作陣雲。寒聲一夜傳刁斗。相看白及雪紛紛。死節從來豈顧勳。君不見沙場征戰苦。至今猶憶李將軍。李廣

士卒故云。或云李牧亦可。○七言古中時帶整句局勢。方不散漫。若李杜風雨分飛。魚龍百變。又不可以一論。

送田少府貶蒼梧

沉吟對遷客。惆悵西南天。昔爲一官未得意。今向萬里令人憐。念茲斗酒成睽間。停舟嘆君日將晏。遠樹應連北地春。行人卻羨南歸鴈。丈夫窮達未可知。看君不合長數奇。江山到處堪乘興。楊柳青青那足悲。

贈別晉三處士

有人家住清河源。渡河問我遊梁園。手持道經注已畢。心知內篇口不言。盧門十年見秋草。此心惆悵誰能道。知已從來不易知。慕君爲人與君好。別時九月桑葉疎。出門千里無行車。愛君且欲君先達。今上求賢早上書。

賦得還山吟送沈四山人

還山吟。天高日暮寒山深。送君還山識君心。人生老大須恣意。看君解作一生事。山間偃仰無不至。石泉淙淙若風雨。桂花松子常滿地。賣藥囊中應有錢。還山服藥又長年。白雲勸盡杯中物。明月相隨何處眠。眠時憶問醒時事。夢魂可以相周旋。

人日寄杜二拾遺

人日題詩寄草堂。遙憐故人思故鄉。柳條弄色不忍見。梅花滿枝空斷腸。身在南蕃無所預。時爲蜀彭二州刺史。心懷百憂復千慮。今年人日空相憶。明年人日知何處。一臥東山三十春。豈知書劍老風塵。龍鍾還忝二千石。愧爾東西南北人。言羈絆一官萍踪斷梗。轉不如邀遊四方之爲樂也。

封丘縣

我本漁樵孟諸野。一生自是悠悠者。乍可狂歌草澤中。寧堪作吏風塵下。祇言小邑無所爲。公門百事皆有期。拜迎官長心欲碎。鞭撻黎庶令人悲。悲來向家問妻子。舉家盡笑今如此。生事應須南畝田。世情付與東流水。夢想舊山安在哉。爲銜君命日遲迴。乃知梅福徒爲爾。轉憶陶潛歸去來。

別韋參軍

二十解書劍。西遊長安城。舉頭望君門。屈指取公卿。國風冲融邁三五。朝廷禮樂彌寰宇。白璧皆言賜近臣。布衣不得干明主。歸來洛陽無負郭。東過梁宋非吾土。兔苑爲農歲不登。分承鴈池垂釣心長苦。世人向我同衆人。唯君於我最相親。且喜百年見交態。未嘗一日辭家貧。彈棋擊筑白日晚。縱酒高歌楊柳春。歡娛未盡分散去。使我惆悵驚心神。丈夫不作兒女別。臨岐涕淚沾衣巾。

送渾將軍出塞

此蕃人而爲漢將者

將軍族貴兵且強。漢家已是渾邪王。子孫相承在朝野。至今曲部燕支下。控弦盡用陰山兒。登陣長騎大宛馬。銀鞍玉勒繡螭弧。每逐嫖姚破骨都。李廣從來先將士。衛青未肯學孫吳。傳有沙場千萬騎。昨日邊庭羽書至。城頭畫角三四聲。匣裏寶刀晝夜鳴。意氣能甘萬里去。辛勤動作一年行。黃雲白草無前後。朝建旌旗夕刁斗。塞下應多俠少年。關西不見春楊柳。從軍借問所從誰。擊劍酣歌當此時。遠別無輕繞朝

策平戎早寄仲宣詩。

岑參

登古鄴城

本戰國時鄴邑。屬魏三國時曹氏都於此。

下馬登鄴城。城空復何見。東風吹野火。暮入飛雲殿。城隅南對望陵臺。漳水東流不復回。武帝宮中人去盡。年年春色爲誰來。

題匡城周少府廳壁

婦姑城南風雨秋。婦姑城中人獨愁。愁雲遮卻望鄉處。數日不上西南樓。故人薄暮公事閒。玉壺美酒琥珀盤。潁陽秋草今黃盡。醉臥君家猶未還。

梁州館中與諸判官夜集

彎彎月出挂城頭。城頭月出照梁州。梁州七里十萬家。胡人半解彈琵琶。琵琶一曲腸欲斷。風蕭蕭兮夜漫漫。河西幕中多故人。故人別來三五春。花門樓前見秋草。豈能貧賤相看老。一生大嘯能幾回。斗酒相逢須醉倒。

胡笳歌送顏真卿使赴河隴

君不聞胡笳聲最悲。紫髯綠眼胡人吹。吹之一曲猶未了。愁殺樓蘭征戍兒。涼秋八月蕭關道。北風吹斷

天山草崑崙山南月欲斜。胡人向月吹胡笳。胡笳怨兮將送君。秦山自遙望隴山顏雲。邊城夜夜多愁夢。向月胡笳誰喜聞。只言笳聲之悲見河隴之不堪使而惜別在言外矣。

函谷關歌送劉評事使關西

君不見函谷關。崩城毀壁至今在。樹根草蔓遮古道。空谷千年長不改。寂寞無人空舊山。聖朝無事不須關。白馬公孫何處去。青牛老人更不還。蒼苔白骨空滿地。月與古時長相似。野花不省見行人。山鳥何曾識關吏。故人方乘使者車。吾知郭丹卻不如。請君時憶關外客。行到關西多致書。劉向七略公係龍持白馬之論以度關後漢書

火山雲歌送別即小頭痛山

火山突兀赤亭口。火山五月火雲厚。火雲滿山疑未開。飛鳥千里不敢來。平明乍逐胡風斷。薄暮渾隨塞雨回。繚繞斜吞鐵關樹。氛氳半掩交河戍。迢迢征路火山東。山上孤雲隨馬去。

走馬川行奉送封大夫出師征西即封常清也參常從常清屯兵輪臺故多邊塞之作

君不見走馬川行雪海邊。平沙莽莽黃入天。輪臺九月風夜吼。一川碎石大如斗。隨風滿地石亂走。匈奴草黃馬正肥。金山西見煙塵飛。漢家大將西出師。將軍金甲夜不脫。半夜軍行戈相撥。風頭如刀面如割。馬毛帶雪汗氣蒸。五花連錢旋作冰。幕中草檄硯水凝。虜騎聞之應膽慄。料知短兵不敢接。軍師西門佇。

獻捷。勢險節短。○句句用韻。三句一轉。此碑山碑文法也。唐中興頌亦然。

輪臺歌奉送封大夫出師西征

輪臺城頭夜吹角。輪臺城北旄頭落。羽書昨夜過渠黎。單于已在金山西。戍樓西望煙塵黑。漢兵屯在輪臺北。上將擁旄西出征。平明吹笛大軍行。四邊伐鼓雪海擁。三軍大呼陰山動。虜塞兵氣連雲屯。戰場白骨纏草根。劍河風急雲片闊。沙口石凍馬蹄脫。亞相勤王甘苦辛。即指上將誓將報主靜邊塵。古來青史誰不見。今見功名勝古人。

白雪歌送武判官歸

北風捲地白草折。胡天八月即飛雪。忽如一夜春風來。千樹萬樹梨花開。散入珠簾溼羅幕。狐裘不暖錦裘薄。將軍角弓不得控。都護鐵衣冷難著。瀚海闌干闌干猶言盛也百丈冰。愁雲慘淡萬里凝。中軍置酒飲歸客。下言送別胡琴琵琶與羌笛。紛紛暮雪下轅門。風掣紅旗凍不翻。輪臺東門送君去。去時雪滿天山路。山迴路轉不見君。去路不盡雪山空留馬行處。

衛節度赤驃馬歌

君家赤驃畫不得。一團旋風桃花色。紅纓紫韁珊瑚鞭。玉鞍錦韉黃金勒。請君鞞出看君騎。尾長牽地如紅絲。自於諸馬皆不及。卻憶百金初買時。香街紫陌鳳城內。滿城見者誰不愛。揚鞭驟急白汗流。弄影行

騷碧蹄碎紫髯胡兒金剪刀。平明剪出二驂高。櫪上看時獨意氣。衆中牽出偏雄豪。騎將獵向南山口。城南狐兔不復有。草頭一點疾如飛。卻使蒼鷹翻向後。憶昨看君朝未央。鳴珂擁蓋滿路香。始知邊將真富貴。可憐人馬相輝光。男兒稱意得如此。駿馬長鳴北風起。待君東去掃胡塵。爲君一日行千里。

太白胡僧歌并序

太白中峯絕頂有胡僧。不知幾百歲。眉長數寸。身不製繒帛衣。以草葉恆持伽經。雲壁迴絕。人迹罕到。嘗東峰有鬪虎。弱者將死。僧杖而解之。西湫有毒龍。久而爲患。僧器而貯之。商山趙叟。前年采茯苓。深入太白。偶值此僧。訪我而說。予恆有獨往之意。聞而悅之。乃爲歌曰。

聞有胡僧在太白。蘭若去天三百尺。一持楞伽入中峰。世人難見但聞鐘。窗透錫杖解兩虎。床下鉢盂藏一龍。草衣不針復不線。兩耳垂肩眉覆面。此僧年幾那得知。手種青松今十圍。心將流水同清淨。身與浮雲無是非。商山老人已曾識。願一見之何由得。山中有僧人不知。城裏看山空黛色。言城裏但知有山也。是一句意。

西亭子送李司馬

高高亭子郡城西。直上千尺與雲齊。盤崖緣壁試攀躋。羣山向下飛鳥低。使君五馬天半嘶。絲繩玉壺爲君提。坐來一望無端倪。紅花綠柳鶯亂啼。千家萬井連迴溪。酒行未醉聞暮鷄。點筆操紙爲君題。爲君題惜解攜。草萋萋。沒馬蹄。

與獨孤漸道別長句兼呈嚴八侍御

輪臺客舍春草滿。穎陽歸客腸堪斷。窮荒絕漠鳥不飛。萬嶺千山夢猶懶。憐君白面一書生。讀書千卷未成名。五貴侯門脚不到。數畝山田身自耕。興來浪迹無遠近。及至辭家憶鄉信。無事垂鞭信馬頭。西南幾欲窮天盡。奉使自三年獨未歸。邊頭詞客舊來稀。借問君來得幾日。到家不覺換春衣。高齋清晝卷羅幕。紗帽接籬慵不著。中酒朝眠日色高。彈棋夜半燈花落。冰片高堆金錯盤。滿堂凜凜五月寒。桂林蒲桃新吐蔓。武城刺蜜未可餐。軍中置酒夜搗鼓。錦筵紅燭月未午。忽入別趣。淋漓盡致。花門將軍善胡歌。葉河蕃王能漢語。知爾園林壓渭濱。夫人堂上泣羅裙。魚龍川北磐谿雨。鳥鼠山西洮水雲。臺中嚴公於我厚。別後新詩滿人口。自憐棄置天西頭。因君爲問相思否。此詩硬轉突接。不須蛛絲馬跡。古詩中另是一格。

李

頎東川比高岑多和緩之響。

古意

男兒事長征。少小幽燕客。賭勝馬蹄下。由來輕七尺。殺人莫敢前。鬚如蝟毛磔。黃雲隴裏白雪飛。未得報恩不能歸。遼東小婦年十五。慣彈琵琶解歌舞。今爲羌笛出塞聲。使我三軍淚如雨。

古從軍行

白首登山望烽火。黃昏飲馬傍交河。行人刁斗風沙暗。公主琵琶幽怨多。野雲萬里無城郭。雨雪紛紛連

大漠胡鴈哀鳴夜夜飛。胡兒眼淚雙雙落。聞道玉門猶被遮。應將性命逐輕車。年年戰骨埋荒外。空見蒲桃入漢家。以人命換塞外之物。失策甚矣。爲開邊者垂戒。故作此詩。

古行路難

漢家名臣楊德祖。四代五公享弗土。父子兄弟綰銀黃。躍馬鳴珂朝建章。火浣單衣繡方領。茱萸錦帶玉盤囊。賓客填街復滿座。片言出口生輝光。世人逐勢爭奔走。瀝膽隳肝惟恐後。當時一顧登青雲。自謂生死長隨君。一朝謝病還鄉里。窮巷蒼首絕知己。秋風落葉閉重門。昨日論交竟誰是。薄俗嗟嗟難重陳。深山麋鹿可爲鄰。魯連所以蹈東海。古往今來稱達人。此借楊氏發論。爲勢利之徒言之。未言魯連蹈海。正能一空勢利之見耳。

送劉昱

八月寒葦花。秋江浪頭白。北風吹五兩。誰是潯陽客。鷓鴣山頭宿。雨晴揚州郭。裏暮潮生。行人夜宿金陵渚。試聽沙邊有鴈聲。郭璞江賦。颯五兩之動靜。謂候風雨也。

崔五大圖屏風各賦一物得烏孫佩刀

烏孫腰間佩兩刀。刀可吹毛錦爲帶。握中枕宿穹廬室。此言藏。馬上割飛螿蟄塞。此言用。執之魍魎誰能前。氣凜清風沙漠邊。磨用陰山一片石。洗將胡地獨流泉。主人屏風寫奇狀。鐵鞘金銀儼相向。回頭瞪目時一看。使予心在江湖上。晉載紀。慕容皝率請出螿蟄塞。

愛敬寺古藤歌

古藤池水盤樹根。左攫右拏龍虎蹲。橫空直上相陵突。丰茸離纏若無骨。風雷霹靂連黑枝。人言其下藏妖魘。空庭落葉乍開合。十月苦寒常倒垂。憶昨花飛滿空殿。密葉吹香飯僧遍。南陌雙桐一百尺。相與年年老霜叢。

送劉十

三十不官亦不娶。時人焉識道高下。房中惟有老氏經。櫪上空餘少游馬。往來嵩華與函秦。放歌一曲前山春。西林獨鶴引閒步。南澗飛泉清角巾。前年上書不得意。歸臥東山兀然醉。諸兄相繼掌青史。第五之名齊驃騎。烹葵摘果告我行。落日夏雲縱復橫。聞道謝安掩口笑。知君不免爲蒼生。

別梁鋹

梁生倜儻心不羈。途窮氣蓋長安兒。回頭轉眄侶鸚鵡。有志飛鳴人豈知。雖云四十無祿位。曾與大軍掌書記。抗辭請刃誅部曲。作色論兵犯二帥。一言不合龍額侯。擊劍拂衣從此棄。朝朝飲酒黃公壚。脫帽露頂爭叫呼。庭中憤鼻昔常挂。懷裏琅玕今在無。時人兒子多落魄。共笑狂歌非遠圖。忽然遣躍紫駟馬。還是昂藏一丈夫。洛陽城頭曉霜白。層冰峨峨滿川澤。但聞行路吟新詩。不嘆舉家無儋石。莫言貧賤長可欺。覆簣成山當有時。莫言富貴長可託。木槿朝看暮還落。不見古時塞上翁。倚伏由來任天作。去去滄波

勿復陳五湖三江愁殺人。結有世路風波意。非專言江湖難涉也。

琴歌送別

主人有酒歡今夕。請奏鳴琴廣陵客。月照城頭烏半飛。霜淒萬木風入衣。銅鑪華燭燭增輝。初彈淥水後楚妃。一聲已動物皆靜。四座無言星欲稀。清淮奉使千餘里。敢告雲山從此始。比高堂如空山能使江月白等語更微更遠。

王維

送友人歸山歌二首

山寂寂兮無人。又蒼蒼兮多木。羣龍兮滿朝。君何為兮空谷。文寡和兮思深。道難知兮行獨。悅石上兮流泉。與松間兮草屋。入雲中兮養雞。上山頭兮抱犢。神與棗兮如瓜。虎賣杏兮收穀。愧不才兮妨賢。嫌既老兮貪祿。誓解印兮相從。何詹尹兮可卜。神仙傳董奉種杏數萬株。實杏者將穀一器置倉中。即自往取一器。若穀少杏多有虎逐之。

山中人兮欲歸。雲冥冥兮雨霏霏。水驚波兮翠菅靡。白鷺忽兮翻飛。君不可兮褰衣。山萬重兮一雲。混天地兮不分。樹掩曖兮氛氳。獺不見兮空聞。忽山西兮夕陽。見東臯兮遠村。平蕪綠兮千里。眇惆悵兮思君。山萬重兮以下寫去後情事如披畫圖。

隴頭吟

長安少年游俠客。夜上戍樓看太白。隴頭明月尙臨關。隴上行人夜吹笛。關西老將不勝愁。駐馬聽之雙

淚流曾經大小百餘戰。麾下偏裨萬戶侯。蘇武纔爲典屬國。節旄空落海西頭。

少年看太白星欲以立邊功自命也。然老將百戰不

侯蘇武祗邀薄賞。邊功豈易立哉。

夷門歌 侯羸抱關處

七國雄雌猶未分。攻城殺將何紛紛。秦兵益圍邯鄲急。魏王不救平原君。公子爲羸停駟馬。執轡逾恭意逾逾。亥爲屠肆鼓刀人。羸乃夷門抱關者。非但慷慨獻奇謀。意氣兼將身命酬。向風刎頸送公子。七十老翁何所求。

言老翁之刎頸豈有所求於公子耶。特以意氣相激故耳。

洛陽女兒行

洛陽女兒對門居。纔可容顏十五餘。良人玉勒乘驄馬。侍女金盤脍鯉魚。畫閣朱樓盡相望。紅桃綠柳垂簷向。羅帷送上七香車。寶扇迎歸九華帳。狂夫富貴在青春。意氣驕奢劇季倫。自憐碧玉親教舞。不惜珊瑚持與人。春筍曙滅九微火。九微片片飛花璵。戲罷曾無理曲時。粧成祇是薰香坐。城中相識盡繁華。日夜經過趙李家。誰憐越女顏如玉。貧賤江頭自浣紗。

結意况君子不遇也。與西施咏同一寄托。

老將行

此種詩純以騷仗勝。學詩者不能從李杜入。右丞常侍自有門運可尋。

少年十五二十時。步行奪取胡馬騎。射殺山中白額虎。肯數鄴下黃鬚兒。一身轉戰三千里。一劍曾當百萬師。漢兵奮迅如霹靂。虜騎崩騰畏蒺藜。衛青不敗由天幸。李廣無功緣數奇。自從棄置便衰朽。世事蹉

跼成白首。昔時飛箭無全目。今日垂楊生左肘。路旁時賣故侯瓜。門前學種先生柳。蒼茫古木連窮巷。寥落寒山對虛牖。誓合踈勒出飛泉。不似潁川指灌夫空使酒。賀蘭山下陣如雲。羽檄交馳日夕聞。節使三河募年少。詔書五道出將軍。試拂鐵衣如雪色。聊持寶劍動星文。願得燕弓射天將。恥令越甲鳴吾君。莫嫌舊日雲中守。猶堪一戰立功勳。資瓜種柳極形落莫後半寫出據鞍顧盼意不敢以衰老自廢棄也○莊子支離叔與滑介叔觀於冥伯之邱俄而柳生其左肘柳癘也非楊柳之柳。

桃源行

漁舟逐水愛山春。兩岸桃花夾去津。坐看紅樹不知遠。行盡清溪不見人。山口潛行始隈隩。山開曠望旋平陸。遙看一處攢雲樹。近入千家散花竹。樵客初傳漢姓名。居人未改秦衣服。居人共住武陵源。還從物外起田園。月明松下房櫳靜。日出雲中雞犬喧。驚聞俗客爭來集。競引還家問都邑。平明閭巷掃花開。薄暮漁樵乘水入。初因避地去人間。及至成仙遂不還。峽裏誰知有人事。世中遙望空雲山。不疑靈境難聞見。塵心未盡思鄉縣。出洞無論隔山水。辭家終擬長遊衍。自謂經過舊不迷。安知峰壑今來變。當時只記入山深。青谿幾度到雲林。春來遍是桃花水。不辨仙源何處尋。順文敘事不須自出意見而夷猶容與令人味之不盡

答張五弟

終南有茆屋。前對終南山。終年無客長閉關。終日無心長自閒。不妨飲酒復垂釣。君但能來相往還。

同崔傅答賢弟

洛陽才子姑蘇客。桂苑殊非故鄉陌。九江楓樹幾回青。一片揚州五湖白。揚州時有下江兵。蘭陵鎮前吹笛聲。夜火人歸富春郭。秋風鶴唳石頭城。周郎瑜陸弟遜爲儔侶。對舞前谿歌白紵。曲几書留小史家。王之草堂基賭山陰墅。謝安衣冠若話外臺臣。先數夫君席上珍。更聞臺閣求三語。遙想風流第一人。寓疎

隊仗之中。此盛唐人身分。

崔顯

七夕詞

長安城中月如練。家家此夜持針線。仙裙玉佩空自知。天上人間不相見。長信深陰夜轉幽。玉階金閣數螢流。班姬此夕愁無限。河漢三更看斗牛。言長信孤居。不能如牛女之一年一見也。情深無限。

孟門行

黃雀銜黃花。翩翩傍簷隙。本擬報君恩。如何反彈射。金壘美酒滿座春。平原愛才多衆賓。滿堂盡是忠義士。何意得有讒諛人。諛言反覆那可道。能令君心不自保。北園新栽桃李枝。根株未固何轉移。成陰結實君自取。若問旁人那得知。比體作結。委曲深宛。耐人尋繹。○成陰結實。即報恩之喻。言君宜不惑於讒言也。

孟浩然

夜歸鹿門歌

山寺鳴鐘晝已昏。漁梁渡頭爭渡喧。人隨沙岸向江村。余亦乘舟歸鹿門。鹿門月照開烟樹。忽到龐公棲隱處。巖扉松逕長寂寥。惟有幽人自來去。

丁仙芝

曲阿人。開元進士。官餘杭尉。

餘杭醉歌贈吳山人

曉幕紅襟鷺。春城白項烏。只來梁上語。不向府中趨。四句比山人之高。宛然樂府。城頭坎坎鼓聲曙。滿庭新種櫻桃樹。桃花昨夜撩亂開。當軒發色映樓臺。十千兌得餘杭酒。二月春城長命杯。酒後留君待明月。還將明月送君回。

儲光羲

登戲馬臺作

君不見宋公杖鉞誅燕后。英雄踴躍爭趨走。小會衣冠呂梁壑。大徵甲卒碣磳口。天門神武樹元勳。九日茱萸饜六軍。泛泛樓船遊極浦。搖搖歌吹動浮雲。居人滿目市朝變。霸業猶存齊楚甸。泗水南流桐栢川。沂山北走瑯琊縣。滄海沉沉晨霧開。彭城烈烈秋風來。少年自言未得意。日暮蕭條登古臺。

張謂

贈喬林

去年上策不見收。今年寄食仍淹留。羨君有酒能便醉。羨君無錢能不憂。如今五侯不待客。羨君不入五侯宅。如今七貴方自尊。羨君不過七貴門。丈夫會應有知己。世上悠悠安足論。兀傲之氣如見。

湖中對酒作

夜坐不厭湖上月。晝行不厭湖上山。眼前一樽又常滿。心中萬事如等閒。主人有黍萬餘石。濁醪數斗應不惜。卽今相對不盡歡。別後相思復何益。茱萸灣頭歸路賒。願君且宿黃公家。風光若此人不醉。參差孤負東園花。

代北州老翁答

負薪老翁住北州。北望鄉關生客愁。自言老翁有三子。兩人已向黃沙死。如今小兒新長成。明年聞道又徵兵。定知此別必零落。不及相隨同死生。盡將田宅借鄰伍。且復伶俜去鄉土。在生本求多子孫。及有誰知更辛苦。近傳天子尊武臣。強兵直欲靜胡塵。安邊自合有長策。何必流離中國人。爲明皇讀武而言。與老杜石壕吏相似。

王昌齡

城傍曲

秋風鳴桑條。草白狐兔驕。邯鄲飲來酒未消。城北原平掣皂鵬。射殺空營兩騰虎。迴身却月佩弓弰。猶齊風子

之還感令
令等驚

鳥棲曲

白馬逐朱車。黃昏入狹斜。柳樹烏爭宿。爭枝未得飛上屋。東房少婦墜從軍。每聽烏啼知夜分。

卷六

七言古詩

李

太白七言古想落天外。局自變生。大江無風。波浪自湧。白雲從空。隨風變滅。此殆天授。非
人可及。○集中如笑矣乎。悲來乎。懷素草書歌等作。皆五代凡庸子所擬。後人無識。將此
入選。睿識者指太白為粗淺。人作俑矣。讀李詩者於
雄快之中。得其深遠宏逸之神。纔是謫仙人面目。

遠別離

遠別離。古有英皇之二女。乃在洞庭之南。瀟湘之浦。海水直下萬里深。誰人不言此離苦。日慘慘兮雲冥

冥。猩猩啼煙兮鬼嘯雨。我縱言之將何補。皇穹指肅宗竊恐不照余之忠誠。雲憑憑兮欲吼怒。天問曰。康堯

舜當之亦禪禹。禪位君失臣兮龍為魚。明皇權歸臣兮鼠變虎。肅宗或言堯幽囚。舜野死。九疑連縣皆相似。重瞳

孤墳竟何是。帝子泣兮綠雲間。竹隨風波兮去無還。慟哭兮遠望。見蒼梧之深山。蒼梧山崩。湘水絕。言此

絕。竹上之淚乃可滅。玄宗禪位於肅宗。宣者李輔國謂上皇居興慶宮。交通外人。將不利於陛下。於是徒

致諷
焉

蜀道難

噫吁噓危乎高哉。蜀道之難難於上青天。蠶叢及魚鼈。蜀王始開國何茫然。爾來四萬八千歲。不與秦塞

通人煙。西當太白有鳥道。可以橫絕峨眉巔。地崩山摧壯士死。五丁開山。然後天梯石棧相鈎連。上有六

龍迴日之高標。下有衝波逆折之迴川。黃鶴之飛尚不得過。猿猱欲度愁攀緣。青泥何盤盤。百步九折縈

巖巒。捫參歷井仰脅息。以手撫膺坐長歎。問君西遊何時還。畏途巖巖不可攀。但見悲鳥號古木。雄飛雌

從繞林間。又聞子規啼夜月。愁空山。蜀道之難難於上青天。使人聽此凋朱顏。連峯去天不盈尺。枯松倒

挂倚絕壁。飛湍瀑流爭喧豗。砢崖轉石萬壑雷。其險也若此。嗟爾遠道之人。胡為乎來哉。總束三語。劍閣

崢嶸而崔巍。一夫當關。萬夫莫開。所守或非親。化為狼與豺。朝避猛虎。夕避長蛇。磨牙吮血。殺人如麻。錦

城雖云樂。不如早還家。恐蜀地有發難之人。則乘輿危矣。蜀道之難難於上青天。側身西望長咨嗟。諸解

蕭士贊謂祿山亂華。天子幸蜀而作。為得其解。臣子忠愛之辭。不比尋常穿鑿。○筆陣縱橫如蚪。飛螭動起雷霆。於指顧之間。右華虛全輩仿之。適得其怪耳。太白所以為仙才也。

烏夜啼

黃雲城邊烏欲棲。歸飛啞啞枝上啼。機中織錦秦川女。碧紗如煙隔窗語。停梭悵然憶遠人。獨宿空房淚

如雨。蘊含深遠。不須語言之煩。賀知章諫。烏夜啼諸樂府。因重太白蘊於明皇。

烏棲曲

姑蘇臺上烏樓時。吳王宮裏醉西施。吳歌楚舞歡未畢。青山欲銜半邊日。銀箭金壺漏水多。起看秋月墜江波。東方漸高奈樂何。末句爲樂雖久也。綴一單句格奇。

戰城南

去年戰桑乾源。今年戰葱河道。洗兵條支海上波。放馬天山雪中草。萬里長征戰。三軍盡衰老。匈奴以殺戮爲畊作。奇句。古來惟見白骨黃沙田。秦家築城避胡處。漢家還有烽火然。烽火然不息。征戰無已時。野戰格鬪死。敗馬嘶鳴向天悲。烏鳶啄人腸。銜飛上挂枯樹枝。士卒塗草莽。將軍空爾爲。乃知兵者是凶器。聖人不得已而用之。端莊語以搖曳出之。末句用老子。

飛龍引二首

黃帝鑄鼎於荆山。煉丹砂。丹砂成黃金。騎龍飛上太清家。雲愁海思令人嗟。宮中綵女顏如花。飄然揮手凌紫霞。從風縱體登鑾車。登鑾車。侍軒轅。遨遊青天中。其樂不可言。

鼎湖流水清且閒。軒轅去時有弓劍。古人傳道留其間。後宮嬋娟多花顏。乘鸞飛煙去不還。騎龍攀天造天關。造天關。聞天語。長雲河車載玉女。載玉女。過紫皇。紫皇乃賜白兔所搗之藥方。後天而老。後天而老猶蛾眉蕭風。則不老者化老矣。學仙何爲哉。凋三光。下視瑤池見王母。蛾眉蕭颯如秋霜。

長相思二首

長相思。在長安。絡緯秋啼金井闌。微霜淒淒。簾色寒。孤燈不明。思欲絕。卷帷望月。空長歎。美人指夫君如花。隔雲端。上有青冥之長天。下有綠水之波瀾。天長地遠。魂飛苦。夢魂不到。關山難。長相思。摧心肝。

日色欲盡。花含煙。月明欲素。愁不眠。趙瑟初停。鳳凰柱。蜀琴欲奏。鴛鴦絃。此曲有意。無人傳。願隨春風。寄燕然。憶君迢迢隔青天。昔日橫波目。今作流淚泉。不信妾腸斷。歸來看取明鏡前。怨而不怒

上留田行上留田地名其地有人父母死而不字其弟者弟作歌以諷其兄故名上留田亦古樂府

行至上留田。孤墳何嶢嶢。積此萬古恨。看草不復生。悲風四邊來。腸斷白楊聲。借問誰家地。埋沒嵩里塋。古老向余言。言是上留田。蓬科馬鬣皆已平。昔之兄死。弟不葬。他人於此舉銘旌。一鳥死。百鳥鳴。一獸走。百獸驚。見說苑顏子對孔子語 桓山之禽。別離苦。欲去迴翔不能征。田氏倉卒骨肉分。青天白日摧紫荆。交柯之木本同形。東枝顛頽西枝榮。無心之物尚如此。參商胡乃尋天兵。孤竹延陵。讓國揚名。高風綿邈。頽波激清。尺布之謠。塞耳不能聽。末以孤竹延陵漢文淮南為言如此非同泛然而作也太白每借古題以諷時事豈有感於永王璘之死而為是言與

穹則格上白鳩拂舞辭此歌而且

鑑鳴鐘。考即鼓。歌白鳩。引拂舞。白鳩之白。誰與鄰。霜衣雪襟。誠可珍。含哺七子。能平均。食不噎。性安馴。首農政。鳴陽春。鳴鳩拂羽 天子刻玉杖。鏤形賜著人。白鷺之白。非純真。外潔其色。心匪仁。非必有惡於白鷺借以譏外潔內污者耳 五德無司晨。胡為啄我葭下之紫鱗。鷹鷂鵬鵠。貪而好殺。鳳凰雖大聖。不願以為臣。時多酷吏與聚斂之臣故作是詩以刺

獨漉篇

晉人古詞本或斷或續太白亦以此體仿之
中三解未易窺測恐強解之轉成穿鑿耳

獨漉水中泥。水濁不見月。不見月尚可。水深行人沒。越鳥從南來。胡鷹亦北渡。我欲彎弓向天射。惜其中道失歸路。落葉別樹。飄零隨風。客無所託。悲與此同。羅緯舒卷。似有人開。明月直入。無心可猜。雄劍挂壁。時時龍鳴。不斷犀象。繡澀苔生。國恥未雪。主

意何由成名。神鷹夢澤。不顧鷓鴣。爲君一擊。鵬搏九天。
太白爲國雪恥。中作六解。似嶺斷雲連。若離若合。不能強作一意。雄劍挂壁。以下言豪士爲國雪恥。當立大功。以成名。猶鷹之不顧凡鳥。而擊九天之鵬也。

登高丘而望遠海

登高丘。望遠海。六鼈骨已霜。三山流安在。扶桑半摧折。白日沉光彩。銀臺金闕如夢中。秦皇漢武空相待。精衛費木石。鼃鼃無所憑。君不見驪山茂陵盡灰滅。牧羊之子來攀登。盜賊劫寶玉。精靈竟何能。窮兵黷武。今如此。鼎湖飛龍安可乘。

楊叛兒

此童謠也。比齊胡太后寵楊旻。童謠云。楊婆兒。共戲來。語訛轉婆爲叛。○篇中非詠其事。

君歌楊叛兒。妾勸新豐酒。何許最關人。烏啼白門柳。烏啼隱楊花。君醉留妾家。博山爐中沉香火。雙煙一氣凌紫霞。

即子夜讀曲意。而語不媿。故知君子言有則也。

白頭吟

西京雜記云。白頭吟。卓文君作。

錦水東北流。波蕩雙鴛鴦。雄巢漢宮樹。雌弄秦草芳。寧同萬死碎綺翼。不忍雲間兩分張。此時阿嬌正嬌

妒。獨坐長門愁日暮。但願君恩顧妾深。豈惜黃金買詞賦。相如作賦得黃金。丈夫好新多異心。一朝將聘茂陵女。文君因贈白頭吟。東流不作西歸水。落花辭羞故林。信手寫來無不入妙兔絲固無情。隨風任顛倒。誰使女蘿枝。而來強縈抱。兩草猶一心。人心不如草。莫捲龍鬚席。從他生網絲。且留琥珀枕。或有夢來時。覆水再收豈滿杯。弃妾已去難重迴。古來得意不相負。祇今唯見青陵臺。韓憑與婦俱以義死故云太白詩固多寄託然必欲事事牽合謂此指廢

王皇后事殊支離也。

久別離

別來幾春未還家。玉窗五見櫻桃花。況有錦字書。開緘使人嗟。至此腸斷彼心絕。雲鬢綠鬢罷梳結。愁如迴飈亂白雪。去年寄書報陽臺。今年寄書重相催。東風兮東風。爲我吹行雲使西來。待來竟不來。落花寂寂委青苔。

日出入行

日出東方隈。似從地底來。歷天又入海。六龍所舍安在哉。其始與終古不息。人非元氣安得與之久徘徊。草不謝榮於春風。木不怨落於秋天。誰揮鞭策駟四運。萬物興歇皆自然。羲和羲和。汝何汨沒於荒淫之陵。魯陽何德。駐景揮戈。逆天違道。矯誣實多。我將囊括大塊。浩然與溟滓同科。言魯陽揮戈之矯誣。不如委順造化之自然也。纔見

學仙之謬。

幽澗泉琴操

拂彼白石，彈我素琴。幽澗愀兮，流泉深。善手明徽，高張清心。寂歷似千古，松廳颯兮萬尋。中見愁猿弔影，而危處兮，叫秋木而長吟。客有哀時失職，而聽者淚淋浪以沾襟。乃緝商綴羽，潺湲成音。吾但寫聲發情，於妙指，殊不知此曲之古今。幽澗泉，鳴深林。松響猿吟，從琴中寫出，俱可以例澗泉也。縱筆揮洒，冷冷有聲。

梁父吟 梁父吟始于曾子後諸葛孔明作梁父吟

長嘯梁父吟，何時見陽春。君不見朝歌屠叟辭棘津，八十西來釣渭濱。寧羞白髮照清水，逢時吐氣思經綸。廣張三千六百鈞，地有三千六百軸，太公合天下而釣之，得與文王相遇也。風期暗與文王親。大賢虎變愚不測，當年頗似尋常人。君不見高陽酒徒起草中，長揖山東隆準公。入門不拜逞雄辨，兩女輟洗來趨風。東下齊城七十二，指揮楚漢如旋蓬。狂客落魄尚如此，何況壯士當羣雄。謂自吾欲攀龍見明主，雷公砰訇震天鼓。帝旁投壺多玉女，三時大笑開電光。倏燦晦冥起風雨，閭闔九門不可通。二段見朝之權貴女子小人，攤遇主聽忠言不得上陳也。以額觸關闈者，怒白日不照我精誠。杞國無事憂天傾，如時之將亂。獯獯磨牙競人肉，騶虞不折生草莖。手接飛猱搏彫虎，側足焦原未言苦。智者可卷愚者豪，世人見我輕鴻毛。見君子小人並列，而人主不知我欲起而除去，邪惡猶接飛猱搏彫虎，不自言苦也。以愚自謂，力排南山三壯士，齊相殺之費二桃。言衆人害己之易。吳楚弄兵無劇孟，亞夫哈爾爲徒勞。言朝無賢人，何以爲國，仍望世之用己也。梁父吟，聲正悲。張公兩龍劍，神物合有時。風雲感會起屠釣，大人峴峴當安之。言已安於困厄，以俟時，始言呂尚之羣年，酈食其之狂士，猶乘時遇

合爲壯士者正當自奮然欲以忠言寤主而權奸當道言路壅塞非不願剪除之而人主不聽恐爲誣人殺害也究之論其常理終當以賢輔國惟安命以俟有爲而已後半拉雜使事而不見其迹以氣勝也苦無太白本領不易追逐

北風行

燭龍棲寒門光耀猶旦開日月照之何不及此唯有北風號怒天上來燕山雪花大如席片片吹落軒轅臺幽州思婦十二月停歌能笑雙蛾摧倚門望行人念君長城苦寒良可哀別時提劍救邊去遺此虎紋金鞞鞞中有二雙白羽箭蜘蛛結網生塵埃箭空在人愁戰死不復迴人愁戰死愁字諸本註作今字從原本正之不忍見此物焚之已成灰黃河捧土尙可塞北風雨雪恨難裁淮南子燭龍人身龍面而無足八極之外有八極北極之山田寒門

山人勸酒

蒼蒼雲松落落綺皓春風爾來爲阿誰蝴蝶忽來滿芳草秀眉霜雪顏桃花骨清髓綠長美好稱是秦時避世人勸酒相歡不知老各守麋鹿志恥隨龍虎爭歛起佐天子漢皇乃復驚顧謂戚夫人彼翁羽翼成歸來商山下泛若雲無情舉觴酬巢由洗耳何獨清浩歌望嵩嶽意氣還相傾

襄陽曲

落日欲沒峴山西倒著接羅花下迷襄陽小兒齊拍手攔街爭唱白銅鞮白銅鞮梁武帝時童謠傍人借問笑何事笑殺山翁醉似泥鷓鴣杓鸚鵡杯百年三萬六千日一日須傾三百杯遙看漢水鴨頭綠妙於形容恰似葡萄

初醲醑。此江若變作春酒。壘麴便築糟邱臺。千金駿馬換小妾。笑坐雕鞍歌落梅。車傍側挂一壺酒。鳳笙龍管行相催。咸陽市中歎黃犬。何如月下傾金罍。君不見晉朝羊公一片石。龜頭剝落生莓苔。淚亦不能爲之隨。心亦不能爲之哀。清風朗月不用一錢買。玉山自倒非人推。舒州杓。力士鎗。李白與爾同死生。襄王雲雨今安在。江水東流猿夜聲。羊叔子之峴山碑。猶然響滅。無人墮淚。元尋常富貴乎。不如韜精沉飲。州道士賈九器。鐵器。革。堅。傳。有豫章力士。薙飲器。

江上吟

木蘭之枻沙棠舟。玉蕭金管坐兩頭。美酒尊中置千斛。載妓隨波任去留。仙人有待乘黃鶴。海客無心隨白鷗。屈平詞賦懸日月。楚王臺榭空山丘。興酣落筆搖五嶽。詩成笑傲凌滄洲。功名富貴若長在。漢水亦應西北流。言必無之理。

侍從宜春苑奉詔賦龍池柳色初青聽新鶯百轉歌

東風已綠瀛洲草。紫殿紅樓覺春好。池南柳色半青青。縈煙裊娜拂綺城。垂絲百尺挂雕楹。上有好鳥相和鳴。間關早得春風情。春風卷入碧雲去。千門萬戶皆春聲。是時君王在鎬京。五雲垂暉耀紫清。仗出金宮隨日轉。天迴玉輦繞花行。始向蓬萊看舞鶴。還過菖若聽新鶯。新鶯飛繞上林苑。願入簫韶雜鳳笙。應制

詩有此非仙才不能。西都賦。後宮則有菖若。惜風。諸本作菖石者誤。○三唐應制詩以此篇及摩詰之雲裏帝城中春樹爲最上。

寄王屋山人孟大融

我昔東海上，勞山餐紫霞。親見安期公，食棗大如瓜。中年謁漢主，不愜還歸家。自謂也。安期生見項羽，不見漢主。朱顏謝春暉，白髮見生涯。所期就金液，飛步登雲車。願隨天子天壇上，閒與仙人掃落花。

鳴臯歌送岑徵君

自注：時梁園三尺雪，在清冷池作。

若有人兮思鳴臯，阻積雪兮心煩勞。洪河凌兢不可以徑度，冰龍鱗兮難容舸。邈仙山之峻極兮，聞天籟之嘈嘈。霜厓編皓以合沓兮，若長風扇海湧滄溟之波濤。玄猿綠熊，舐磔崑崙。危柯振石，駭膽慄魄。疊四句而以第五句爲一韻，四句之中，又成一韻，變化已極。羣呼而相號，峰嶒嶭而路絕。挂星辰于巖窾，送君之歸兮。動鳴臯之新作，交鼓吹兮。彈絲觴清冷之池閣，君不行兮何待。若返顧之黃鶴，掃梁園之羣英。見惠連之雪賦，謂鄴枚也。振大雅於東洛，巾征軒兮歷阻折。尋幽居兮越巖嶇，盤白石兮坐素月。琴松風兮寂萬壑，望不見兮心氛氳。此一段寫送別之况，恰好引起下段。羅冥冥兮霰紛紛，水橫洞以下綠。波小聲而上聞，虎嘯谷而生風。龍藏溪而吐雲，寡鶴清唳。飢颺嘯呻，魂獨處此幽默兮。愀空山而愁人，雞聚族以爭食。鳳孤飛而無鄰，螻蝻嘲龍。魚目混珍，嫫母衣錦。西施負薪，西施鬻薪見吳越春秋。若使巢由桎梏於軒冕兮，亦奚異乎夔龍躒躒於風塵。哭何苦而救楚，申包胥笑何誇而卻秦。魯仲連吾誠不能學二子，承上沾名矯節以耀世兮。固將棄天地而遺身，白鷗兮飛來，長與君兮相親。學楚騷而長短疾徐，橫縱馳驟，又復變化其體，是爲仙才。

當塗趙炎少府粉圖山水歌

蛾眉高極西出天。羅浮直與南溟連。名公繹思揮彩筆。驅山走海置眼前。畫筆如真滿堂空翠如可掃。赤城霞氣蒼梧煙。洞庭瀟湘意邈綿。三江七澤情洄沿。驚濤洶湧向何處。孤舟一去迷歸年。征帆不動亦不旋。飄如隨風落天邊。心搖目斷興難盡。幾時可到三山巔。西峰崢嶸噴流泉。橫石蹙水波潏潏。東崖合沓蔽輕霧。深林雜樹空芊綿。綿韻此中冥昧失晝夜。隱几寂聽無鳴蟬。長松之下列羽客。對坐不語南昌仙。梅福昌尉後傳爲仙南昌仙人趙夫子。妙年歷落青雲士。詎庭無事羅衆賓。杳然如在丹青裏。真景五色粉圖安足珍。真仙可以全吾身。若待功成拂衣去。武陵桃花笑殺人。

憶舊游寄譙郡元參軍

憶昔洛陽董糟邱。此以作引爲余天津橋南造酒樓。黃金白璧買歌笑。一醉累月輕王侯。海內賢豪青雲客。以下言元參軍就中與君心莫逆。此言合迴山轉海不作難。傾情倒意無所惜。我向淮南攀桂枝。君留洛北愁夢思。不忍別還相隨。相隨迢迢訪仙城。此言欲離仍合三十六曲水迴瀾。一溪初入千花明。萬壑度盡松風聲。銀鞍金絡倒平地。漢東太守來相迎。此言紫陽之真人。邀我吹玉笙。餐霞樓上動仙樂。嘈然宛似鸞鳳鳴。袖長管催欲輕舉。漢東太守醉起舞。手持錦袍覆我身。我醉橫眠枕其股。當筵意氣凌九霄。星離雨散不終朝。分飛楚關山水遙。此言離余既還山尋故巢。君亦歸家渡渭橋。君家嚴君勇貔虎。作尹并州遏戎虜。五月相呼度

太行摧輪不道羊腸苦。行來北京歲月深。此又感君貴義輕黃金。瓊杯綺食青玉案。使我醉飽無歸心。時

時出向城西曲。晉祠流水如碧玉。浮舟弄水簫鼓鳴。微波龍鱗莎草綠。興來攜妓恣經過。其若楊花似雪

何。紅粧欲醉宜斜日。百尺清潭寫翠娥。翠娥嬋娟初月輝。美人更唱舞羅衣。清風吹歌入空去。歌曲自繞

行雲飛。此時行樂難再遇。此又西游因獻長楊賦。壯闕青雲不可期。東山白首還歸去。渭橋南頭一遇君。

鄼臺之北又離羣。此兩合兩離。語從其略。問余別恨知多少。落花春暮爭紛紛。言亦不可盡。情亦不可極。呼兒長跪

緘此辭。寄君千里遙相憶。敘與參軍情事。離離合合結構分明。才情動盪。不止以縱逸見長也。老杜外誰堪與敵。

贈裴十四

朝見裴叔則。朗如行玉山。黃河落天走東海。萬里寫入胸懷間。身騎白龍不敢度。金高南山買君顧。用楚

買夫人徘徊六合無相知。飄若浮雲且西去。黃河落天二語自道所得。

白雲歌送劉十六還山

秦山楚山皆白雲。白雲處處常隨君。君入楚山裏。雲亦隨君渡湘水。湘水上。女蘿衣。白雲堪臥君早歸。隨

寫去。自然流逸。

廬山謠寄盧侍御虛舟

我本楚狂人。狂歌笑孔聖。手持綠玉杖。朝別黃鶴樓。五岳尋山不辭遠。一生好入名山游。廬山秀出南斗

傍屏風九疊雲錦張。影落明湖青黛光。金闕前開二峰長。銀河倒挂三石梁。香爐瀑布遙相望。迴崖沓障凌蒼蒼。翠影紅霞映朝日。鳥飛不到吳天長。登高壯觀天地間。大江茫茫去不還。黃雲萬里動風色。白波九道流雪山。好爲廬山謠。興因廬山發。閒窺石鏡清我心。謝公行處蒼苔沒。早服還丹無世情。琴心三疊道初成。遙見仙人彩雲裏。手把芙蓉朝玉京。先期汗漫九垓上。願接盧敖游太清。先寫廬山形勝後言尋幽不如學仙與盧敖同遊太清此素願也筆下殊有仙氣

金陵酒肆留別

風吹柳花滿店香。吳姬壓酒勸客嘗。金陵子弟來相送。欲行不行各盡觴。請君試問東流水。別意與之誰短長。語不必深寫情已足

夢遊天姥吟留別

天姥峯在天台西北境下臨嵊縣

海客談瀛洲。起引烟濤微茫信難求。越人語天姥。雲霓明滅或可覩。天姥連天向天橫。勢拔五岳掩赤城。天台一萬八千丈。對此欲倒東南傾。我欲因之夢吳越。一夜飛度鏡湖月。飛度鏡湖月以下皆言夢中所歷湖月照我影。送我至剡溪。謝公宿處今尚在。綠水蕩漾清猿啼。腳著謝公屐。身登青雲梯。半壁見海日。空中聞天雞。千巖萬壑路不定。迷花倚石忽已暝。熊咆龍吟殷巖泉。慄深林兮驚層巔。雲青青兮欲雨。水澹澹兮生煙。列缺霹靂。丘巒崩摧。洞天石扇。訇然中開。一路離奇滅沒恍恍惚惚是夢境是仙境青冥浩蕩不見底。日月照耀金銀臺。霓爲衣兮

風爲馬。雲之君兮紛紛而來下。虎鼓瑟兮鸞迴車。仙之人兮列如麻。忽魂悸以魄動。恍驚起而長嗟。醒夢惟覺時之枕席。失向來之煙霞。世間行樂亦如此。古來萬事東流水。別君去兮何時還。因夢遊推開見世事皆成虛幻也留別意

只末路一點

且放白鹿青崖間。須行即騎訪名山。安能摧眉折腰事權貴。使我不得開心顏。託言夢遊窮形盡相以極洞天奇

幻至醒後頓失烟霞矣。知世間行樂亦同一夢。安能於夢中風身。權貴乎。吾當別去。遍遊名山以終天年也。詩境雖奇。脉理極細。

灞陵行送別

送君灞陵亭。灞水流浩浩。上有無花之古樹。下有傷心之春草。我向秦人問路岐。云是王粲南登之古道。古道連綿走西京。紫闕落日浮雲生。正當今夕斷腸處。黃鸝愁絕不忍聽。

宣州謝眺樓餞別校書叔雲

棄我去者昨日之日不可留。此種格調太白從心化出亂我心者今日之日多煩憂。長風萬里送秋鴈。對此可以酣高樓。蓬萊文章建安骨。中間小謝又清發。俱懷逸興壯思飛。欲上青天覽日月。抽刀斷水水更流。舉杯消愁愁更愁。人生在世不稱意。明朝散髮弄扁舟。

涇溪東亭寄鄭少府諤

我遊東亭不見君。沙上行將白鷺羣。白鷺行時散飛去。又如雪點青山雲。欲往涇溪不辭遠。龍門壑波虎轉眼。杜鵑花開春已闌。歸向陵陽釣魚晚。虎轉眼謂水波旋轉有光相映若虎眼之光。劉禹錫泝水東流見虎文卽此意也。

示金陵子

金陵城東誰家子。竊聽琴聲碧牕裏。落花一片天上來。隨人直渡西江水。楚歌吳語嬌不成。似能未能最有情。謝公正要東山妓。攜手林泉處處行。

杜

甫

少陵七言古如建章之宮千門萬戶如鉅鹿之戰諸侯皆從壁上觀膝行而前不敢仰視如大海之水長風鼓浪揚泥沙而舞怪物靈蠢畢集別於盛唐諸家獨稱大宗○太白以

高勝少陵以大勝執金鼓而抗顏行後人那能鼎足○一飯未嘗忘君其忠孝與夫子事父事君之旨有合不可以尋常詩人例之。

玄都檀歌漢武所築

故人昔隱東蒙峰。已佩含景蒼精龍。故人今居子午谷。獨在陰崖結茅屋。屋前太古玄都壇。青石漠漠常風寒。子規夜啼山竹裂。言其聲之哀王母晝下雲旗飈。知君此計成長往。芝草琅玕日應長。鐵鑊高垂不可攀。致身福地何蕭爽。

兵車行

車麟麟。馬蕭蕭。行人弓箭各在腰。耶孃妻子走相送。塵埃不見咸陽橋。牽衣頓足攔道哭。哭聲重上干雲霄。道傍過者問行人。行人但云點行頻。或從十五北防河。便至四十西營田。北防河歸又出兵也去時里正與裏頭。歸來頭白還戍邊。邊庭流血成海水。武皇開邊意未已。君不聞漢家山東二百州。太行山東秦晉之地皆是千村萬落生荆杞。縱有健婦把鋤犁。禾生隴畝無東西。况復秦兵耐苦戰。被驅不異犬與雞。長者雖有問。役夫敢申

恨且如今年冬未休關西卒。縣官急索租。租稅從何出。信知生男惡。反是生女好。生女猶得嫁比鄰。生男埋沒隨百草。君不見青海頭。古來白骨無人收。新鬼煩冤舊鬼哭。天陰雨溼聲啾啾。以人哭始鬼哭終脫應在有意無意詩為

明皇用兵吐蕃而作設為問答聲音節奏純從古樂府得來

高都護驄馬行名仙

安西都護胡青驄。聲價欻然來向東。此馬臨陣久無敵。與人一心成大功。即真堪記死生意 功成惠養隨所致。飄

飄遠自流沙。至雄姿未受伏櫪思。猛氣猶思戰場利。腕促蹄高如踏鐵。交河幾蹴會冰裂。五花散作雲滿

身。萬里方看汗流血。長安壯兒不敢騎。走過掣電傾城知。青絲絡頭為君老。思馳驅於戰場隱然為老將寫照 何由却出

橫門道。三輔黃圖長安城北出西頭第一門名橫門橫音光○結處悠揚不盡者或四語或六語以傳其神若二語用韵戛然而止此又專取簡捷如此篇是也

天育驃騎歌天育廐名

吾聞天子之馬走千里。今之畫圖無乃是。是何意態雄且傑。駿尾蕭梢朔風起。毛為綠縹兩耳黃。眼有紫

焰雙瞳方。矯矯龍性合變化。卓立天骨森開張。伊昔太僕張景順。監牧攻駒閱清峻。遂令大奴守天育。別

養驥子憐神駿。當時四十萬匹馬。張公歎其材盡下。目中無物敢下此筆 故獨寫真傳世人。見之座右久更新。年多

物化空形影。嗚呼健步無由騁。如今豈無驥裏與驂騑。時無王良伯樂死即休。

醉時歌原注贈廣文館博士鄭虔

諸公袞袞登臺省。廣文先生官獨冷。甲第紛紛厭梁肉。廣文先生飯不足。先生有道出羲皇。韓詩出詩。此詩偶見。先生有才過屈宋。德尊一代常坎軻。名垂萬古知何用。杜陵野客人更嗤。被褐短窄鬢如絲。日糴太倉五升米。時赴鄭老同襟期。得錢卽相覓。沽酒不復疑。忘形到汝爾。痛飲真吾師。悲壯淋漓。清夜沉沉動春酌。燈前細雨簷花落。但覺高歌有鬼神。焉知餓死填溝壑。相如逸才親滌器。子雲識字終投閣。先生早賦歸去來。石田茆屋荒蒼苔。儒術於我何有哉。孔聖諱盜跖俱塵埃。不須聞此意慘愴。生前相遇且銜盃。本莊子盜跖篇。見賢愚同盡。不

如託之千杯酒故作曠達語而不平之意自在。

醉歌行原注別從姪勳落第歸

陸機二十作文賦。汝更小年能綴文。總角草書又神速。世上兒子徒紛紛。驂驅作駒已汗血。鷺鳥舉翮連青雲。詞源倒流三峽水。筆陣獨掃千人軍。只今年纔十六七。射策君門期第一。舊穿楊葉真自知。項射策。驟霜蹄未爲失。項驂驟。偶然擢秀非難取。會是排風有毛質。項鷺鳥。汝身已見唾成珠。汝伯何由髮如漆。春光淡沲秦東亭。渚蒲芽白水荇青。送別情景。突然接人。開後人無限法門。風吹客衣日杲杲。樹攬離思花冥冥。酒盡沙頭雙玉經。衆賓皆醉我獨醒。乃知貧賤別更苦。吞聲躑躅涕淚零。

送孔巢父謝病歸遊江東兼呈李白

巢父掉頭不肯住。忽。東將入海隨煙霧。詩卷長留天地間。釣竿欲拂珊瑚樹。深山大澤龍蛇遠。春寒野陰

風景暮蓬萊。織女迴雲車。

李杜多縹緲恍惚語其原出於騷

指點虛無是征路。自是君身有仙骨。世人那得知其故。惜君

只欲苦死留富貴。何如草頭露。蔡侯靜者意有餘。

時在蔡保席上

清夜置酒臨前除。罷琴憫悵月照席。幾歲寄我

六甲書。望孔之別後寄只用一帖

南尋禹穴見李白。道甫問訊今何如。葉父歸隱學仙故詩中多縹緲欲仙語

飲中八仙歌

知章騎馬似乘船。眼花落井水底眠。汝陽三斗始朝天。道逢麴車口流涎。恨不移封向酒泉。左相日與費

萬錢。飲如長鯨汲百川。銜盃樂聖稱避賢。宗之瀟酒美少年。舉觴白眼望青天。皎如玉樹臨風前。蘇晉長

齋。齋佛前。醉中往往愛逃禪。李白一斗詩百篇。長安市上酒家眠。天子呼來不上船。自稱臣是酒中仙。張

旭三盃草聖傳。脫帽露頂王公前。揮毫落紙如雲煙。焦遂五斗方卓然。高談雄辯驚四筵。前不用起後不用收中間參差

歷落似八章仍似一章格法古未常有。每人各贈幾語故有重韻而不妨礙。

曲江

自斷此生休問天。杜曲幸有桑麻田。故將移住南山邊。短衣匹馬隨李廣。看射猛虎終殘年。

貧交行

翻手作雲覆手雨。一語說得盡紛紛輕薄何須數。君不見管鮑貧時交。此道今人棄如土。

麗人行

三月三日天氣新。長安水邊多麗人。態濃意遠淑且真。肌理細膩骨肉勻。繡羅衣裳照暮春。蹙金孔雀銀麒麟。頭上何所有。翠微盃葉垂鬢唇。背後何所見。珠壓腰極穩稱身。就中雲幕椒房親。賜名大國號與秦。紫駝之峰出翠釜。水精之盤行素鱗。犀筋厭飲久未下。鑿刀縷切空紛綸。黃門飛鞚不動塵。御廚絡繹送八珍。蕭鼓哀吟感鬼神。賓從雜還實要津。後來鞍馬何逡巡。當軒下馬入錦茵。楊花雪落覆白蘋。引語不青鳥飛去銜紅巾。炙手可熱勢絕倫。慎莫近前丞相嗔。也言姿態服飾之美。飲食音樂賓從之盛。微指椒房直言丞相大意。本君子借老之詩。而風刺意較

顯○態濃意遠下倒插秦號當軒下馬下倒插丞相他人無此筆法。

樂遊園歌原注。晦日賀蘭楊長史筵醉中作。

樂遊古園萃森爽。煙絲碧草萋萋長。公子華筵勢最高。秦州對酒平如掌。長生木瓢示真率。更調鞍馬狂歡賞。青春波浪芙蓉園。白日雷霆夾城仗。闔闔暗開誅蕩蕩。曲江翠幕排銀榜。拂水低徊舞袖翻。綠雲清切歌聲上。卻憶年年人醉時。只令未醉已先悲。數莖白髮那拋得。百罰深盃亦不辭。聖朝亦知賤士醜。一物物公自物謂也。自荷皇天慈。就賦。召試爲宰相所抑言。朝已共棄而天猶見憐。此身飲罷無歸處。獨立蒼茫自詠詩。極歡宴時不勝身世之感。臨川蘭亭

記序所云情隨事遷。感慨係之也。

白絲行

綠絲須長不須白。越羅錦蜀金粟尺。象牀玉手亂殷紅。萬草千花動凝碧。已悲素質隨時染。裂下鳴機色

相射美人細意熨貼平。裁縫滅盡針線跡。春天衣著為君舞。蛺蝶飛來黃鸝語。落絮遊絲亦有情。隨風照日宜輕舉。香汗清塵汗顏色。開新合故置何許。君不見才士汲引難。恐懼棄捐忍羈旅。渲染之餘。即捐棄以甘忍。羈旅也。

漢陂行

岑參兄弟皆好奇。攜我遠來遊漢陂。天地黓慘忽異色。波濤萬頃堆琉璃。琉璃漫汗泛舟入。事殊興極憂思集。此放舟入波。陡遇風波。鼉作鯨吞不復知。惡風白浪何嗟及。主人錦帆相為開。舟子喜甚無氛埃。鳧鷖散亂棹驅發。此時風恬浪靜。絲管啁啾空翠來。沈竿續蔓深莫測。菱葉荷花靜如拭。宛在中流渤澥清。下歸無極終南黑。半陂已南純浸山。動影颺窈冲融間。高山影動搖水。波微濛之狀。船舫暝夏雲際寺。水面月出藍田關。此時驪龍亦吐珠。馮夸擊鼓羣龍趨。湘妃漢女出歌舞。金支翠旗光有無。此是虛景。本之楚辭。咫尺但愁雷雨至。蒼茫不曉神靈意。少壯幾時奈老何。向來哀樂何其多。一日如此變幻。自少至老。皆作如是觀。以好奇二字頂起。中間鬼神風雨恍惚萬狀。末用推開語作結。以哀樂二字總束全篇。章法奇詭。

莫此為甚

驄馬行原注。太常梁卿勅賜馬也。李鄧公愛而有之。命甫製詩。

鄧公馬癖人共知。初得花驄大宛種。夙昔傳聞思一見。牽來左右神皆竦。雄姿逸態何嶒嶸。顧影驕嘶自矜寵。如名士自負。隅目青瑩夾鏡懸。藉白馬賦。二句括盡。肉駿破礪連錢動。朝來久試華軒下。未覺千金滿高價。赤汗微

生白雪毛。銀鞍却覆香羅帕。卿家舊賜公取之。天廐真龍此其亞。晝洗須騰涇渭深。夕趨可刷幽并夜。日一聖。吾聞良驥老始成。此馬數年人更驚。豈有四蹄疾於鳥。不與八駿俱先鳴。時俗造次那得至。雲霧晦冥方降精。近聞下詔喧都邑。肯使騏驎地上行。言大材必當大用。人馬雙關。老杜詠馬詩。並皆佳妙。而用意用筆。無一處相似。此老胸中。具有造化。

奉先劉少府新畫山水障歌

堂上不合生楓樹。突怪底江山起煙霧。聞君掃卻赤縣圖。乘輿遣畫滄洲趣。畫師亦無數。好手不可遇。對此融心神。知君重毫素。豈但祁岳與鄭虔。筆迹遠過楊契丹。得非玄圃裂。無乃瀟湘翻。悄然坐我天姥下。耳邊已似聞清猿。反思前夜風雨急。乃是蒲城鬼神入。驚風雨泣鬼神意。寫來怪怪奇奇。不類俗眼。元氣淋漓障猶溼。眞宰上訴天應泣。祈天雨粟。鬼夜哭意。野亭春還雜花遠。漁翁暝踏孤舟立。滄浪水深青暝潤。欵岸側島秋毫末。不見湘妃鼓瑟時。至今斑竹臨江活。劉侯天機精。愛畫入骨髓。自有兩兒郎。揮灑亦莫比。大兒聰明到。能添老樹巔。崖裏小兒心孔開。貌得山僧及童子。若耶溪。雲門寺。吾獨胡爲在泥滓。青鞋布襪從此始。見畫而思遊名山。神現題外。題畫詩。開出異境。後人往往宗之。

悲陳陶 陳陶澤在咸陽東。唐書作陳灣。房瑄自請討賊。車戰大敗。故悲之。

孟冬十郡良家子。血作陳陶澤中水。野曠天清無戰聲。四萬義軍同日死。羣胡歸來血洗箭。仍唱胡歌飲都市。都人迴面向北啼。日夜更望官軍至。

悲青坡

去陳陶不遠。瑄敗後欲持重。有所伺而中夜促戰。故又敗。

我軍青坂在東門。天寒飲馬太白窟。黃頭奚兒日向西。數騎彎弓敢馳突。山雪河冰野蕭颯。青是蜂煙白人骨。焉得附書與我軍。忍待明年莫倉卒。

哀江頭

哀貴妃也。帝與妃常遊幸曲江。故以哀江頭為名。

少陵野老吞聲哭。春日潛行曲江曲。江頭宮殿鎖千門。細柳新蒲為誰綠。憶昔霓旌下南苑。苑中萬物生顏色。昭陽殿裏第一人。同輦隨君侍君側。貴妃曰同隨君日侍。似不免乎。然詩有高明令終。傳有遠幾遙遙待詔。不必苛責。輦前才人帶弓箭。白馬嚼齧黃金勒。翻身向天仰射雲。一笑正墜雙飛翼。明眸皓齒今何在。血污遊魂歸不得。清渭東流劍閣深。去住彼此無消息。彼此無消息。猶長恨歌云。一別人間兩渺茫也。人生有情淚沾臆。江水江花豈終極。黃昏胡騎塵滿城。欲往城南望城北。結出心迷目亂。與前入謂指明皇肅宗父子恐與上下文不屬。

哀王孫

至德元載七月。祿山殺霍國長公主王姬附馬等八人。又殺王孫及郡縣主二十餘人。此詩所以作也。

長安城頭頭白烏。夜飛延秋門上呼。起似謠諺風人。又向人家啄大屋。屋底達官走避胡。金鞭斷折九馬死。骨肉不時同馳驅。四語言明皇棄王孫而出奔也。腰下寶玦青珊瑚。可憐王孫泣路隅。問之不肯道姓名。但道困苦乞為奴。已經百日竄荆棘。身上無有完肌膚。高帝子孫盡隆準。龍種自與常人殊。四語想其相貌。非凡常人所得見。豺狼在邑龍在野。王孫善保千金軀。不敢長語臨交衢。且為王孫立斯須。昨夜東風吹血腥。東來橐駝滿舊都。朔

方健兒好身手。舒翰

昔何勇銳今何怠。竊聞天子已傳位。聖德北服南單于。花門虜面請雪恥。慎勿出口

他人狙。哀哉王孫慎勿疎。五陵佳氣無時無。結語反覆以中興望之。一韵到底詩易於平直。此謂波瀾變化層出不窮似逐段轉韵者。七言能事已極。

蘇端薛復筵簡薛華醉歌

文章有神交有道。端復得之名譽早。愛客滿堂盡豪翰。開筵上日思芳草。元日也。安得健步移遠梅。亂插繁

花向晴吳。千里猶殘舊冰雪。百壺且試開懷抱。垂老惡聞戰鼓悲。急觴爲緩髮心擣。少年努力縱談笑。看

我形容已枯槁。坐中薛華善醉歌。歌辭自作風格老。近來海內爲長句。汝與山東李白好。何劉沈謝力未

工。才兼鮑昭愁絕倒。詩家愁爲不及諸生。頗盡新知樂。萬事終傷不自保。氣酣日落西風來。願吹野水添金盃。如

澠之酒當快意。亦知窮愁安在哉。忽憶雨時秋井塌。古人白骨生青苔。如何不飲令心哀。

洗兵馬原注收京後作

中興諸將收山東。北河捷書夜報清書同。河廣傳聞一葦過。胡危命在破竹中。祗殘鄴城不日得。獨任朔方

無限功。京師皆騎汗血馬。回紇餵肉葡萄宮。已喜皇威清海岱。常思仙仗過崆峒。三年笛裏關山月。萬國

兵前草木風。伯仗過驚峭追思昔日播遷下言笛成王廣平王叔儀謀深古來少司徒弼

清鑿懸明鏡。尙書禮。王思氣與秋天香。二三豪俊爲時出。整頓乾坤濟時了。東走無復懷鱸魚。南飛覺有安

巢鳥。青春復隨冠冕入。紫禁正耐烟花繞。鶴禁通霄鳳輦備。雞鳴問寢龍樓曉。攀龍附鳳勢莫當。天下盡

化爲侯王汝等豈知蒙帝力。時來不得誇身強。關中既留蕭丞相。肅宗即位下制曰復宗廟於函洛迎上皇於巴蜀導鑾輿而反正朝廢門以問安朕願足矣。詩中指此意並非刺譏。牧齋所箋俱深文未允。肅宗比杜鴻漸同蕭何幕下復用張子房。張公一生江海客身長九尺鬚眉蒼微起適遇風雲會扶顛始知籌策良。青袍白馬更何有。景後漢今周喜再昌寸地尺天皆入貢奇祥異瑞爭來送不知何國致白環。復道諸山得銀甕。隱士必李休歌紫芝曲。詞人解撰清河頌。田家望望惜雨乾。布穀處處催春種。淇上健兒歸莫嬾。城南思婦愁多夢。安得壯士挽天河。淨洗甲兵長不用。結出題目詩共四段每段平反相間各用六韵此古風變體。○兩京克復上皇還宮正臣子欣幸之時安有預探移宮之事而加以誹議乎。錢箋比之商臣楊廣過用深文少陵忠愛必不若是。

瘦馬行

東郊瘦馬使我傷。骨節硃兀如堵牆。絆之欲動轉欹側。此豈有意仍騰驤。細看六印帶官字。衆道三軍遺路傍。皮乾剝落雜泥滓。毛暗蕭條連雪霜。去歲奔波逐餘寇。驂騮不慣不得將。士卒多騎內廐馬。惆悵恐是病乘黃。當時歷塊誤一蹶。委棄非汝能周防。見人慘澹若哀訴。失主錯莫無晶光。天寒遠放雁爲伴。日暮不收烏啄瘡。誰家且養願終惠。更試明年春草長。豈救房瑄失職以之自比耶

乾元中寓居同谷縣作歌七首

有客有客字子美。白頭亂髮垂過耳。歲拾橡栗隨狙公。天寒日暮山谷裏。中原無書一作歸不得。手脚凍皴皮肉死。嗚呼一歌兮歌已哀。悲風爲我從天來。

長鏡長鏡白木柄。我生託子以爲命。黃精獨一作無苗山雪盛。短衣數挽不掩脛。此時與子空歸來。男呻女

吟四壁靜。嗚呼二歌兮歌始放。鄰里爲我色惆悵。雜文長不一章章法甚奇

有弟有弟在遠方。一方各三人各瘦何人強。生別展轉不相見。胡塵暗天道路長。東飛駕鵝後鴉鷁。安得

送我置汝旁。嗚呼三歌兮三歌發。汝歸何處收兄骨。

有妹有妹在鍾離。良人早歿諸孤癡。長淮浪高蛟龍怒。十年不見來何時。一作扁舟欲徵箭滿眼。杳杳南

國多旌旗。嗚呼四歌兮歌四奏。林猿爲我啼清晝。

四山多風溪水急。寒雨颯颯枯樹一作樹枝溼。亂世景象黃蒿古城雲不開。白狐跳梁黃狐立。我生何爲在窮谷。中

夜起坐萬感集。嗚呼五歌兮歌正長。魂招不來歸故鄉。

南有龍兮在山湫。此咏萬丈潭之龍秋古木龍鬣枝相樛。木葉黃落龍正蟄。蝮蛇東來水上游。我行怪此安一作敢

出拔劍欲斬且復休。嗚呼六歌兮歌思遲。溪壑爲我廻春姿。木葉黃落冬日愁慘之狀故望其廻春姿云陽長陰消所感者大

男兒生不成名身已老。三年饑走荒山道。長安卿相多少年。富貴應須致身早。山中儒生舊相識。但話宿

昔傷懷抱。嗚呼七歌兮悄終曲。仰視皇天白日速。原本平子四愁明遠行路難諸篇然能神明變化不襲形貌斯爲大家

戲題畫山水圖

十日畫一水。五日畫一石。能事不受相促迫。王宰始肯留真跡。壯哉崑崙方壺圖。挂君高堂之素壁。巴陵

洞庭日本東，赤岸水與銀河通。中有雲氣隨飛龍，用一單句舟人漁子入浦溆。山木盡亞洪濤風，尤工遠勢古莫比。咫尺應須論萬里，焉得并州快剪刀，剪取吳松半江水。

題李尊師松樹障子歌

老夫清晨梳白頭，玄都道士來相訪。握髮呼兒延入戶，手提新畫青松障。障子松林靜杳冥，憑軒忽若無丹青。陰崖卻承霜雪幹，偃蓋反走虬龍形。老夫平生好奇古，對此興與精靈聚。已知仙客意相親，更覺良工心獨苦。極慘淡經營意松下丈人巾屨同，偶坐似是商山翁。悵望聊歌紫芝曲，領取言外時危慘澹來悲風。

戲爲雙松圖歌原注章偃

天下幾人畫古松，畢宏已老韋偃少。絕筆長風起纖末，滿堂動色嗟神妙。兩株慘裂苔蘚皮，屈鐵交錯迴高枝。白摧朽骨龍虎死，黑入太陰雷雨垂。松根胡僧憇寂寞，龐眉皓首無住著。偏袒右肩露雙腳，葉裏松子僧前落。韋侯韋侯數相見，我有一匹好束絹。重之不減錦繡段，已令拂拭光凌亂。請公放筆爲直幹，如正直突兀起不妨平接如堂上不合生楓樹下接聞君掃却赤縣圖是也平調起必須用緊語接如天下幾人畫古松下接絕筆長風起纖末是也學者於此求之思過半矣

茆屋爲秋風所破歎

八月秋高風怒號，卷我屋上三重茆。茆飛渡江灑江郊，高者挂竇長林梢。下者飄轉沈塘坳，南村羣童歎我老無力，忍能對面爲盜賊。實有此事不公然抱茆入竹去，唇焦舌燥呼不得。歸來倚杖自歎息，俄頃風

定雲墨色。秋天漠漠向昏黑。布衾多年冷似鐵。驕兒惡臥踏裏裂。牀床屋漏無乾處。兩脚如麻未斷絕。自
經喪亂少睡眠。長夜沾溼何由徹。安得廣廈千萬間。大庇天下寒士俱歡顏。風雨不動安如山。此老胸中
實有同胞
之意嗚呼何時眼前突兀見此屋。吾廬獨破受凍死亦足。

卷七

七言古詩

杜甫

觀打魚歌

綿州江水之東津。魴魚鱸色勝銀。漁人漾舟沉大網。截江一擁數百鱗。衆魚常才盡卻棄。赤鯉騰出如
有神。潛龍無聲老蛟怒。迴風颯颯吹沙塵。夔子左右揮霜刀。鱸飛金盤白雪高。徐州秃尾不足憶。漢陰槎
頭遠遁逃。魴魚肥美知第一。旣飽歡娛亦蕭瑟。功名富貴
何獨不然君不見朝來割素鬢。咫尺波濤永相失。

又觀打魚

蒼江漁子清晨集。設網提綱萬魚急。能者操舟疾若風。撐突波濤挺叉入。小魚脫漏不可記。半死半生猶
戢戢。大魚傷損皆垂頭。屈強泥沙有時立。東津觀魚已再來。主人罷鱸還傾盃。日暮蛟龍改窟穴。惡其
傷鱸山

根鱣鮪隨雲雷。干戈兵革闢未止。一再進鳳凰麒麟安在哉。吾徒胡為縱此樂。暴殄天物聖所哀。前首為老饕戒耳此

更說到干戈兵革。洪鐘無纖響也。

短歌行原注贈王

王郎酒酣拔劍斫地歌莫哀。我能拔也。識爾抑塞磊落之奇才。豫樟翻風白日動。鯨魚跋浪滄溟開。二句形

且脫佩劍休徘徊。西得諸侯棹錦水。王欲入蜀欲向何門跋珠履。仲宣樓頭春色深。送別之地青眼高歌望吾子。眼

中之人吾老矣。上下各五句復用單句相間此亦獨瓶之格○言眼中之人紛紛不足比數而我年已老所望者惟吾子也

桃竹杖引原注贈張留侯

江中蟠石生桃竹。蒼波噴浸尺度足。斬根削皮加紫玉。江妃水仙惜不得。梓潼使君開一束。章留侯滿堂賓

客皆歎息。憐我老病贈兩莖。出入爪甲鏗有聲。老夫復欲東南征。乘濤鼓枻白帝城。路幽必為鬼神奪。拔

劍或與蛟龍爭。重為告曰。杖兮杖兮。爾之生也甚正直。慎勿見水踴躍學變化。為龍。字字騰使我不得爾

之扶持。滅跡于君山湖上之青峯。噫風塵瀕洞兮豺虎。敵人忽失雙杖兮吾將曷從。凌空超忽橫絕一時

韋諷錄事宅觀曹將軍畫馬圖

國初已來畫鞍馬。神妙獨數江都王。蓋王元將軍得名三十載。人間又見真乘黃。曾貌先帝照夜白。接上段

龍池十日飛霹靂。內府殷紅瑪瑙盤。婕妤傳詔才人索。盤賜將軍拜舞歸。輕紈細綺相追飛。貴戚權門得

筆跡始覺屏障生光輝。昔日太宗拳毛騮。近時郭家師子花。今之新圖有二馬。書馬正位復令識者久歎嗟。此

皆騎戰一敵萬。縞素漠漠開風沙。其餘七匹亦殊絕。迥若寒空動煙雪。霜蹄蹴踏長楸間。馬官厮養森成

列。可憐九馬爭神駁。顧視清高氣深穩。才德並見借問苦心愛者誰。後有韋諷前支遁。憶昔巡幸新豐宮。翠華

拂天來向東。騰驤磊落三萬匹。皆與此圖筋骨同。自從獻寶朝河宗。無復射蛟江水中。次移王比明皇君又與漢武比

不見金粟堆前松柏裏。明皇朝河宗言河宗朝而獻寶也。用穆天子傳意。應指明皇西龍媒去盡鳥呼風。幸而言。○因畫馬說到真馬。因真馬說到天子巡幸。故君

之思。惓惓不忘。此題後拓開一步法。

丹青引原注。題曹將軍

將軍魏武之子孫。於今為庶為清門。英雄割據雖已矣。不以正統與之。詩中史筆。文彩風流猶尚存。學書初學衛夫人。

但恨無過王右軍。丹青不知老將至。富貴於我如浮雲。開元之中常引見。承息數上南薰殿。凌烟功臣少

顏色。畫人引起將軍下筆開生面。良相頭上進賢冠。猛將腰間大羽箭。褒公鄂公毛髮動。英姿颯爽來酣戰。先

帝天馬玉花驄。畫工如山貌不同。是日牽來赤墀下。迥立闔闔生長風。詔謂將軍拂絹素。意匠慘澹經營

中。斯須尤重真龍出。神來紙上。如堆阜突出。一洗萬古凡馬空。玉花卻在御榻上。榻上庭前屹相向。至尊含笑催賜

金。圜人太僕皆惆悵。弟子韓幹早入室。亦能畫馬窮殊相。幹惟畫肉不畫骨。忍使驂駟氣凋喪。將軍盡善

蓋有神。必逢佳士亦寫真。仍歸畫人。即今飄泊干戈際。屢貌尋常行路人。途窮反遭俗眼白。霸為左衛將軍。後削籍。世上

未有如公貧，但看古來盛。名下終日坎壈，纏其身。推開作結，畫人畫馬，賓主相形，縱橫跌宕，此得之於心，應之於手，有化工而無人力，觀止矣。

戲作花卿歌

花敬定

成都猛將有花卿，學語小兒知姓名。用如快鶴風火生，見賊惟多身始輕。綿州副使著柘黃，設二我卿掃除即日平。子璋燭髀血模糊，手提擲還崔大夫。崔光遠李侯重有此節度，人道我卿絕世無。既稱絕世無，天子何不喚取守東都。見不宜留蜀，以決後亂。李侯出奔成，都後復鎮東川，故曰重有此節度也。

冬狩行

原注：時梓州刺史章彝兼侍御史留後東川。

君不見東川節度兵馬雄，校獵亦似觀成功。夜發猛士三千人，清晨合圍步驟同。禽獸已斃十七八，殺聲落日迴蒼穹。幕前生致九青兕，駝駝羸羸垂玄熊。東西南北百里間，髣髴蹴踏寒山空。有鳥名鸚鵡，力不能高飛，逐走蓬肉味不足，登鼎俎，何為見羈虞羅中。春蒐冬狩侯得同，使君史五馬御一馬。聽况今攝行大將權，留後號令頗有前賢風。飄然時危一老翁，自謂十年厭見旌旗紅。喜君士卒甚整肅，為我迴轡擒西戎。吐草中狐兔，盡何益。天子不在咸陽宮，朝廷雖無幽王禍，得不哀痛塵再蒙。明皇已蒙塵，故云再蒙。嗚呼得不哀痛塵再蒙，言當激憤，王不宜以校獵自誇，英武也。大聲疾呼鬼神欲泣。

閬山歌

閬州城東雪山白，閬州城北玉臺碧。松浮欲盡不盡雲，江動將崩未崩石。那知根無鬼神會，已覺氣與嵩

華敵中原格鬪且未歸。應結茆齋看青壁。

閩水歌

嘉陵江色何所似。石黛碧玉相因依。正憐日破浪花出。更復春從沙際歸。巴童蕩漿欵側過。水雞銜魚來去飛。閩中勝事可腸斷。閩州城南天下稀。

越王樓歌

太宗子越王貞任
絳州刺史作此樓

綿州州府何磊落。顯慶中年越王作。孤城西北起高樓。碧瓦朱甍照城郭。樓下長江百丈清。江頭落日半輪明。君王舊跡今人賞。轉見千秋萬古情。彷彿王子安滕王閣詩見此老無所不有

折檻行

嗚呼房魏不復見。秦王學士十八學士時難羨。青衿胄子因泥塗。白馬將軍若雷電。千載少似朱雲人。至今折檻空嶙峋。婁公德師不語宋公環。語尚憶先皇容直臣。永泰二年中官魚朝恩列國子監事故作此詩言當時諸臣不能力爭任其橫行也朝恩兼神策軍使故

以白馬將軍比之

古柏行

孔明廟前有老柏。此夔州孔明廟柏柯如青銅根如石。霜皮溜雨四十圍。黛色參天二千尺。君臣已與時際會。樹木猶爲人愛惜。雲來氣接巫峽長。月出寒通雪山白。憶昨路遶錦城東。先主武侯同闕宮。此處成都孔明廟柏崔嵬

枝幹郊原古，窈窕丹靑戶。牖空落落盤踞，雖得地冥冥孤高多烈風。扶持自是神明力，正直原因造化功。大廈如傾要梁棟，萬牛迴首正山重。不露文章世已驚，未辭剪伐誰能送。苦心豈免容螻蟻，香葉終經宿鸞鳳。爲負才之士寫照，公自比稷契而不見用，故發此議。志士幽人莫怨嗟，古來材大難爲用。中間時有整句，與洗馬籍同格。○大木寓棟梁意，人人有之，從君臣際會

着筆方見精采。

縛雞行

小奴縛雞向市賣，雞被縛急相喧爭。家中厭雞食蟲蟻，不知賣雞還遭烹。蟲雞於人何厚薄，吾叱奴人解其縛。雞蟲得失無了時，注目寒江倚山閣。宕開作結，妙不說盡。

觀公孫大娘弟子舜劍器行并序

大歷二年十月十九日，夔州別駕元持宅，見臨穎李十二娘舞劍器。辭有劍器，胡旋、胡騰等名，則壯知非舞劍也。後人用誤者多。其蔚跂問其所師，曰：余公孫大娘弟子也。開元三載，余尚童稚，記於郾城觀公孫氏舞劍器，渾脫。舞名，脫音駝，人多點讀錯者。瀏灑頓挫，獨出冠時。自高頭宜春梨園二伎坊內人，洎外供奉，曉是舞者，聖文神武皇帝初，公孫一人而已。玉貌锦衣，况余白首。今茲弟子，亦匪盛顏。既辨其由來，知波瀾莫二。撫事慷慨，聊爲劍器行。徵者吳人張旭，善草書書帖，數常於鄴縣見公孫大娘舞西河劍器，自此草書長進，豪蕩感激，卽公孫可知矣。

昔有佳人公孫氏。一舞劍器動四方。觀者如山色沮喪。天地爲之久低昂。燿如羿射九日落。矯如羣帝騶龍翔。來如雷霆收震怒。罷如江海凝清光。絳唇珠袖兩寂寞。晚有弟子傳芬芳。臨穎美人在白帝。妙舞此曲神揚揚。與余問答既有以。感時撫事增惋傷。先帝侍女八千人。注重公孫劍器初第一。五十年間似反掌。風塵瀕洞昏王室。梨園子弟散如煙。女樂餘姿映寒日。金粟堆南木已拱。瞿塘石城草蕭瑟。玳筵急管曲復終。樂極哀來月東出。老夫不知其所往。不忍足繭荒山轉愁疾。詠李氏思及公孫詠公孫念及先帝身世之感與亡之感交赴腕下若就

題還題有
何與會

李潮八分小篆歌

蒼頡鳥跡既茫昧。字體變化如浮雲。陳倉石鼓又已訛。大小二篆生八分。秦有李斯漢蔡邕。中間作者寂不聞。嶧山之碑野火焚。棗木傳刻肥失真。苦縣光和尙骨立。苦縣有老子廟碑光和二年立書貴瘦硬方通神。惜哉李蔡不復得。吾甥李潮下筆親。尙書韓擇木。騎曹蔡有鄰。開元已來數八分。潮也奄有二子成三人。况潮小篆逼秦相。快劍長戟森相向。八分一字直百金。蛟龍盤擊肉倔強。吳郡張顛誇草書。草書非古空雄壯。豈如吾甥不流宕。丞相中郎丈人行。巴東逢李潮。逾月求我歌。我今衰老才力薄。潮乎潮乎奈汝何。

王兵馬使二角鷹

悲臺蕭颯石龍窅。哀壑杈枒浩呼洶。中有萬里之長江。迴風陷日孤光動。角鷹翻倒壯士臂。將軍玉帳軒

勇氣二鷹猛腦條徐墜日如愁胡視天地杉雞竹兔不自惜溪虎野羊俱辟易韞上鋒稜十二翻左右勁羽名六
將軍勇銳與之敵將軍樹勳起安西崑崙虞泉入馬蹄白羽曾肉三狡狴敢決豈不與之齊荆南芮公得將軍亦如角鷹下翔雲惡鳥飛飛啄金屋安得爾輩開其羣驅出六合梟鸞分主意起四句不着鷹一字然而有角鷹起於吾前入

手須如此落筆

憶昔

憶昔開元全盛日小邑猶藏萬家室稻米流脂粟米白公私倉廩很豐實九州道路無豺虎遠行不勞吉日出齊紈魯縞車班班男耕女桑不相失宮中聖人奏雲門天下朋友皆膠漆百餘年間未災變叔孫禮樂蕭何律豈聞一絹值萬錢東昔有田耕種今流血入今洛陽宮殿燒焚盡宗廟新除狐兔穴傷心不忍問蒼舊復恐初從亂離說沉痛語使人說不得小臣魯鈍無所能朝廷記憶蒙祿秩周宣中興望我王洒血江漢身衰疾前憶開元之盛後敘吐蕃之亂末望代宗之中興也

陪王侍御同登東山最高頂宴姚通泉晚攜酒泛江

姚公美政誰與儔不減昔時陳太丘邑中上客有柱史多暇日陪聽馬游東山高頂羅珍羞下顧城郭消我憂清江白日落欲盡復攜美人登綵舟笛聲怨憤哀中流妙舞透迤夜未休燈前往往大魚出聽曲低昂如有求三更風起寒浪湧取樂喧呼覺船重滿空星河光破碎四座賓客色不動請公臨深莫相違迴

船罷酒上馬歸。人生歡會豈有極。無使霜露沾人衣。結出好樂毋荒意。而措語蘊蓄耐人咀吟。

白鳧行

君不見黃鵠高於五尺童。化爲白鳧似老翁。故畦遺穗已蕩盡。天寒日暮波濤中。鱗介腥膻素不食。終日忍飢西復東。魯門鷄鵠亦蹭蹬。聞道于今亦避風。爰居今猶避風。黃鵠忍飢所固然也。推開作結感憤中復能安分。

魏將軍歌

將軍昔著從事衫。鐵馬馳突重兩銜。被堅執銳略西極。崑崙月窟東嶺巖。崑崙在西而曰東者言略地至極西。君門羽林萬猛士。惡猶猛。若哮虎子所監。五年起家列霜戟。一日過海收風帆。平生流輩從蠢蠢。長安少年氣欲盡。魏侯骨聳精爽緊。華嶽峯尖見秋隼。星纏寶鉸金盤陀。馬飾。夜騎天駟超天河。攬槍熒惑不敢動。翠蕤雲旂相蕩摩。吾爲子起歌都護。宋有丁都護歌。酒闌插劍肝膽露。鈞陳蒼蒼玄武暮。萬歲千秋奉明主。臨江節士安足數。漢有

臨江節士歌

醉歌行贈公安顏少府請顧八分題壁

神仙中人不易得。顏氏之子才孤標。天馬長鳴待駕馭。秋鷹整翮當雲霄。君不見東吳顧文學。君不見西漢杜陵老。詩家筆勢君不嫌。白謂指顧。詞翰升堂爲君掃。是日霜風凍七澤。杜詩每有此種接法。烏蠻落照銜赤壁。酒酣耳熱忘頭白。感君意氣無所惜。一爲歌行歌主客。

夜聞籌策

夜聞籌策滄江上，衰年側耳情所嚮。鄰舟一聽多感勝，塞曲三更歛悲壯。積雪飛霜此夜寒，孤燈急管復風瀟。君知天地干戈滿，不見江湖行路難。本言行路之難，而以干戈之滿形之，則不見其難矣。透過一層家，既蕩盡遠近理，亦齊用意，亦復爾爾。

追酬故高蜀州人日見寄并序

開文書帙中，檢所遺忘。因得故常侍適，往居在成都時。高任蜀州刺史，人日相憶見寄詩，淚洒行間。讀終篇末，自枉詩已十餘年。莫紀存歿，又六七年矣。老病懷舊，生意可知。今海內忘形故人，獨漢中王瑀與昭州敬使君超先在。愛而不見，情見乎詞。大歷五年正月二十一日，卻追酬高公此作，因寄王及敬弟。

自枉蜀州人日作，不意清詩久零落。今晨散帙眼忽開，迸淚幽吟事如昨。嗚呼壯士多慷慨，合沓高名動寥廓。歎我淒淒求友篇，感時鬱鬱匡君略。錦里春光空爛熳，瑤墀侍臣已冥寞。瀟湘水國傍鼉鼉，時公泊潭州。鄂杜秋天失鷗鷺，憶高所處。東西南北更誰論。對針高贈句。白首扁舟病獨存，遙拱北辰纏寇盜。欲傾東海洗乾坤，邊塞西蕃最充斥。衣冠南渡多崩奔，分說東西南北。本楚辭之招魂。鼓瑟至今悲帝子，曳裾何處覓王門。文章曹植波瀾闊，曹劉比。服食劉安德業尊。長笛鄰家亂愁思，昭州詞翰與招魂。欲得敬書，以招高魂，答蜀州姚爾東。南北人句，故將東西南北分點古人，翻也。

王季友

酬李十六岐

鍊丹文武火未成。賣藥販履俱逃名。出谷迷行洛陽道。乘流醉臥滑臺城。城下故人久離怨。一歡適我兩家願。朝飲杖懸沽酒錢。暮餐囊有松花飯。于何車馬日憧憧。李膺門館爭登龍。千賓揖對若流水。五經發難如叩鐘。下筆新詩行滿壁。立談古人坐在席。問我草堂有臥雲。知我山儲無儋石。自耕自刈食爲天。如鹿如麋飲野泉。亦知世上公卿貴。且養邱中草木年。車馬憧憧一段。卽所云世上公卿貴也。

宿東谿十五山亭

上山下山入山谷。谿中落日留我宿。松石依依當主人。主人不在意亦足。名花出地兩重階。絕頂平天一小齋。本意由來是山水。何用相逢語舊懷。直白語自是真境。

元結

宿丹厓翁宅

扁舟欲到瀧口湍。春水滿瀧上水難。投竿來泊丹厓下。得與厓翁盡一歡。丹厓之亭當石巔。破竹半山引寒泉。泉流掩映在木杪。有若白鳥飛林間。往往隨風作霧雨。溼人巾履滿庭前。丹厓翁愛丹厓。棄官幾年厓下家。兒孫棹船抱酒甕。醉裏長歌揮釣車。我將求退與翁遊。學翁歌醉在漁舟。官吏隨人往未得。卻望

丹崖慚復羞。

洄溪招隱

長松亭亭滿四山。山間乳竇流清泉。洄溪正在此山裏。乳水松膏常灌田。松膏乳水田肥良。稻苗如蒲米粒長。麩色如珈玉。液酒酒熱猶聞松節香。溪邊老翁年幾許。長男頭白孫嫁女。問言只食松田米。無藥無方向人語。即此是仙。蓋靈方丈皆虛語也。浯溪石下多泉源。盛暑大寒冬大温。屠蘇宜在水中石。洄溪一曲自當門。吾今欲作洄溪翁。誰能住我舍西東。勿憚山深與地僻。羅浮尙有葛仙翁。通體俱寫洄溪之可隱。招客意只末路一點。

劉長卿 中唐古詩。寥寥可數。故文房以後。昌黎以前。存十餘首。以志屋略。

銅雀臺

嬌愛更何日。高臺空數層。含啼映雙袖。不忍看西陵。漳水東流無復來。百花螿路爲蒼苔。青樓月夜長寂寞。碧雲日暮空徘徊。君不見鄴中萬事非昔時。古人不在今人悲。春風不逐君王去。草色年年舊宮路。宮中歌舞已浮雲。空指行人往來處。不必嘲笑老瞞。淡淡寫去。自存詩品。

入桂渚次砂牛石穴

扁舟傍歸路。日暮瀟湘深。湘水清見底。楚雲淡無心。片帆落桂渚。獨夜依楓林。楓林月出猿聲苦。桂渚天寒桂花吐。此中無處不堪愁。江客相看淚如雨。

嚴陵釣臺送李康成赴江東使

潺湲子陵瀨，髣髴如在目。七里人已非，千年水空綠。新安江上孤帆遠，應逐楓林千萬轉。古臺落日共蕭條，寒水無波更清淺。臺上漁竿不復持，卻令猿鳥向人悲。灘聲山翠至今在，待爾行舟晚泊時。

聽笛歌別鄭協律

舊遊憐我長沙謫，載酒沙頭送遷客。天涯望月自沾衣，江上何人復吹笛。橫笛能令旅客愁，綠波淡淡如不流。商聲寥亮羽聲苦，江天寂歷江楓秋。靜聽關山聞一叫，三湘月色悲猿嘯。又吹楊柳激繁音，千里春色傷人心。隨風飄向何處落，唯見曲盡平湖深。明發與君離別後，馬上一聲堪白首。

錢起

送崔十三東遊

千里有同心，十年一會面。當杯緩箏柱，條忽催離燕。丹鳳城頭噪晚鴉，行人馬首夕陽斜。灞上春風留別袂，關東新月宿誰家。官柳依依兩鄉色，誰能此別不相憶。何嘗不佳然流入平調矣。

送鄆三落第還鄉

鄆客文章絕世稀，常嗟時命與心違。十年失路誰知己，千里思親獨遠歸。雲帆春水將何適，日愛東南暮山碧。關中新月對離樽，江上殘花待歸客。名宦無媒自古遲，窮途此別不堪悲。荷衣垂釣且安命，金馬招

賢會有時。

郎士元

塞下曲

寶刀塞下兒。起用單句。而以兒知爲韻。身經百戰會百勝。壯心竟未嫖姚知。白草山頭月初沒。黃沙戍下悲歌發。蕭條夜靜邊風吹。獨倚營門望秋月。

盧

綸字允吉。河中蒲人。大歷初舉進士。不第。以元稹薦授監察御史。後韋渠牟表其才。得召見。帝有所作。輕命資利。既從。渾賊在河中。驛召之。會卒。官止檢校戶部郎中。

臘日觀咸寧王部曲娑勒擒虎歌

山頭曠曠日將出。山下獵圍照初日。前林有獸未識名。將軍促騎無人聲。潛形踞伏草不動。雙鵬轉旋羣鴉鳴。陰方質子才三十。譯語受詞蕃語揖。捨鞍解甲疾如風。人忽虎蹲獸人立。人虎兼形。毛髮生動。欻然扼額批其頤。爪牙委地涎淋漓。旣蘇復孔拗仍怒。果叶英謀生致之。拖自深叢目如電。萬夫失容千馬戰。傳呼賀拜聲相連。殺氣騰陵陰滿川。始知縛虎如縛鼠。敗寇降羌生眼前。祝爾嘉詞爾無苦。獻爾將隨犀象舞。苑中流水禁中山。期爾攢搏開天顏。非熊之兆慶無極。願紀雄名傳百蠻。中間搏獸數語。何減太史公鉞鉅鹿之戰。

劉禹錫

平蔡州三首

九衢車馬渾渾流。使臣來獻淮西囚。四夷聞風失七箸。天子受賀登高樓。妖童擢髮不足數。血汙城西一
抔土。南風無火楚澤閒。夜行不鎖穆陵關。策勳禮畢天下泰。猛士按劍看常山。時惟常山不庭。
蔡州城中衆心死。妖星夜落照壕水。漢家飛將下天來。馬箠一揮門洞開。賊徒奔騰望旗拜。有若羣蟄驚
春雷。狂童面縛登檻車。太白天矯垂捷書。相公從容來鎮撫。常侍郊迎負文弩。西人歸業閭里間。小兒跳
跟健兒舞。

汝南晨雞喔喔鳴。城頭鼓角音和平。路傍老人憶舊事。相與感激皆涕零。老人收泣前致辭。官軍入城人
不知。忽驚元和十二載。喜見天寶承平時。紀事云。夢得曰。柳八駁韓十八平淮西碑云。左餐右粥。何如我
叛矣。韓碑柳雅。各有所長。余詩有云。汝南晨雞喔喔鳴。城中鼓角聲和平。美想之入蔡城也。須臾之間。
賊無覺者。又落句云。忽驚元和十二載。重見天寶昇平時。以見平淮之年云。○紀事語不足懸究之。柳
雅劉詩。遠遜韓碑。李
義山詩。可取而證也。

韋應物

學仙吟二首

昔有道士求神仙。靈真下試心雖然。千鈞巨石一髮懸。臥之石下十三年。存道忘身一試過。名奏玉皇乃
升天。雲氣冉冉漸不見。留語弟子但精堅。
石上鑿井欲到水。情心一起中路止。豈不見古來三人俱弟兄。結茆深山讀仙經。上有青冥倚天之絕壁。

下有鸞鷟萬壑之松聲。仙人變化為白鹿。二弟翫之兄誦讀。讀多七過可乞言。為子心精得神仙。可憐二弟仰天泣。一失毫釐千萬年。二章總言求道貴專。

聽鶯曲

東方欲曙花冥冥。須知是聽鶯起法。啼鶯相喚亦可聽。乍去乍來時近遠。纔聞南陌又東城。忽往山林翻下苑。綿繇蠻蠻如有情。欲囀不囀意自嬌。羌兒弄笛曲未調。前聲後聲不相及。秦女學箏指猶澀。須臾風暖朝日噉。流音變作百鳥喧。誰家懶婦驚殘夢。何處愁人憶故園。伯勞飛過聲局促。戴勝下時桑田綠。不及流鶯日日啼花間。能使萬家春。春盡園中鶯聽不了。飛去花枝猶裊裊。遺栖碧樹鎖千門。春漏方殘一聲曉。

韓愈昌黎從李杜崛起之後。能不相沿習。別開境界。雖從橫變化。不迨李杜。而規模堂廡。彌見闊大。洵推豪傑之士。

汴州亂二首

汴州城門朝不開。天狗墮地聲如雷。健兒爭誇殺留後。連屋累棟燒成灰。諸侯咫尺不能救。此譏鄰鎮之士何者自興哀。汴州董晉卒。陸長源總留守事。八日而軍亂殺長源。公因此作詩。孤

母從子走者為誰。大夫夫人留後兒。昨日乘車騎大馬。坐者起趨乘者下。廟堂不肯用干戈。嗚呼奈汝母子何。此譏德宗之姑息。

山石

山石犖确行徑微。黃昏到寺蝙蝠飛。昇堂坐階新雨足。芭蕉葉大支子肥。僧言古壁佛畫好。以火來照所見稀。鋪床拂席置羹飯。疎糲亦足飽我飢。夜深靜臥百蟲絕。清月出嶺光入扉。天明獨去無道路。出入高下窮烟霏。山紅澗碧紛爛熳。時見松櫪皆十圍。當流赤足踏澗石。水聲激激激風吹。衣人生如此自可樂。豈必局促爲人羈。嗟哉吾黨二三子。安得至老不更歸。元遺山論詩絕云有情芍藥含春淚無力薔薇臥晚枝拈出退之山石句始知渠是女郎詩謂此篇有情

二句秦少游詩

雉帶箭

原頭火燒靜兀兀。野雉畏鷹出復沒。將軍欲以巧伏人。盤馬彎弓惜不發。地形漸窄觀者多。雉驚弓滿勁箭加。衝人決起百餘尺。紅翎白鏃隨傾斜。將軍仰笑軍吏賀。五色離披馬前墮。李將軍度不中不發發必應弦而倒審量於未彎弓

之先此矜惜於已彎弓之候總不肯輕見其技也作文作詩亦須得此意

汴泗交流贈張僕射建封

汴泗交流郡城角。築場千步平如削。短垣三面繚逶迤。擊鼓騰騰樹赤旗。新秋朝涼未見日。公早結束來何爲。分曹決勝約前定。百馬攢蹄近相映。毬驚杖奮合且離。紅牛纓絨黃金羈。側身轉臂著馬腹。霹靂應手神珠馳。超遙散漫兩閒暇。揮霍紛紜爭變化。發難得巧意氣粗。發難得巧補前謹聲四合壯士呼。此誠習戰非爲劇。豈若安坐行良圖。當今忠臣不可得。公馬莫走須殺賊。盤馬彎弓注脚

贈唐衢其人

虎有爪兮牛有角。虎可搏兮牛可觸。奈何君獨抱奇材。手把鉏犂餓空谷。當今天子急賢良。幽函朝出闕明光。何不上書自薦達。坐令四海如虞唐。賢哲心事光明磊落公所以三上宰相書也。

八月十五夜贈張功曹

名譽爲謫言所中貶縣令南方順宗卽位徙據江陵

緜雲四卷天無河。清風吹空月舒波。沙平水息聲影絕。一盃相屬君當歌。君歌聲酸辭且苦。不能聽終淚如雨。洞庭連天九疑高。以下皆功曹歌蛟龍出沒猩鼯號。十生九死到官所。幽居默默如藏逃。下床畏蛇食畏藥。海氣溼蟄熏腥臊。昨者州前槌大鼓。嗣皇繼聖登夔臯。赦書一日行萬里。罪從大辟皆除死。遷者追回流者還。滌瑕蕩垢朝清班。州家申名使家抑。觀察使作主坎軻祇得移荆蠻。判司卑官不堪說。未免捶楚塵埃間。唐時參軍有過上官得捶楚之同時輩流多上道。天路幽險難追攀。君歌且休聽我歌。以下韓公之歌我歌今與君殊科。一年明月今宵多。人生由命非由他。有酒不飲奈明何。

謁衡嶽廟遂宿嶽寺題門樓

在長沙湘潭縣南

五嶽祭秩皆三公。四方環鎮嵩當中。火維地荒足妖怪。天假神柄專其雄。噴雲泄霧藏半腹。雖有絕頂誰能窮。我來正逢秋雨節。陰氣晦昧無清風。潛心默禱若有應。豈非正直能感通。東坡所謂力能開衡山之靈也須臾靜掃衆峰出。仰見突兀撐青空。紫蓋連延接天柱。石廬騰擲堆祝融。森然動魄下馬拜。松柏一逕趨靈宮。粉牆

丹柱動光彩。鬼物圖畫填青紅。升階僂僂薦脯酒。欲以菲薄明其衷。廟令老人識神意。睚眦偵伺能鞠躬。手持盃盞導我擲。云此最吉餘難同。竄逐蠻荒幸不死。衣食纔足甘長終。侯王將相望久絕。神縱欲福難爲功。夜投佛寺上高閣。星月掩映雲朦朧。猿啼鐘動不知曙。杲杲寒日生於東。

嗟哉董生行

淮水出桐柏山。東馳遙遙千里不能休。淝水出其側。不能千里百里入淮流。壽州屬縣有安豐。唐貞元時。縣人董生召南。隱居行義於其中。刺史不能薦。天子不聞名。聲爵祿不及門。門外惟有吏。日來徵租更索錢。嗟哉董生。朝出耕。夜歸讀古人書。盡日不得息。或山而樵。或水而漁。入廚具甘旨。上堂問起居。作詩主意。父母不感感。妻子不咨咨。嗟哉董生。孝且慈。人不識。惟有天翁知。生祥下瑞無時期。家有狗乳出求食。雞來哺其兒。啄啄庭中拾蟲蟻。哺之不食鳴聲悲。徬徨躑躅久不去。以翼來覆待狗歸。化及物類其人可知。嗟哉董生。誰將與儔。時之人。夫妻相虐。兄弟爲讐。食君之祿而令父母愁。亦獨何心。嗟哉董生。無與儔。此詩朱子取入小學中見孝慈

之行可以矜式衆人也。直白少文。正是不可及處。○齋摩月云。奇橫在用韻處。實下一筆。然後截住。以足上意。如盡日不得息。亦獨何心等句。是也。

寒食日出遊

張十一院長見病中憶花九

李花開發君始病。我往看君花轉盛。走馬城西憫悵歸。不見千林雪相映。爾來又見桃與梨。交開紅白如爭競。可憐物色阻攜手。空展霜縑吟九詠。紛紛落盡泥與塵。不共新粧比端正。桐華最晚今已繁。君不強

起時難更關山遠別固其理。寸步難見始知命。憶昔與君同貶官。夜渡洞庭看斗柄。豈料生還得一處。引袖拭淚悲且慶。各言生死兩追隨。直置心親無貌敬。念君又署南荒吏。路指鬼門幽且復。三公盡是知音人。曷不薦賢陛下聖。囊空甑倒誰救之。我今一食日還併。自然憂氣損天和。安得強保天性斷。鶴兩翅鳴何哀。鰲曠四足氣空橫。今聞寒食行野外。綠楊市岸蒲生迸。宋玉庭邊不見人。輕浪參差魚動鏡。自嗟孤賤足瑕疵。特見放縱荷寬政。飲酒寧嫌饑底深。題詩尚倚筆鋒勁。明宵故欲相就醉。有月莫辭當火令。

鄭羣贈簞

蘄州笛竹天下知。鄭君所寶尤瓌奇。攜來當書不得臥。一府傳看黃琉璃。體堅色淨又藏節。盡眼凝滑無瑕疵。法曹貧賤衆所易。謂自腰腹空大何能爲。自從五月困暑溼。如坐深甑遭蒸炊。手磨袖拂心語口。慢膚多汗真相宜。日暮歸來獨惆悵。有賣直欲傾家資。誰謂故人知我意。卷送八尺含風漪。呼奴掃地鋪未了。光彩照耀驚童兒。青蠅側翅蚤蟲避。肅肅疑有青飈吹。倒身甘寢百疾愈。卻願天日恆炎曦。與攜來當盡

贈崔立之評事名斯立

崔侯文章苦捷敏。高浪駕天輸不盡。曾從關外來上都。隨身卷軸車連軫。朝爲百賦由鬱怒。暮作千詩轉逾緊。搖毫擲簡自不供。頃刻青紅浮海蜃。才豪氣猛易語言。往往蛟螭雜螻蚓。工拙並見知音自古稱難遇。世

俗乍見那妨晒。勿嫌法官未登朝。時爲許事。猶勝赤尉長趨尹。時命雖乖心轉壯。技能虛富家逾窘。念昔塵埃兩相逢。爭名齟齬持矛楯。子時專場誇跬距。余始張軍嚴鞮鞞。爾來但欲保封疆。莫學龐涓怯孫臏。竄逐新歸厭聞鬧。自江陵法曹召爲國子博士。齒髮早衰嗟可閔。頻蒙怨句刺棄遺。豈有閒官敢推引。深藏篋笥時一發。戢戢已多如束筍。可憐無益費精神。有似黃金擲虛牝。文人每坐此病然可傳亦正在此。當今聖人求侍從。拔擢杞梓收楛。箭東馬嚴徐已奮飛。枚臯卽召窮且忍。復聞王師西討蜀。霜風冽冽摧朝菌。走章馳檄在得賢。燕雀紛拏要鷹隼。竊料二塗必處一。豈比恆人長蠢蠢。勸君韜養待徵招。不用雕琢愁肝腎。牆根菊花好沽酒。錢帛縱空衣可準。暉暉簷日煖且鮮。撼撼井梧疎更韻。高士例須憐麴蘖。丈夫終莫生畦畛。能來取醉任喧呼。死後賢愚俱泯泯。

酬司馬盧四兄雲夫院長望秋作

長安雨洗新秋出。極目寒鏡開塵函。終南曉望蹋龍尾。倚天更覺青巉巖。自知短淺無所補。從事久此穿朝衫。歸來得便卽遊覽。暫似壯馬脫重銜。曲江荷花蓋十里。江湖生日思莫緘。樂遊下矚無遠近。綠槐萍合不可芟。白首寓居誰借問。平地寸步屛雲巖。雲夫老兄有狂氣。嗜好與俗殊酸醎。日來省我不肯去。論詩說賦相誦誦。望秋一章已驚絕。猶言低抑避謗讒。若使乘酣騎雄怪。造化可以當鑄劍。嗟我小生值強伴。怯膽變勇神明鑒。馳坑跨谷終未悔。爲利而止真貪饑。高揖羣公謝名譽。速追甫白感至誠。樓頭完月

不共宿。其奈就缺行攢攢。

和虞部盧四汀酬翰林錢七微赤藤杖歌

赤藤爲杖世未窺。臺郎始攜自滇池。漢王掃宮避使者。跪進再拜語嗚呼。繩橋拄過免傾隨。性命造次蒙扶持。途經百國皆莫識。君臣聚觀逐旌麾。共傳滇神出水獻。赤龍拔鬚血淋漓。又云羲和操火鞭。比種奇傑。昌黎遺。暝到西極睡所遺。幾重包裹自題署。不以珍怪跨荒夷。歸來捧贈同舍子。浮光照手欲把疑。空堂晝眠倚戶牖。飛電著壁搜蛟螭。南宮清深禁闈密。唱和有類吹塤篪。妍辭麗句不可繼。見寄聊且慰分司。公時爲分

石鼓歌

張生手持石鼓文。勸我試作石鼓歌。少陵無人謫仙死。才薄將奈石鼓何。周網陵遲四海沸。宣王憤起揮天戈。大開明堂受朝賀。諸侯劍佩鳴相磨。蒐于岐陽騁雄俊。萬里禽獸皆遮羅。鐫功勒成告萬世。鑿石作鼓隳嵯峨。從臣才藝咸第一。揀選撰刻留山阿。雨淋日炙野火燎。鬼物守護煩搗呵。公從何處得紙本。毫髮盡備無差訛。辭嚴義密讀難曉。字體不類隸與蝌。年深豈免有缺畫。快劍斫斷生蛟鼉。鸞翔鳳翥衆仙下。珊瑚碧樹交枝柯。金繩鐵索鎖紐壯。古鼎躍水龍騰梭。陋儒編詩不收入。二雅褊迫無委蛇。孔子西行不到秦。陋儒指當時采風者言。二雅不載。孔子無從採取也。焉有不滿孔子意。倚撫星宿遺羲娥。嗟余好古生苦晚。對此涕淚雙滂沱。憶昔

初蒙博士徵。其年始改稱元和。故人從軍在右輔。爲我度量掘白科。濯冠沐浴告祭酒。如此至寶存豈多。
艷苞席裏可立至。石鼓祇載數略駝。薦諸太廟比郃鼎。光價豈止百倍過。聖恩若許留太學。諸生講解得
切磋。觀經鴻都尚填咽。坐見舉國來奔波。剡苔剔蘚露節角。安置妥帖平不頗。大廈深簷與蓋覆。經歷久
遠期無佗。中朝大官老於事。詎肯感激激徒媮。娟娟牧童敲火牛礪角。誰復著手爲摩挲。日銷月鑠就埋沒。六
年西顧空吟哦。羲之俗書趁姿媚。隸書風俗通行別於古傳。故云俗書無貶右軍意。數紙尙可博白鵝。繼周八代爭戰罷。無人收
拾理則那。方今太平日無事。柄任儒術崇聖譎。軻安能以此上論列。願借辯口如懸河。石鼓之歌止于此。嗚
呼吾意其蹉跎。於今石鼓永留太學。昌黎詩爲之先聲也。典重和平。與盧相稱。

華山女

街東街西講佛經。撞鐘吹螺鬧官庭。廣張罪福資誘脅。聽衆狎恰排浮泮。黃衣道士亦講說。座下寥落如
明星。華山女兒家奉道。欲驅異教歸仙靈。洗粧拭面著冠帔。白咽紅頰長眉青。如見其人。遂來昇座演真訣。龍
門不許人開扇。不知誰人暗相報。訇然振動如雷霆。掃除衆寺人跡絕。驂騑塞路連輜輶。觀中人滿坐觀
外。後至無地無由聽。抽釵脫釧解環珮。堆金疊玉光青瑩。天門貴人傳詔召。六官願識師顏形。玉皇頷首
許歸去。乘龍駕鶴來青冥。此與迎佛骨同見。人主之不察也。豪衆少年豈知道。來繞百市脚不停。雲窗霧閣事慌惚。中藏憂悵
之。重重翠幔深金屏。仙梯難攀俗緣重。浪憑青鳥通丁寧。謝自然詩顯斥之。華山女詩微刺之。總見神仙

借豈其
然乎

柳州羅池廟

荔子丹兮蕉黃雜佳蔬兮進侯堂。侯之船兮兩旗度中流兮風泊之。待侯不來兮不知我悲。侯乘駒兮入廟。慰我民兮不嘯以笑。鵝之山兮柳之水。桂樹團團兮白石齒齒。侯朝出遊兮暮來歸。春與猿吟兮秋鶴與飛。北方之人兮為侯是非。千秋萬歲兮侯無我違。福我兮壽我。驅厲鬼兮山之左。下無苦溼兮高無乾。稂稂充羨兮蛇蛟結蟠。我民報祀兮無怠其始。自今兮欽於世世。九歌之遺

拘幽操

文王姜里作集中少此格今附七言古後

目窈窈兮其凝其盲。耳肅肅兮聽不聞聲。朝不見日出兮夜不見月與星。有知無知兮為死為生。嗚呼。臣罪當誅兮天王聖明。此為人臣止於敬注脚也。程伊川先生云。道文王意中事。前後人道不到此。

越裳操

周公作

雨之施物以華。我何意于彼為。自周之先其艱其勤。以有疆宇。私我後人。我祖在上。四方在下。厥臨孔威。敢戲以侮。孰荒于門。孰治于田。四海既均。越裳是臣。孰荒孰治皆我祖所監臨也。

將歸操

孔子之趙聞殺鳴犢作

狄之水兮其色幽幽。我將濟兮不得其由。涉其淺兮石齧我足。乘其深兮龍入我舟。我濟而悔兮將安歸。

尤歸兮歸兮。無與石闕兮。無應龍求。

荷蘭操 孔子傷不逢時作

蘭之漪漪。揚揚其香。不采而佩。于蘭何傷。今天之旋。其曷爲然。我行四方。以日爲年。雪霜貿貿。薺麥之茂。子如不傷。我不爾覲。薺麥之茂。薺麥之有。君子之傷。君子之守。彼自有之性。君子之傷。正君子之守也。

卷八

七言古詩

柳宗元

楊白花

楊白花。楊大眼之子。胡太后逼幸之。白花懼禍。南奔于梁。太后作楊白花歌。使官人連臂踏蹄歌之。

楊白花。風吹渡江水。坐令宮樹無顏色。搖蕩春光千萬里。茫茫曉月下長秋。哀歌未斷城鴉起。長秋宮太后所居。通

篇不露正旨。而以長秋二字。運出。用筆用意。在微顯之間。

漁翁

漁翁夜傍西巖宿。曉汲清湘然楚竹。煙消日出不見人。欸乃一聲山水綠。迴看天際下中流。巖上無心雲

相逐。東坡謂刪去末二語。餘情不盡。信然。

放鷓鴣詞

楚越有鳥甘且腴。嘲嘲自鳴爲鷓鴣。狗媒得食不復慮。機械潛發權罟罟。羽毛摧折觸籠篋。烟火煽赫驚庖廚。鼎前芍藥調五味。膳夫攘腕左右視。齊王不忍殺棘牛。簡子亦放邯鄲鳩。二人得意猶念此。况我萬里爲孤囚。破籠展翅當遠去。同類相呼莫相顧。見此後當自檢束。勿更爲所引也。

聚蚊謠

沉沉夏夜蘭臺開。飛蚊伺暗聲如雷。嘈然歛起初駭聽。殷殷若自南山來。喧騰鼓舞喜昏黑。昧者不分聰者惑。露花滴瀝月上天。利嘴迎人著不得。我軀七尺爾如芒。我孤爾衆能我傷。天生有時不可遏。爲爾設幄潛匡牀。清商一來秋日曉。羞爾微形飼丹鳥。與前首同。一比例。

題

况字通翁。蘇州海鹽人。與柳渾李泌善。渾輔政。以校書徵。泌爲相。始通著作。耶坐詩語調謔。貶司戶參軍。隱居茅山。以壽終。

短歌行有序

情思發動。聖賢所不能免也。師乙陳其宜。延州審其音。理亂之所經。王化之所興也。信無逃於聲教。豈徒文彩之麗。遂作此歌。

城邊路。今人犁田昔人墓。岸上沙。昔時江水今人家。今人昔人共長歎。四氣相催節迴換。明月皎皎入華池。白雲離離度青漢。我欲升天天隔霄。我欲渡水水無橋。我欲上山山路險。我欲汲井井泉遙。越人翠被

今何夕。獨立沙邊江草碧。紫燕西飛欲寄書。白雲何處蓬萊客。愆然神遠

新繫青絲百尺繩。心在君家轆轤上。我心皎潔君不知。轆轤一轉一惆悵。何處春風吹曉幕。江南淥水通

朱閣。美人二八顏如花。泣向春風畏花落。臨春風聽春鳥。別時多。見時少。愁人一夜不得眠。瑤井玉繩相

對曉。音悵。枕之無由上達也。總以微婉出之。

困 困哀閩也。困音鑿。閩俗呼子爲困。父爲郎。罷青箱雜記云。唐世多取閩童爲閩奴。故况陳其苦以諷。

困生閩方。閩吏得之。乃絕其陽。爲賊爲獲。致金滿屋。爲髡爲鉗。如視草木。天道無知。我懼其毒。神道無知。彼受其福。郎罷別困。吾悔生汝。及汝旣生。人勸不舉。不從人言。果獲是苦。困別郎罷。心摧血下。隔地絕天。及至黃泉。不得在郎罷前。閩童亦人子。何罪而遭此毒耶。卽事直書。聞者足誠。

白居易

七德舞

七德舞。七德歌。傳自武德至元和。元和小臣白居易。觀舞聽歌知樂意。曲終稽首陳其事。太宗十八舉義兵。白旄黃鉞定兩京。擒充戮竇四海清。二十有四功業成。二十有九卽帝位。三十有五致太平。功成理定何神速。速在推心致人腹。起一句領下文。亡卒遺骸散帛收。飢人賣子分金贖。魏徵夢見子夜泣。張謹哀聞辰日哭。怨女三千放出宮。死囚四百來歸獄。剪鬚燒藥賜功臣。李勣嗚咽思殺身。含血吮瘡撫戰士。思摩奮呼

乞効死。不獨善戰善乘時。以心感人人。心歸爾來一百九十載。天下至今歌舞之。歌七德。舞七德。聖人有作垂無極。豈徒耀神武。豈徒誇聖文。太宗意在陳王業。王業艱難示子孫。推心置腹。通篇主意。怨女一聯。尤為警動。縱因事歐公作論。貶之。然當時實為盛舉也。

宋太宗亦謂朕不及此。

海漫漫 戒求仙也

海漫漫。直下無底傍。無邊雲濤煙浪最深處。人傳中有三神山。山上多生不死藥。服之羽化為天仙。秦皇漢武信此語。方士年年採藥去。蓬萊今古但聞名。煙水茫茫無覓處。海漫漫。風皓皓。眼穿不見蓬萊島。不見蓬萊不敢歸。童男艸女舟中老。徐福文成多誑誕。上元太乙虛祈禱。君看驪山頂上茂陵頭。畢竟悲風吹蔓草。何況元元聖祖五千言。不言藥。不言仙。不言白日昇青天。此言求仙之妄也。唐代崇奉老子。而五言中不言神仙。恍然可悟矣。

上陽白髮人

愍怨曠也。原注。天寶五載已後。楊貴妃專寵後宮。人無復進幸矣。六宮有美色者。輒置別所。上陽是其一也。貞元中尚存焉。

上陽人。紅顏閣老白髮新。綠衣監使守宮門。一閉上陽多少春。明皇末歲初選入。入時十六今六十。同時采擇百餘人。零落年深殘。此身憶昔吞悲別親族。扶入車中不敢哭。皆云入內便承恩。臉似芙蓉胸似玉。未容君王得見面。已被楊妃遙側目。妬今潛配上陽宮。一生遂向空房宿。宿空房。秋夜長。夜長無寐天不明。耿耿殘燈照背影。蕭蕭閣雨打窗聲。春日遲。日遲獨坐天難暮。宮鶯百轉愁厭聞。梁燕雙棲老休妬。歸燕去長悄然。春往秋來不記年。惟向深宮望明月。東西四五百迴圓。今日宮中年最老。大家遙賜尚書

號小頭鞋底窄衣裳。責黛點眉眉細長。外人不見見應笑。天寶末年時世粧。上陽人苦最多。少亦苦。老亦苦。少苦老苦兩如何。君不見昔時呂尚美人賦。原注：天寶末有密采豔色者。當時號花鳥使。呂尚獻美人賦以諷之。又不見今日上陽宮人白髮歌。只推向深宮望明月。東西四五百週圓。二語已見宮人之苦。而楊妃之嫉妬專寵。足以致亂矣。女禍之誠千古昭然。

新豐折臂翁 戒邊功也

新豐老人八十八。頭髻眉鬚皆似雪。元孫扶向店前行。左臂憑肩右臂折。問翁臂折來幾年。兼問致折何因緣。翁云貫屬新豐縣。生逢聖代無征戰。慣聽梨園歌管聲。不識旗槍與弓箭。無何天寶大徵兵。戶有三丁點一丁。點得驅將何處去。五月萬里雲南行。聞道雲南有瀘水。樹花落時瘴煙起。大軍役涉水如湯。未過十人二三死。村南邨北哭聲哀。兒別耶孃夫別妻。皆云前後征蠻者。千萬人行無一迴。是時翁年二十四。兵部牒中有名字。夜深不敢使人知。偷將大石鎚折臂。張弓簸旗俱不堪。從茲始免征雲南。骨碎筋傷非不苦。且圖揀退歸鄉土。此臂折來六十年。一肢雖廢一身全。至今風雨陰寒夜。直到天明痛不眠。痛不眠終不悔。且喜老人今獨在。不然當時瀘水頭。身死魂飛骨不收。應作雲南望鄉鬼。萬人塚上哭啾啾。原注：雲南有萬人塚。即解于仲通李宓曾覆軍之所。老人言君聽取君不聞開元宰相宋開府。不賞邊功防黷武。又不聞天寶宰相楊國忠。欲求恩幸立邊功。邊功未立生人怨。請問新豐折臂翁。楊國忠討闡歲風前後二十餘萬去無返者。窮兵黷武之禍。概切言之。未以宋璟楊國忠對言。見開寶治亂之機。實分于此。

百鍊鏡 美皇王鑒也

百鍊鏡。銕範非常規。日辰所處靈且祇。江心波上舟中鑄。五月五日日午時。瓊粉金膏磨瑩已。化爲一片秋潭水。鏡成將獻蓬萊宮。揚州長吏手自封。人間臣妾不合照。背有九五飛天龍。人人呼爲天子鏡。我有一言聞太宗。太宗常以人爲鏡。鑒古鑒今不鑒容。四海安危居掌內。百王治亂懸其中。乃知天子別有鏡。不是揚州百鍊銅。百鍊之鏡照一人。君心之鏡照四海。張曲江進千秋金鑑錄。即是此意。

青石 激忠烈也

青石出自藍田山。兼車運載來長安。工人磨琢欲何用。石不能言我代言。不願作人家墓前神道碣。墳土未乾名已滅。不願作官家道傍德政碑。不鐫實錄鐫虛辭。願爲顏氏段氏碑。雕鏤太尉與太師。刻此兩片。堅金質。狀彼二人忠烈姿。義心若石此不轉。死節名流確不移。女觀奮擊朱泚日。似見叱呵希烈時。各于其上題名諡。一置高山一沉水。陵谷雖遷碑獨存。骨化爲塵名不死。長使不忠不烈臣。觀碑改節慕爲人。慕爲人。勸事君。寫段頰二公。凜凜有生氣。末勸人忠烈。一篇主意。

八駿圖 戒奇物懲佚遊也

穆王八駿天馬駒。後人愛之寫爲圖。背如龍兮頸如象。骨踈筋高肌肉壯。日行萬里速如飛。穆王獨乘何所之。四荒八極蹋欲遍。三十二蹄無歇時。屬車軸折趨不及。黃屋草生棄若遺。瑤池西赴王母宴。七廟經

年不親薦。壁臺南與盛姬遊。明堂不復朝諸侯。白雲黃竹歌聲動。一人荒樂萬人愁。周從后稷至文武。積德累功世勤苦。豈知纔及四代孫。心輕王業如灰土。由來尤物不在大。能傷君心則爲害。文帝卻之不肯乘。千里馬去漢道興。穆王得之不爲戒。八駿駒來周室壞。至今此物世稱珍。不知房星之精下爲害。八駿圖。君莫愛。耽佚遊。政治荒矣。以漢文之却千里馬對照。與壞顯然。

秦吉了 哀冤民也

秦吉了。出南中。彩毛青黑。花頸紅。耳聰心慧。舌端巧。鳥語人言無不通。昨日長爪鷲。今日大嘴烏。鷲捐乳燕一窠覆。比害民之人。烏啄母雞。雙眼枯。雞號墮地。燕驚去。然後拾卵。攫其雛。豈無鷗與鴉。嗉中食飽不肯搏。比諫臣不言。亦有鸞鶴羣。閒立颺高如不聞。比大臣不言。秦吉了。人云爾是能言鳥。豈不見雞燕之冤苦。吾聞鳳凰百鳥主。爾竟不爲鳳凰之前致一言。空多噪噪閒言語。竟不一言。民冤無可伸矣。

長恨歌

漢王重色思傾國。御宇多年求不得。楊家有女初長成。養在深閨人未識。爲尊者諱。天生麗質難自棄。一朝選在君王側。回頭一笑百媚生。六宮粉黛無顏色。春寒賜浴華清池。溫泉水滑洗凝脂。侍兒扶起嬌無力。始是新承恩澤時。雲鬢花顏金步搖。芙蓉帳暖度春宵。春宵苦短日高起。從此君王不早朝。致禍之由。承歡侍宴無閒暇。春從春遊夜專夜。後宮佳麗三千人。三千寵愛在一身。金屋粧成嬌侍夜。玉樓宴罷醉和春。姊妹

兄弟皆列土。可憐光彩生門戶。遂令天下父母心。不重生男重生女。驪宮高處入青雲。仙樂風飄處處聞。緩歌慢舞凝絲竹。盡日君王看不足。漁陽鞞鼓動地來。此言安祿山之亂。驚破霓裳羽衣曲。如聞春雷一聲。九重城闕煙

塵生。千乘萬騎西南行。此言出奔。翠華搖搖行復止。西出都門百餘里。六軍不發無奈何。宛轉蛾眉馬前死。花

鈿委地無人收。翠翹金雀玉搔頭。君王掩面救不得。回首血淚相和流。黃埃散漫風蕭索。雲棧縈紆登劍

閣。言幸蜀。峨帽山下少人行。旌旗無光日色薄。蜀江水碧蜀山青。聖主朝朝暮暮情。行宮見月傷心色。夜雨

聞鈴腸斷聲。天旋地轉迴龍馭。此言自蜀回。到此躊躇不能去。馬嵬坡下泥土中。潛遣中使具棺以葬。不見玉顏空死處。

君臣相顧盡沾衣。東望都門信馬歸。歸來池苑皆依舊。以下言上皇在南內又遷西宮中暗藏肅宗之不孝。然此處不用顯言。太液芙蓉未

央柳。芙蓉如面柳如眉。對此如何不淚垂。春風桃李花開夜。秋雨梧桐葉落時。西宮南苑多秋草。宮葉滿

階紅不掃。梨園弟子白髮新。椒房阿監青娥老。夕殿螢飛思悄然。孤燈挑盡未成眠。遲遲鐘鼓初長夜。耿

耿星河欲曙天。鴛鴦瓦冷霜華重。翡翠衾寒誰與共。悠悠生死別經年。魂魄不曾來入夢。引入方士尋幽一段。臨叩

道士鴻都客。能以精誠致魂魄。爲感君王轉展思。遂教方士慙覓覓。排空馭氣奔如電。升天入地求之遍。

上窮碧落下黃泉。兩處茫茫皆不見。忽聞海上有仙山。山在虛無縹緲間。著虛無縹緲字。知以下皆方士誑言。樓閣玲瓏五

雲起。其中綽約多仙子。中有一人字太真。雪膚花貌參差是。金闕西廂叩玉扃。轉教小玉報雙成。聞道漢

家天子使。九華帳裏夢魂驚。攬衣推枕起徘徊。珠箔銀屏迤邐開。雲鬢半偏新睡覺。花冠不整下堂來。風

吹仙袂飄飄舉。猶似霓裳羽衣舞。玉容寂寞淚闌干。梨花一枝春帶雨。寫淚語妙含情凝睇謝君王。一別音容兩渺茫。昭陽殿裏恩愛絕。蓬萊宮中日月長。回頭下望人寰處。不見長安見塵霧。惟將舊物表深情。鈿盒金釵寄將去。鈿留一股盒一扇。鈿擘黃金盒分鈿。但令心似金鈿堅。天上人間會相見。臨別殷勤重寄詞。詞中有誓兩心知。七月七日長生殿。夜半無人私語時。在天願作比翼鳥。在地願爲連理枝。天長地久有時盡。此恨綿綿無絕期。迷離恍惚不用收結此正作法之妙○此譏明皇之迷于色而不悟也以女寵幾對遂信細釵私語爲真而信其果爲仙人也天下有妖豔之婦而成仙人者耶詩本陳鴻長恨傳而作他妓等哉詩之見重于時如此

琵琶行并序

元和十年。予左遷九江郡司馬。明年秋。送客湓浦口。聞舟中夜彈琵琶者。聽其音。錚錚然有京都聲。問其人。本長安娼女。嘗學琵琶于穆曹二善才。年長色衰。委身爲賈人婦。遂命酒使快彈數曲。曲罷。憫然自斂。少小時歡樂事。今漂淪憔悴。轉徙於江湖間。予出官二年。恬然自安。感斯人言。是夕始覺有遷謫意。因爲長句歌以贈之。凡六百一十二言。命曰琵琶行。

潯陽江頭夜送客。楓葉荻花秋瑟瑟。主人下馬客在船。舉酒欲飲無管絃。醉不成歡慘將別。別時茫茫江浸月。以江月爲文淵忽聞水上琵琶聲。主人忘歸客不發。尋聲闌問彈者誰。琵琶聲停欲語遲。移船相近邀相見。

添酒回燈重開宴。千呼萬喚始出來。猶抱琵琶半遮面。轉軸撥絃三兩聲。未成曲調先有情。絃絃掩抑聲聲思。似訴平生不得志。低眉信手續續彈。說盡心中無限事。輕攏慢撚乃珍切抹復挑。初爲霓裳後六么。大絃嘈嘈如急雨。小絃切切如私語。嘈嘈切切錯雜彈。大珠小珠落玉盤。間關鶯語花底滑。幽咽泉流水下灘。水泉冷澁絃凝絕。凝絕不通聲暫歇。別有幽愁鬪恨生。此時無聲復有聲。小住復彈。此餘聲也。銀瓶乍破水漿迸。鐵騎突出刀鎗鳴。曲終收撥當心畫。四絃一聲如裂帛。東船西舫悄無言。唯見江心秋月白。江沉吟放撥插絃中。整頓衣裳起斂容。自言本是京城女。家在蝦蟆陵下住。十三學得琵琶成。名屬教坊第一部。曲罷能教善才服。粧成每被秋娘妬。五陵年少爭纏頭。一曲紅綃不知數。鈿頭銀篋擊節碎。血色羅裙翻酒污。今年歡笑復明年。秋月春風等閑度。弟走從軍阿姨音子死。暮去朝來顏色故。門前冷落鞍馬稀。老大嫁作商人婦。商人重利輕別離。前月浮梁買茶去。去來江口守空船。遠船明月江水寒。又應江月夜深忽夢少年事。夢啼粧淚紅闌干。我聞琵琶已歎息。又聞此語重唧唧。同是天涯淪落人。相逢何必曾相識。二語通。篤關鍵。我從去年辭帝京。謫居臥病潯陽城。潯陽地僻無音樂。終歲不聞絲竹聲。住近湓江地低濕。黃蘆苦竹遶宅生。其間旦暮聞何物。杜鵑啼血猿哀鳴。春江花朝秋月夜。往往取酒還獨傾。豈無山歌與村笛。嘔啞嘲晰難爲聽。今夜聞君琵琶語。如聽仙樂耳暫明。莫辭更坐彈一曲。爲君翻作琵琶行。感我此言良久立。卻坐促絃絃轉急。淒淒不似向前聲。滿座重聞皆掩泣。座中泣下誰最多。江州司馬青衫濕。寫同病相憐之意。惻動人。○諸本此時

無聲勝有聲。既無聲矣。下二句如何接出。宋本無聲復有聲。謂住而又彈也。古本可貴如此。

真娘墓墓在虎丘寺

真娘墓。虎丘道。不識真娘鏡中面。惟見真娘墓頭草。霜摧桃李風折蓮。真娘死時猶少年。脂膚蕙手不牢固。世間有物難留連。難留連。易消歇。塞北花。江南雪。不著迹象。高于梁作夢得云。香魂雖死人不。怕真可笑人也。

寒食野望吟

邱墟郭門外。寒食誰家哭。風吹曠野紙錢飛。古墓壘棠春草綠。棠梨花映白楊樹。盡是死生離別處。冥漠重泉哭不聞。蕭蕭風雨人歸去。

醉後任言酬贈蕭殷二協律

餘杭邑客多騷貧。其間甚者蕭與殷。天寒身上猶衣葛。日高甌中未拂塵。江城山寺十一月。北風吹沙雪紛紛。賓客不見綈袍惠。黎庶未沾襦袴恩。此時太守自慚愧。重衣複衾有餘溫。因命染人與針女。先製兩裘贈二君。吳綿細軟桂布密。柔如狐腋白似雲。勞將詩書投贈我。如此小惠何足論。我有大裘君未見。寬廣和暖如陽春。此裘非繪亦非纈。裁以法度絮似仁。刀尺鈍拙製未畢。出亦不獨裹一身。若令在郡得五考。與君展覆杭州人。欲編覆杭州人。實有所難。然居官者不可不存此心也。與老杜之廣廈萬間同一志嚮。

元 稹字微之。河南人。元和初。對策第一。官左拾遺。後忤中人仇士良。擊瓿敗。而貶江陵士曹參軍。久乃徙虢州長史。長慶初。監軍崔潭峻方親幸。以稹歌辭進。帝大悅。擢祠部郎中知制誥。

謂俄遜中書舍人翰林學士旋進同中書門下平章事始忤中人繼以依中人進朝論鄙之又連次欲傾裴度蓋兩戴人也太和初為武昌節度使卒○白樂天同對策同倡和詩稱元白體其實遠不逮白
白脩直中皆雅音元意拙語織又流于灑東坡品為元
輕白俗非定論也茲特取七言古四章近體不在此數

連昌宮詞

連昌宮中滿宮竹。歲久無人森似束。又有牆頭千葉桃。風動落花紅蔌蔌。宮邊老人為子泣。少年進食曾
因入。上皇正在望仙樓。太真同凭闌干立。樓上樓前盡珠翠。炫轉燐煌照天地。歸來如夢亦如癡。何暇備
言宮裏事。初屆寒食一百六。他本作初過誤店舍無煙宮樹綠。夜半月高絃索鳴。賀老賀懷智琵琶定場屋。力士傳
呼覓念奴。瓊念奴潛伴諸郎宿。須臾覓得又連催。特勅街中許然燭。上在禁烟故下云特勅春嬌滿眼睡紅綃。掠削
雲鬢旋裝束。飛上九天歌一聲。二十五郎吹管逐。邪王善吹小管逡巡大遍涼州徹。色色龜茲轟綠續。李暮壓笛
傍宮牆。偷得新翻數般曲。平明大駕發行宮。萬人鼓舞途路中。百官隊仗避岐薛。楊氏諸姨車鬪風。明年
十月東都破。御路猶存祿山過。祿山之亂說得太輕驅令供頓不敢藏。萬姓無聲淚潛墮。兩京定後六七年。郭子儀收復兩
京卻尋家舍行宮前。莊園燒盡有枯井。行宮門閉樹宛然。爾後相傳六皇帝。肅代德獻順穆不到離宮門久閉。往
來年少說長安。元武樓成華萼廢。去年勅使因斫竹。偶值門開暫相逐。荆榛櫛比塞池塘。此一段神來之筆狐兔
驕癡緣樹木。舞榭欹傾基尚存。文窗窈窕紗猶綠。塵埋粉壁舊花鈿。壁上之飾鳥啄風箏碎珠玉。風箏之音上皇偏
愛臨砌花。依然御榻臨階斜。蛭出燕窠盤鬪棋。茵生香案正當衙。寢殿相連端正樓。太真梳洗樓上頭。晨

光未出簾影黑。至今反挂珊瑚鉤。指示傍人因慟哭。卻出宮門淚相續。自從此後還閉門。夜夜狐狸上門屋。我聞此語心骨悲。太平誰致亂者誰。翁言野父何分別。耳聞眼見爲君說。姚崇宋璟作相公。開元天寶之治亂微之豈不知。而必野老言之乎。此立言之失。勸諫上皇言語切。變理陰陽禾黍豐。調和中外無兵戎。長官清貧太守好。揀選皆言由至公。他本作相公。誤。開元之末姚宋死。朝廷漸漸由妃子。祿山宮中養作兒。不。斥言。號國門前鬧如市。弄權宰相不記名。林甫國忠。路人皆知其姦。不必微言。依稀憶得楊與李。廟謨顛倒四海搖。五十年來作瘡痂。今皇神聖丞相明。詔書纔下吳蜀平。李綺。劉關。官軍又取淮西賊。吳元。此賊亦除天下寧。年年耕種宮前道。今年不遣子孫耕。老翁此意深望幸。努力廟謨休用兵。結似雖重。然通篇無貶武意。句尙無根。詩中既有指斥。似可不選。然微之超歌罷。習行並存。所謂元白體也。故已置而仍存之。

有鳥

有鳥有鳥如鸛雀。食蛇抱磬天姿惡。行經水滸爲毒流。羽拂酒盃爲死藥。漢后忍渴天豈知。驪姬墳地君寧覺。嗚呼惟有白色毛。亦得乘軒謬稱鶴。刺有文采而中。毒。整者。

冬白紵

吳宮夜長宮漏款。簾幕四垂燈焰煖。西施自舞王自管。雪紵翻翻鶴翎散。上聲。促節牽繁舞腰懶。舞腰懶。王罷飲。蓋覆西施鳳花錦。身作匡牀臂爲枕。朝佩縱玉王晏寢。寢醒間報門無事。子胥死後言爲諱。近王之

臣諭王意共笑越王窮惴惴。夜夜抱冰寒不睡。

田家詞

牛吒吒田确确。旱塊敲牛蹄趵趵。種得官倉珠顆穀。六十年來兵簇簇。月月食糧車轆轤。一日官軍收海
服。驅牛駕車食牛肉。歸來收得牛兩角。重鑄鋤犁作斤劓。姑舂婦擔去輸官。輸官不足歸賣屋。願官早勝
讎。早覆農死有兒牛。有犢不遣官軍糧不足。音節入古。

戴叔倫字幼公。金壇人。蕭穎士弟子。劉晏掌鹽鐵。表主管湖南。歷撫州刺史。客管經略使。所至治行稱最。

女耕田行

乳鷺入巢笋成竹。誰家二女種新穀。無人無牛不及犁。持刀斫地翻作泥。自言家貧母年老。長兄從軍未
娶嫂。去年災疫牛囤空。截絹買刀都市中。頭巾掩面畏人識。以刀代牛誰與同。姊妹相攜心正苦。不見路
人唯見土。疏通畦壟防亂苗。整頓溝塍待時雨。日正南岡下餉歸。可憐朝雉擾驚飛。東鄰西舍花發盡。共
惜餘芳淚滿衣。末二語一觀。愈見二女之苦。正。

李紳字公垂。亳州人。元和初。補國子助教。累遷中書舍人。武宗即位。拜中書侍郎。平章事。紳
憫農詩中詩。四海無閑田。農夫猶餓死。又云誰知盤中餐。粒粒皆辛苦。呂溫見之曰。他日

必為宰相。果如其言。

悲善才并序

余守郡日有客遊者善彈琵琶問其所傳乃善才所授頃在內庭日別承恩願賜宴曲江勅善才等二十人備樂自余經播遷善才已歿因追前事爲悲善才

穆皇夜幸逢池曲

從賜宴曲江說入

金鑾殿開高秉燭東頭弟子曹善才琵琶請奏新翻曲翠娥列坐層城女笙

笛參差齊笑語天顏靜聽朱絲彈衆樂寂然無敢舉銜花金鳳當承撥轉腕攏絃促揮抹扶花翻鳳天上來徘徊滿廉飛春雪抽絃度曲新聲發金鈴玉珮相磋切流鶯子母飛上林仙鶴雌雄唳明月此時奉詔侍金鑾別殿承恩許召看三月曲江春草綠九霄天樂下雲端紫髯供奉前屈膝

人偉

盡彈妙曲當春日

寒泉注射隴水開塞雁翻飛朔天沒日曛塵暗車馬散爲惜新聲有餘歎明年冠劍閉橋山

穆皇宴駕神亦播遷

孤臣投海畔籠禽鍛翮尙還飛白首生從五嶺歸聞道善才成朽骨空餘弟子奉宣徽南譙寂寞三春晚

里有客彈絃獨淒怨

比言善才歿後聽其指授者所彈

靜聽深奏楚明光憶昔初聞曲江宴

回環賜宴曲江

心悲不覺淚闌干更

爲調絃反覆彈秋吹動搖神女佩月珠敲擊水晶盤自憐淮海同泥滓恨魄癡心未能死惆悵追懷萬事

空雍門琴感徒爲爾

題係守郡說入詩卻先寫賜宴曲江婉曲淋漓然後轉入播遷復聽善才弟子彈絃淒怨末路雙收兩履神情無限

李益

夜上西城聽梁州

行人夜上西城宿聽唱梁州雙管逐此時秋月滿關山何處關山無此曲鴻雁新從北地來聞聲一半却

飛回金河戍客腸應斷更在秋風百尺臺。

野田行

日沒出古城野田何茫茫寒狐嘯青塚鬼火燒白楊昔人未爲泉下客行到此中曾斷腸。

登夏州城樓觀征人賦得六州胡兒歌

六州胡兒六蕃語十歲騎羊逐沙鼠沙頭牧馬孤鴈飛漢軍遊騎貂錦衣雲中征戍三千里今日征行何處歸無定河邊數株柳共送行人一杯酒胡兒起作和蕃歌齊唱嗚嗚盡垂手心知舊國西州遠西向胡天望鄉久回身忽作異方聲一聲回盡征人首蕃音虜曲直難分似說邊情向塞雲故國關山無限路風沙滿眼斷征魂不見天邊青作塚古來愁殺漢昭君君虞最長邊塞詩不獨回

楊巨源

字景山河中人貞元中進士自秘書郎累遷國子司業年七十致仕歸時宰白河中少尹俸食祿終其身

楊花落

北斗南回春物老紅英落盡綠尙早韶風澹蕩無所依偏惜垂楊作春好此時可憐楊柳花榮盈豔曳滿人家人家女兒出羅幙靜掃玉庭待花落寶環纖手捧更飛翠羽輕裾承不著歷歷瑤琴舞態陳霏紅拂黛憐玉人東園桃李芳已歇獨有楊花嬌暮春兒童捉柳花無甚情味美人游戲楊花風神無限矣寶環纖手一聯形容盡善

張

籍張王樂府有新聲而少古意王漁洋所謂不會辛苦學妃稀也然心思之巧辭句之簡最易啓人聰穎高青邱每肯之存之以備一格○文昌有節婦吟時在他鎮幕府鄆帥李師

道以書幣聘之。因作此詞以却。然
玩辭意恐失節婦之旨。故不錄。

古釵歎

古釵墜井無顏色。百尺泥中今復得。鳳凰宛轉有古儀。欲爲首飾不稱時。女伴傳看不知主。羅袖拂拭生光輝。蘭膏已盡股半折。雕文刻樣無年月。雖離井底入匣中。不用還與墜時同。

征婦怨

九月匈奴殺邊將。漢軍全沒遼水上。萬里無人收白骨。家家城下招魂葬。婦人依倚子與夫。同居貧賤心亦舒。夫死戰場子在腹。妾身雖存如畫燭。李華弔古戰場文。篇中可云縮本。

傷歌行

黃門詔下促收捕。京兆尹繫御史府。出門無復部曲隨。親戚相逢不容語。辭成謫尉南海州。受命不得須臾留。身著青衫騎惡馬。東門之外無送者。郵夫防吏急喧驅。往往驚墮馬蹄下。長安里中荒大宅。朱門已除十二戟。高堂舞榭鎖管絃。美人遙望西南天。此爲楊憑貶臨賀尉而作。憑爲京兆尹。廣著姬妾築第踰制。爲人糾劾。貶之。

烏棲曲

西山作宮花滿池。宮烏曉鳴茱萸枝。吳姬採蓮自唱曲。君王昨夜船中宿。

短歌行

青天蕩蕩高且虛。上有白日無根株。流光暫出還入地。使我年少不須臾。與君相逢勿寂寞。衰老不復如今樂。金卮盛酒置君前。再拜勸君千萬年。祝辭正是可傷之處。

野老歌

老翁家貧在山住。耕種山田三四畝。苗疏稅多不得食。輸入官倉化爲土。歲暮勸犂倚空室。呼兒登山收橡實。西江賈客珠成斛。船中養犬長食肉。

北邙行

洛陽北門北邙道。喪車轆轤入秋草。車前齊唱薤露歌。高墳新起日峨峨。朝朝暮暮人送葬。洛陽城中人更多。千金立碑高百尺。終作誰家柱下石。沉溺於葬者。讀此可以恍然。山頭松柏半無主。地下白骨多於土。寒食家家送紙錢。烏鳶作窠銜上樹。人居朝市未解愁。請君暫向北邙遊。

送遠曲

戲馬臺南山簇簇。山邊飲酒歌別曲。行人醉後起登車。席上回尊勸僮僕。青天漫漫覆長路。遠遊無家安得住。願君到處自題名。他日知君從此去。

王

建字仲初。潁州人。成進士。官昭應縣丞。轉太常寺丞。終陝川司馬。建與張籍友善。工爲樂府。故張王並名。

田家行

男聲欣欣女顏悅。人家不怨言語別。五月雖熱麥風清。簷頭索索綠車鳴。野蠶在繭人不取。葉間撲撲秋蛾生。麥收上場絹在軸。的知輸得官家足。不望入口復上身。且免向城賣黃犢。田家衣食無厚薄。不見縣門身卽樂。守此語便爲良農。

當窗織

歎息復歎息。園中有棗行人食。貧家女爲富家織。翁母隔牆不得力。水寒手澁絲脆斷。續來續去心腸爛。草蟲促促機下啼。兩日催成一匹半。輸官上頭有零落。姑未得衣身不著。當窗卻羨青樓倡。十指不動衣

盈箱。本意薄之然矣字失言。

鏡聽詞

重重摩挲嫁時鏡。夫婿遠行憑鏡聽。回身不遣別人知。人意丁寧鏡神聖。懷中收拾雙錦帶。恐畏街頭見驚怪。嗟嗟嚶嚶下堂階。獨自竈下來跪拜。出門願不聞悲哀。卽在任郎回未回。月明地上人過盡。好語多同皆道來。卷帷上床喜不定。與郎裁衣失翻正。可中三日得相見。重繡鏡囊磨鏡面。華寫兒女子聲口可云惟肯。

望夫石

望夫處。江悠悠。化爲石。不回頭。山頭日日風復雨。行人歸來石應語。

短歌行

人初生。日初出。古樂府神理上山遲。下山疾。百年三萬六千朝。夜裏分將強半日。有歌有舞須早爲。昨日健於今日時。人家見生男女好。不知男女催人老。短歌行。無樂聲。讀此辭覺世人一生碌碌爲兒孫作馬牛者。真癡絕也。

行見月

月初生。居人見。月一月行。行行一年十二月。強半馬上看盈缺。百年歡樂能幾何。在家見少行見多。不緣衣食相驅遣。此身誰願長奔波。篋中有帛倉有粟。豈向天涯走碌碌。家人見月望我歸。正是道上思家時。

簇蠶辭

蠶欲老。箔頭作繭絲皓皓。場寬地高風日多。不向中庭照蒿草。神蠶急作莫悠揚。年來爲爾祭神桑。但得青天不下雨。上無蒼蠅下無鼠。新婦拜簇願繭稠。女灑桃漿男打鼓。三日開箔雪團團。先將新繭送縣官。已聞鄉里催織作。去與誰人身上著。意亦他人同有。

李

賀字長吉。系出鄭王後。七歲能辭章。韓昌黎皇甫特正訪之。賀賦高軒過一篇。二公重之。父

驪而意取幽奧。辭取瑰奇。往往先成得意句。投錦囊中。然後足成之。所以每難疏解。母氏謂兒當嘔心者。此也。使天假以年。必更進大方。然天地間不可無此種文筆。有樂天之易自應有長吉之難。特取明麗。幾章以志。哇。逕之變。

高軒過并序

韓員外愈。皇甫侍御湜。見過。因而命作。

華裾織翠青如蔥。金環壓轡搖玲瓏。馬蹄隱耳聲隆隆。入門下馬氣如虹。云是東京才子文章鉅公。二十八宿羅心胸。元精耿耿貫當中。精光煜輪四語。韓公足以當之。殿前作賦聲摩空。筆補造化天無功。龐眉書容感秋蓬。誰知死草生華風。我今垂翅附冥鴻。言已欲附二公後。他日不羞蛇作龍。

雁門太守行

黑雲壓城城欲摧。甲光向日金鱗開。角聲滿天秋色裏。陰雲蔽天。忽露赤日。實有此景。塞上燕脂凝夜紫。半捲紅旗臨易水。霜重鼓寒聲不起。報君黃金臺上意。提攜玉龍爲君死。字字捶鍊而成。昌谷集中定推老成之作。

金銅仙人辭漢歌并序

魏明帝青龍元年八月。詔宮官牽車。西取漢孝武捧露盤仙人。欲立置前殿。宮官旣折盤。仙人臨載。乃潛然淚下。唐諸王孫李長吉。遂作金銅仙人辭漢歌。

茂陵劉郎秋風客。夜聞馬嘶曉無跡。少承露盤意。便嫌無根。畫欄桂樹懸秋香。三十六宮土花碧。魏官牽車指千里。

東闕酸風射眸子。空將漢月出宮門。憶君清淚如鈔水。衰蘭送客咸陽道。天若有情天亦老。奇。攜盤獨出。

月荒涼。渭城已遠波聲小。漢武有秋風辭。遂名秋風客。好奇之過也。多情者天。以生物爲心。可見茲以無情目之。寫胸中憤懣不平。而年命之促。已兆于此。

春坊正字劍子歌

先輩匣中三尺水。曾入吳潭斬龍子。隙月斜明刮露寒。練帶平鋪吹不起。蛟胎皮老蒺藜刺。鸚鵡淬花白。

鵬尾直是荆軻一片心。莫教照見春坊字。按絲圍金懸麗殿。神光欲截藍田玉。提出西方白帝驚。嗷嗷鬼母秋效哭。從來寫劍者只形其利此并傳其神末暗用漢祖斬白蛇事

將進酒

琉璃鍾。琥珀濃。小槽酒滴真珠紅。烹龍炮鳳玉脂泣。羅屏繡幙圍香風。吹龍笛。擊鼙鼓。皓齒歌。細腰舞。况是青春日將暮。桃花亂落如紅雨。佳句不須雕刻勸君終日酩酊醉。酒不到劉伶墳上土。達人之言

美人梳頭

西施曉夢綃帳寒。香鬢墮髻半沉檀。轆轤呀轉鳴玉。驚起芙蓉睡新足。雙鸞開鏡秋水光。解鬟臨鏡立象牀。髮長也一編香絲雲撒地。玉釵落處無聲膩。纖手卻盤老鴉色。翠滑寶釵簪不得。春風爛漫惱嬌慵。十

八鬢多無氣力。妝成鬢髻欹不斜。雲裾數步踏雁沙。背人不語向何處。下階自折櫻桃花。梳頭以後之神

李商隱字義山。河內人。開成中進士。官弘農尉。會昌中。王茂元鎮河陽。辟為掌書記。得侍御史。茂元以子妻之。李德裕秉政。厚遇之。李宗閔黨。與德裕為讐。卒不遇。後令狐綯作相。商隱啓陳綯父楚。相厚之情。綯不之省。會河南尹柳仲郢鎮東蜀。辟為節度判官。大中末。仲郢左遷。商隱罷未幾卒。○商隱詩文。王於瀨祭典。瞻過溫庭筠。宋代楊大耳諸人宗之。號西崑體。

韓碑

元和天子神武姿。彼何人哉。軒與義。誓將上雪列聖恥。坐法宮中朝四夷。淮西有賊五十載。封狼生。獺生。生。不據山河據平地。長戈利矛日可麾。帝得聖相相曰度。賊斫不死神扶持。腰懸相印作都統。陰氣滲

澹天王旗。愬武古通。作牙爪儀。曹外郎載筆隨。行軍司馬智且勇。十四萬衆猶虎貔。入蔡縛賊獻太廟。功無與讓。恩不訾。帝曰汝度功第一。汝從事愈宜爲辭。愈拜稽首蹈且舞。金石刻畫臣能爲。古者世稱大手筆。此事不係于職司。當仁自古有不讓。言訖屢頷天子頤。公退齋戒坐小閣。濡染大筆何淋漓。點竄堯典舜典字。塗改清廟生民詩。文成破體書在紙。清晨再拜鋪丹墀。表曰臣愈昧死上。詠神聖功書之碑。碑高三丈字如斗。負以靈鼈蟠以螭。句奇語重喻者少。四字品定歸公詩文。讒之天子言其私。長繩百尺拽碑倒。麤砂大石相磨治。公之斯文若元氣。先時已入人肝脾。湯盤孔鼎有述作。天地大文男位不能磨脫。今無其器存。其辭嗚呼聖王及聖相。相與烜赫流淳熙。公之斯文不示後。曷與三五相攀追。願書萬本誦萬遍。口角流沫右手胝。傳之七十有二代。以爲封禪玉檢明堂基。晚唐人古詩。穠鮮柔媚近詩餘矣。即義山七古亦以辭勝。獨此篇意則正堂堂辭則鷹揚鳳翽。在爾時不啻盡吟草間矣。宋代陳瓘磨去段文。仍立韓碑。大是快事。

陳 閣未詳

宿北樂館

欲眠不眠夜深淺。越鳥一聲空山遠。庭木蕭蕭落葉時。溪聲雨聲聽不辨。溪流潺潺風習習。燈影山光滿窗入。棟裏不知渾是雲。曉來但覺衣裳濕。清幽何減孟襄陽歸鹿門作。而天

張

必必淮南人。初官句容尉。南唐後主徵爲監察御史。官至中書舍人。入宋後不仕。

春晚謠

雨微微。煙霏霏。小庭半拆紅薔薇。細箏斜倚畫屏曲。零落幾行金雁飛。蕭關夢斷無尋處。萬疊春波起南浦。凌亂楊花撲繡簾。曉窗時有流鶯語。

春江雨

雨溟溟。風泠泠。老松瘦竹臨煙汀。空江冷落野雲重。雲中孤月微如星。是雨後微月。夜驚溪上漁人起。滴瀝蓬聲滿愁耳。子規啼斷獨未眠。罨岸春濤打船尾。

鮑君徽字文姬善詞賦。德宗時人。與宋氏五女學士齊名。

惜春花

枝上花。花下人。可憐顏色俱青春。昨日看花花灼灼。今日看花花欲落。不如盡此花下歡。莫待春風總吹却。鶯歌蝶舞媚韶光。紅爐煮茗松花香。妝成形影自矜惜。女學士品。獨把花枝歸洞房。

張夫人戶部侍郎吉中孚室。

拜新月

拜新月。拜月出堂前。暗魄初籠桂。虛弓未引弦。拜新月。拜月妝樓上。鸞鏡未安臺。蛾眉已相向。拜新月。拜月不勝情。庭前風露清。單句用韻。月臨人自老。人望月長生。東家阿母亦拜月。一拜一悲聲斷絕。昔年拜月還

容輝如今拜月雙淚垂。回看衆女拜新月。却憶閨中年少時。名士老年回憶青燈

裴羽仙

失其姓。裴悅室也。悅征匈奴不歸。羽仙賦。邊將詩以寫憂鬱。後寄夫征衣并附以詩。

寄夫征衣

深閨乍冷開香匣。玉筯微微濕紅頰。一陣霜風殺柳條。濃烟半夜成黃葉。重重白練如霜雪。獨下寒階轉
淒切。祇知抱杵搗秋砧。不覺高樓已無月。時聞寒雁聲呼喚。紗窗只有燈相伴。幾展齊紈又懶裁。離腸空
逐金刀斷。細想儀形執刀尺。回刀剪破澄江色。愁捻銀鍼信手縫。惆悵無人試寬窄。時時舉袖勻殘淚。紅
箋漫有千行字。書中不盡心中事。一半殷勤托邊使。

僧隱巒

時代無可考。故附于末。

蜀中送人遊廬山

君行正值芳春月。蜀道千山皆秀發。谿邊十里五里花。雲外三峯兩峯雪。君上匡山我舊居。松蘿拋擲十
年餘。君行試到山前問。山鳥只今相憶無。